
ओं नमः परमात्मने, श्री महागणपतये नमः
श्री गुरुभ्यो नमः ह॒रिः ओं

शान्तिजप मन्त्र पाठः

Version Notes:

This is now the current Version 5.0 dated Sep 30, 2025.

1. This replaces the earlier version 4.3 dated June 30, 2022.
2. This version has been updated with the errors found and reported till Sep 30, 2025.
3. Samhita Vaakyams here are aligned / split according to pada padam. Brahmanam, Aranyakam Vaakyams appearing here are split , aligned and shown in line with the books published under “Anandaashram Series”, Pune during early AD 1900’s.
4. Required convention, style and presentation improvements or standardisations has been done wherever applicable.
5. Notify your corrections / suggestions etc to our email id “vedavms@gmail.com”

Earlier Versions

1st	Version Number	0.0 dated 30th Nov 2015
2nd	Version Number	0.1 dated 31st Mar 2016
3rd	Version Number	2.0 dated 30th Nov 2017
4th	Version Number	3.0 dated 01st Mar 2018
5th	Version Number	4.0 dated 31st Oct 2018
6th	Version Number	4.1 dated 30th Apl 2020
7th	Version Number	4.2 dated 31st Dec 2020
8th	Version Number	4.3 dated 30rh June 2022

Other Notes:

- **OM at the beginning and at the end of chanting** shall be recited as per the method **taught by your Guru** as there are varying conventions. **OM** given at the beginning of each Suktham is for convention. OM need not be chanted during continuous rendering of Sukthams or Mantras.
- Similarly **OM Shanti Shanti ShantiH** given at the end of each Suktham is for convention; during continuous chanting it need not be repeated at the end of each Suktham/Mantra. Kindly follow the conventions taught by your Guru.
- **The reference codes indicated are**

TS	-	Taittiriya Samhita
TB	-	Taittiriya Braahamanam
TA	-	Taittiriya Aranyakam
EAK/APMB	-	Ekaagni Kaandam/Apasthamba Mantra Bagam
RV	-	Rig Veda Samhita
RV Kh	-	Rig Veda khila kaandam
- First level number represents the Kandam/Ashtakam Number, Second level PraSna/Prapaataka Number, Third level the Anuvaakam, Fourth level the Dasini or Panchati number.
In Ruk Veda it will be Mandala, Sukta and Mantra & Ruk Number.
In Ekaagni Kandam it is Prapaatakam, Kanda and Mantra Number.
- A mantra may appear in one or more source Vedic texts. We have indicated one convenient reference for Users. For some mantras no definitive Source reference is available. In some places the references are given together at the beginning of the Mantra/Suktham.
- (Hyphen) “_” used between words indicate that the words has parts which need to be rendered together as per your Guru’s teachings. This sign is used in areas to split words which are long or the words has been constructed through Sandhis which result in “different letters” (which joins the original padam of words) and also for ease of reading/rendering. The usages of hyphens slightly vary in Sanskrit, Malayalam and Tamil books based on the usages in theses languages.

Contents

1 गणपत्यथर्व-शीर्षोपनिषत्	9
2 वेदादया	15
2.1 रक्षोघ्नं	15
2.2 आप्यम्	18
3 पवमान सूक्तं	19
4 वास्तु मन्त्रः	24
5 वरुण सूक्तं	25
6 ब्रह्म सूक्तं	27
7 विष्णु सूक्तं	28
7.1 विष्णु सूक्तं (Split Chanting)	28
7.2 विष्णु सूक्तं (Combined Chanting)	30
8 रुद्र सूक्तं	32
9 दुर्गा सूक्तं	34
10 श्री सूक्तं	36
11 मेधा सूक्तं	39
12 भू सूक्तं	41
13 भाग्य सूक्तं	43
14 मृत्यु सूक्तं	45
15 मृत संजीविनी सूक्तं (यक्ष्मघ्न सूक्तं)	51
16 आयुष्य सूक्तं	52
17 नवग्रह सूक्तं	54
18 दिक् पालका मन्त्राः	60
19 नक्षत्र सूक्तं	63
20 शान्ति पञ्चकं	76
21 रुद्र नमकं	79

22 चमकं	93
23 पुरुष सूक्तं	102
24 उत्तर नारायणं	105
25 महा नारायणं	106
26 घोष शान्ति	109
27 हिरण्यगर्भ सूक्तं	114
28 वेद काण्ड तैत्तिरीय संहिता	116
28.1 प्रथमकाण्डे प्रथमप्रश्नः प्रथमपञ्चातिः	116
28.2 द्वितीयकाण्डे प्रथमप्रश्नः प्रथमपञ्चातिः	116
28.3 तृतीयकाण्डे प्रथमप्रश्नः प्रथम पञ्चातिः	117
28.4 चतुर्थकाण्डे प्रथमप्रश्नः प्रथमपञ्चातिः	117
28.5 पञ्चमकाण्डे प्रथमप्रश्नः प्रथमपञ्चातिः	118
28.6 षष्ठकाण्डे प्रथमप्रश्नः प्रथमपञ्चातिः	118
28.7 सप्तमकाण्डे प्रथमप्रश्नः प्रथमपञ्चातिः	119
28.8 सप्तमकाण्डे पञ्चमप्रश्नः अन्त्यपञ्चातिः	119
28.9 तैत्तिरीय यजुर्ब्राह्मणम्-प्रथमाष्टके प्रथमप्रश्नः प्रथम दशिनि	120
28.10 द्वितीयाष्टके प्रथमप्रश्नः प्रथम दशिनि	120
28.11 तृतीयाष्टके प्रथमप्रश्नः प्रथम दशिनि	121
28.12 तृतीयाष्टके नवमप्रश्नः प्रथम दशिनि	121
28.13 तृतीयाष्टके नवमप्रश्नः अन्त्य दशिनि	122
28.14 काटके प्रथमप्रश्नः प्रथम दशिनि	122
28.15 काटके तृतीयप्रश्नः अन्त्य दशिनि	123
28.16 आरण्यके प्रथमप्रश्नः प्रथम दशिनि	124
28.17 आरण्यके दशमप्रश्नः अन्त्य दशिनि	125
29 ऋचां प्राची	127

30 प्रदक्षिण मन्त्राः.....	131
31 प्रोक्षण मन्त्राः.....	133
32 ओषधि सूक्तं.....	136
33 मन्त्र पुष्पं	139
34 अघमर्षण सूक्तं	143
35 त्रिसुपर्ण मन्त्राः.....	146
36 जयादि होमः.....	148
36.1 वसोर्धारा मन्त्र पाठः	159
36.2 पूर्णाहुतिः	162
37 घन मन्त्राः	163
37.1 मे जीवातुः.....	163
37.2 मयि मेधां मयि प्रजां	168
37.3 मारुत मनर्वाणं	170
37.4 सा प्रजां	171
37.5 यस्य पुत्रः	173
37.6 ये देवा दिवि भागा	176
37.7 प्रजामायुर्धनं च	180
37.8 सर्वेभ्यो वै कामेभ्यः	181
37.9 पुष्टिं धत्तः	184
37.10 ता विष्णो पाहि	186
37.11 आशिषमेवै तामा शास्ते	189
37.12 एवास्मिन्नायुर् दधति	190
37.13 शतमानं भवति	192
37.14 वै प्रजा	195
38 आशीर्वाद मन्त्राः	197

38.1 आरण्यके द्वितीयप्रश्नः प्रथम दशिनि	201
38.2 आरण्यके द्वितीयप्रश्नः द्वितीय दशिनि	202
38.3 नारायणोपनिषत्	203
39 प्रकीर्णाध्यायः	206
39.1 ब्राह्मण एक होता ।	206
39.2 नमः प्राच्यै	208
40 ऐक मत्य सूक्तं	209

=====

ओं नमः परमात्मने, श्री महागणपतये नमः,

श्री गुरुभ्यो नमः ॥ हरिः ओं

1 गणपत्यथर्व-शीर्षोपनिषत्

ओं भद्रं दधातु ।

ओं । भद्रं कर्णेभिः शृणुयाम देवाः । भद्रं पश्येमाक्षभिर् -यजत्राः ।

स्थिरै-रङ्गै-स्तुष्टुवाꣳ सस्तनूभिः । व्यशेम देवहितं यदायुः ।

स्वस्तिन इन्द्रो वृद्धश्रवाः । स्वस्ति नः पूषा विश्ववेदाः ।

स्वस्ति-नस्ताक्षर्यो अरिष्टनेमिः । स्वस्तिनो बृहस्पतिर् दधातु ॥

ओं शान्तिः शान्तिः शान्तिः ॥

(ओं) अथ गणपत्यथर्वशीर्षं व्याख्यास्यामः ।

ओं नमस्ते गणपतये । त्वमेव प्रत्यक्षं तत्त्वमसि ।

त्वमेव केवलं कर्ताऽसि । त्वमेव केवलं धर्ताऽसि ।

त्वमेव केवलं हर्ताऽसि । त्वमेव सर्वं खल्विदं ब्रह्मासि ।

त्वं साक्षा-दात्माऽसि नित्यं ॥ 1

ऋतं वच्मि । सत्यं वच्मि ॥ 2

अ॒व॒त्त्वं मां॑ । अ॒व॒व॒क्त॒रं॑ ॥ अ॒व॒ श्रो॒ता॒रं॑ ॥ अ॒व॒दा॒ता॒रं॑ ॥ अ॒व॒धा॒ता॒रं॑ ॥
अ॒वा॒नू॒चा-न॒म॒व॒शि॒ष्यं॑ ॥ अ॒व॒ प॒श्चा॒त्ता॒त् ॥ अ॒व॒ पु॒र॒स्ता॒त् ॥
अ॒वो॒त्त॒रा॒त्ता॒त् ॥ अ॒व॒ द॒क्षि॒णा॒त्ता॒त् ॥ अ॒व॒ चो॒र्द्ध्वा॒त्ता॒त् ॥
अ॒वा॒ध॒रा॒त्ता॒त् ॥ स॒र्व॒तो॒मां पा॒हि॒पा॒हि॒ स॒म॒न्ता॒त् ॥ ३

त्वं वाङ्म॒यस्त्वं॑ चिन्म॒यः॑ । त्वमा॒न॒न्द-म॒यस्त्वं॑ ब्र॒ह्म॒म॒यः॑ ।
त्वं स॒च्चि॒दा॒न॒न्दा-ऽद्वि॒ती॒यो॒ऽसि॑ । त्वंप्र॒त्यक्षं॑ ब्र॒ह्मा॒सि॑ ।
त्वं ज्ञा॒न॒म॒यो वि॒ज्ञा॒न॒म॒यो॒ऽसि॑ ॥ ४

सर्वं॑ जगदिदं त्वत्तो जायते । सर्वं॑ जगदिदं त्वत्तस्तिष्ठति ।
सर्वं॑ जगदिदं त्वयि लयमेष्यति । सर्वं॑ जगदिदं त्वयि प्रत्येति ।
त्वं भू॒मि-रा॒पो-ऽन॒लो-ऽनि॒लो न॒भः॑ । त्वं च॒त्वा॒रि वाक्प॒दा॒नि॑ ॥ ५

त्वं गु॒णत्र॒याती॒तः॑ । त्वम॒व॒स्थात्र॒याती॒तः॑ । त्वं दे॒हत्र॒याती॒तः॑ ।
त्वं का॒लत्र॒याती॒तः॑ । त्वं मू॒ला॒धा॒र-स्थि॒तो॒ऽसि॑ नि॒त्यं॑ ।
त्वं श॒क्ति॒त्र॒या॒त्म॒कः॑ । त्वां यो॒गि॒नो ध्या॒यन्ति॑ नि॒त्यं॑ ।
त्वं ब्र॒ह्मा त्वँ॑ विष्णुस्त्वं-रु॒द्रस्त्वं-मि॒न्द्रस्त्वं-म॒ग्निस्त्वं॑-वा॒युस्त्वं॑
सू॒र्यस्त्वं॑ च॒न्द्र॒मास्त्वं॑ ब्र॒ह्म भू॒र्भुव॒स्स्व॒रो॑ ॥ ६

गणादिं॑ (गणादिं॑) पूर्व॑-मुच्चार्य॑ वर्णादिं॑ (वर्णादिं॑) तदनु॑न्तरं ।
अनु॑स्वारः पर॑तरः । अर्धे॑न्दु-ल॒सितं॑ । तारेण॑ ऋ॒द्धं ।
एत॑त्तव-मनु॑स्वरूपं । ग॒कारः पूर्वरूपं॑ । अ॒कारो म॒द्ध्यम॑ रूपं ।
अनु॑स्वार श्रान्त्य रूपं । बिन्दु॑ रु॒त्तर रूपं॑ । नादः॑ सन्धानं ।
स॒हिता स॒न्धिः । सैषा ग॒णेश विद्या॑ । ग॒णक ऋषिः॑ ।
निचृ॑द्गायत्री छन्दः । (श्री महा) गण॑पतिर् दे॒वता । ॥ 7

ओं गं गण॑पतये नमः ॥

एक॑ द॒न्ताय वि॒द्महे वक्र॑ तुण्डाय धीमहि ।
तन्नो॑ दन्तिः (दन्ती) प्रचो॑दयात् (3 times) ॥ 8

एक॑ द॒न्तं चतु॑र्हस्तं पाश॑-मङ्कुश॑ धारिणं ।
रद॑ञ्च वर॑दं-हस्तैर् बिभ्राणं॑ मूष॑कध्वजं ।
रक्तं॑ ल॒ंबोदरं॑ शूर्प॑कर्णकं रक्त॑वाससं ।
रक्त॑गन्धा-नु॒लिप्ताङ्गं॑ रक्त॑पुष्पैः सु॒पूजितं॑ ।
भक्ता॑नुक॑म्पिनं दे॒वं जग॑त्कारण॒-मच्यु॑तं ।
आवि॑र्भूतं च सृष्ट्या॑दौ प्र॒कृतेः पुरु॑षात्परं ।
एवं॑ ध्या॒यति॑ यो नित्यं॑ स योगी॑ योगि॒नां वरः॑ ॥ 9

नमो॑ व्रा॒तप॑तये , नमो॑ गण॒पत॑ये , नमः॑ प्रमथ॒पत॑ये,
नमस्ते॑ऽस्तु लं॒बोद॑राय , एकद॒न्ताय॑ ,विघ्न॑(वि)नाशिने ,
शिव॑सुताय, श्रीवर॑दमूर्तये॒ नमः॑ (नमो॑ नमः॑) ॥ 10

एत॑दथर्वशीर्षं॑ योऽधी॒ते । स ब्र॑ह्मभूयाय॑ कल्प॒ते ।
स सर्व॑ विघ्नैर्॑ –नबा॒ध्यते॑ । स सर्व॑तः सु॒खमे॒धते॑ ।
स पञ्च॑ म॒हा पा॑पात् प्रमु॒च्यते॑ ।
साय॑मधी॒यानो॑ दि॒वस॑कृतं पापं॑ नाशयति ।
प्रा॒तर॑धी॒यानो॑ रा॒त्रिकृ॑तं पापं॑ नाशयति ।
सा॒यं प्रा॒तः प्र॑युञ्जानो॑ पापोऽपा॑पो भवति ।
सर्व॑त्राधी॒यानो॑ –ऽप॒विघ्नो॑ भवति । धर्मा॑र्थ–का॒म–मोक्षं॑ च वि॒न्दति॑ ।
इद॑–मथर्वशीर्ष–मशि॒ष्याय॑ न दे॒यं । यो यदि॑ मो॒हाद् दा॒स्यति॑ ।
स पा॑पी॒यान् भ॒वति॑ । सह॑स्रावर्तनाद्यं॑ यं का॒मम॑धी॒ते ।
तं तम॑नेन सा॒धये॑त् ॥ 11

अने॑न गण॒पति॑–म॒भिषि॑ञ्चति । सवा॑ग्मी भवति ।
चतु॑र्थ्या॒ मन॑श्नन् ज॒पति॑ । स विद्या॑वान् भवति । इत्यथ॑र्वण वा॒क्यं ।
ब्र॒ह्माद्या॑वरणं॑ वि॒द्यात् । न बि॑भेति कदाच॒नेति॑ ॥ 12

यो दूर्वाङ्कुरैर् यजति । स वैश्रवणोपमो भवति ।

यो लाजैर् -यजति ।

स यशोवान् भवति । स मेधावान् भवति ।

यो मोदक-सहस्रेण यजति ।

स वाञ्छितफलमवाप्नोति । यः साज्य समिद्धिर् यजति ।

स सर्वं लभते स सर्वं लभते ॥ 13

अष्टौ ब्राह्मणान् सम्यग्ग्राहयित्वा । सूर्य वर्चस्वी भवति ।

सूर्य ग्रहे महानद्यां प्रतिमा सन्निधौ वा जप्त्वा । सिद्ध मन्त्रो भवति ।

महा विघ्नात् प्रमुच्यते । महा दोषात् प्रमुच्यते ।

महा प्रत्यवायात् प्रमुच्यते । महा पापात् प्रमुच्यते ।

स सर्वं विद्भवति स सर्वं विद्भवति ।

य एवं वेद । इत्युपनिषत् ॥ 14

सहनाववतु । सहनौभुनक्तु । सहवीर्यं करवावहै ।

तेजस्विना वधीतमस्तुमा विद्विषावहै ॥

ओं शान्तिः शान्तिः शान्तिः॥

ओं भ॒द्रं द॑धातु । ओं भ॒द्रं क॑र्णेभिः शृ॒णु॒याम॑ दे॒वाः ।
भ॒द्रं प॑श्येमाक्षभिर् यज॑त्राः । स्थि॒रै-रङ्गै॑-स्तुष्टु॒वाꣳ स॑स्त॒नूभिः॑ ।
व्य॑शेम दे॒वहि॑तं य॒दायुः॑ । स्व॒स्ति न॒ इन्द्रो॑ वृ॒द्धश्र॑वाः ।
स्व॒स्ति नः॑ पू॒षा वि॒श्ववे॑दाः ।

स्व॒स्ति-न॒स्ताक्ष॑र्यो अ॒रिष्ट॑नेमिः ।
स्व॒स्तिनो॑ बृ॒हस्प॑तिर् द॑धातु ॥

ओं शान्तिः॑ शान्तिः॑ शान्तिः॑ ॥

2 वेदादया

ओं । अ॒ग्निमी॑ळे पु॒रोहि॑तं य॒ज्ञस्य॑ दे॒वमृ॑त्विजं । हो॒तारं॑ रत्न॒ धात॑मं ।
इ॒षेत्वो॑र्जे॒त्वा वा॒यव॑स्स्थो पा॒यव॑स्स्थ दे॒वो व॑स्सवि॒ता प्रा॑र्पयतु
श्रेष्ठ॑तमाय॒ कर्म॑णे ।

अ॒ग्न आ॒याहि॑ वी॒तये॑ गृ॒णानो॑ ह॒व्यदा॑तये । नि॒होता॑ स॒त्सि ब॑र्हिषि ।
श॒न्नो दे॒वीर॒भिष्ट॑य॒ आपो॑ भवन्तु पी॒तये॑ । शं चो॒रभि॑ स्रवन्तुनः ॥ 1

2.1 रक्षोघ्नं

(TS 1.2.14.1)

कृ॒णुष्व॑ पा॒जः प्र॑सि॒तिन्न॑ पृ॒थ्वीं च॑या॒हि रा॒जे वा॑म॒वाꣳ इ॒भेन॑ ।
वृ॒ष्वीम॑नु प्र॑सि॒तिं दू॒णानो॑ऽस्ताऽसि॒ विद्ध्य॑ र॒क्षस॑स्तपि॒ष्ठैः ।
तव॑ भ्र॒मास॑ आ॒शुया॑ प॒तन्त्य॑नुस्पृ॒श धृ॑षता शो॒शुचा॑नः ।
तपू॑ꣳष्य॒ग्ने जु॒ह्वा प॑त॒ङ्गान॑स॒न्दितो॑ वि॒सृज॑ वि॒ष्वगु॑ल्काः ।
प्र॒तिस्प॑शो वि॒सृज॑ तू॒र्णित॑मो भ॒वा पा॑युर्वि॒शो अ॒स्या अ॑द॒ब्धः ॥ 2

यो नो॑ दू॒रे अ॒घश॑ꣳसो यो अ॒न्त्य॑ग्ने मा॒किष्टे॑ व्य॒थिरा॑ द॒धर्षी॑त् ।
उ॒दग्ने॑ तिष्ठ प्र॒त्यात॑नुष्व॒न्यमि॑त्राꣳ ओष॒तात्ति॑ग्महे॒ते ।
यो नो॑ अ॒रातिꣳ स॒मिधा॑न च॒क्रे नी॒चा तं ध॑क्ष्यत स॒न्न शु॑ष्कं ॥

ऊ॒र्ध्वो॑ भ॒व॒ प्र॒ति वि॒द्ध्य॑ाद्ध्य॒स्मदा॒-विष्कृ॑णुष्व दै॒व्या॑न्यग्ने ।
अव॑स्थि॒रा त॒नुहि॑ या॒तु॒ जू॒नां जा॒मिम॑जा॒मिं प्र॑मृणीहि श॒त्रून् ॥ 3

स ते॑ जा॒नाति॑ सु॒मतिं॑ य॒विष्ठ॒ य ई॒वते॒ ब्र॒ह्म॒णे गा॒तुमै॑रत् ।
विश्वा॑न्यस्मै सु॒दिना॑नि रा॒यो द्यु॒म्ना॒न्य॒र्यो वि॒ दुरो॑ अ॒भिद्यौ॑त् ।
से॒दग्ने॑ अस्तु सु॒भग॑ स्सु॒दानु॑र् यस्त्वा॒ नित्ये॑न ह॒विषा॑ य उ॒क्थैः॑ ।
पि॒प्री॑षति स्व आ॒युषि॑ दुरो॒णे वि॒श्वेद॑स्मै सु॒दिना॑ साऽस॒दिष्टिः॑ ।
अ॒र्चामि॑ते सु॒मतिं॑ घोष्य॒र्वाख्-स॑न्ते वा॒वाता॑ ज॒रता॑ मि॒यङ्गीः ॥ 4

स्वश्वा॑स्त्वा सु॒रथा॑ म॒र्जये॑-मा॒स्मे क्ष॒त्राणि॑ धा॒रये॑र-नु॒द्यून् ।
इ॒ह त्वा॒ भूर्या॑ च॒रेदु॑प॒ त्मन् दो॑षाव॒स्तर॑ दी॒दिवा॑ऽस-म॒नुद्यून्॑ ।
क्री॒डन्त॑स्त्वा सु॒मन॑स॒ स्सपे॑मा॒भि द्यु॒म्ना त॑स्थि॒वाऽसो॑ ज॒नानां॑ ।
यस्त्वा॑-स्वश्च॒स्सुहि॑रण्यो अ॒ग्न उप॑याति व॒सुम॑ता र॒थेन॑ ।
तस्य॑ त्रा॒ता भ॑वसि॒ तस्य॑ स॒खा यस्त॑ आ॒तिथ्य॑-मा॒नुष॑ग् जु॒जोष॑त् ॥ 5

म॒हो रु॑जा॒मि ब॒न्धुता॑ व॒चो॑भि॒स्तन्मा॑ पि॒तुर्गो॑त॒माद॑न्वि॒याय॑ ।
त्व॒न्नो अ॒स्य व॑च॒स-श्चि॑कि॒द्धि हो॑तर्य॒विष्ठ॑ सु॒क्रतो॑ द॒मूनाः॑ ।
अ॒स्वप्न॑ज-स्तर॒णय॑ स्सु॒शेवा॑ अ॒तन्द्रा॑सोऽवृ॒का अ॑श्रमि॒ष्ठाः ।

ते पा॒यवः॑ स॒द्ध्रिय॑ञ्चो नि॒षद्या॑ग्ने त॒वनः॑ पा॒न्त्वमू॑र ।
ये पा॒यवो॑ मा॒मते॑यं ते अ॒ग्ने प॑श्यन्तो अ॒न्धं दु॑रि॒ताद॑रक्षन् ।
र॒क्षता॑न्त् सु॒कृतो॑ वि॒श्ववे॑दा दि॒प्सन्त॑ इ॒द्रिप॑वो ना ह॑ दे॒भुः ॥ 6

त्वया॑ व॒यञ् स॒धन्य॑-स्त्वो॒ता स्त॒व प्र॑णी॒त्यश्या॑म वा॒जान् ।
उ॒भा श॑ञ्सा सू॒दय॑ स॒त्यता॑ते-ऽनु॒ष्टुया॑ कृ॒णु॒ह्यह॑याण ।
अ॒या ते॑ अ॒ग्ने स॒मिधा॑ वि॒धेम॒ प्रति॒ स्तोम॑ञ् श॒स्यमा॑नं गृ॒भाय॑ ।
द॒हाश॑सो र॒क्षसः॑ पा॒ह्यस्मा॑न् द्रु॒हो नि॒दो मि॒त्रम॑हो अ॒वद्या॑त् ।
र॒क्षो॒हणं॑ वा॒जिन॑-मा॒जिघ॑र्मि मि॒त्रं प्र॑थि॒ष्ठ-मु॑प॒यामि॑ श॒र्म ।
शि॒शानो॑ अ॒ग्निः क्र॑तु॒भि-स्स॒मिद्ध॑-स्स॒नो दि॒वा स॒ रि॒षः पा॑तु॒नक्तं॑ ॥ 7

वि ज्यो॑ति॒षा बृ॒हता॑ भा॒त्यग्नि॑रा॒विर् वि॒श्वानि॑ कृ॒णुते॑ म॒हित्वा॑ ।
प्रा॒दे॒वीर् मा॒या स्स॑ह॒ते दु॒रेवा॑ शि॒शी॑ते शृ॒ङ्गे र॒क्षसे॑ वि॒निक्षे॑ ।
उ॒त स्वा॑ना॒सो दि॒वि ष॑न्त्व॒ग्ने स्ति॒ग्मायु॑धा र॒क्षसे॑ ह॒न्त वा॑ उ ।
म॒दे चि॒दस्य॑ प्र रु॒जन्ति॑ भा॒मा न॑ व॒रन्ते॑ प॒रिबा॑धो अ॒दे॒वीः ॥ 8

2.2 आप्यम्

(TS 5.7.4.3)

अग्ने॑ य॒शस्वि॑न् य॒श॒से॒मम॑र्पयेन्द्रा॑वती-म॒पचि॑ती-मिहा॑वह ।
अ॒यं मू॒र्ध्ना पर॑मेष्ठ सु॒वर्चा॑-स्स॒माना॑ना-मु॒त्तम॑श्लो॒को अस्तु॑ ।
भ॒द्रं प॑श्यन्त॒ उप॑सेदुर॒ग्रे तपो॑दीक्षामृष॑य-स्सु॒वर्वि॑दः ।
ततः॑ क्ष॒त्रं ब॒लमो॑जश्च जा॒तं तद॑स्मै दे॒वा अ॒भिस॑न्नमन्तु ।
धा॒ता वि॒धा॒ता पर॑मोत स॒न्दृक् प्र॒जाप॑तिः पर॑मेष्ठ वि॒राजा॑ ॥
स्तो॒मा-श्च॒न्दा॑ँसि नि॒विदो॑म आ॒हुरे॒तस्मै॑ रा॒ष्ट्रम॑भि स॒न्नमा॑म ।
अ॒भ्याव॑र्त्त॒ध्व-मु॒पमे॑त सा॒कम॑यँ शा॒स्ता-ऽधि॑पतिर्वो॒ अस्तु॑ ।
अ॒स्य वि॒ज्ञान॑-म॒नुस॑ँ र॒भध्व॑मिमं प॒श्चाद॑नु जी॒वाथ॑ सर्वे॑ ॥

3 पवमान सूक्तं

TS 5.6.1.1

ओं ॥

हिरण्यवर्णाः शुचयः पावका यासु जातः कश्यपो यास्विन्द्रः ।
अग्निं या गर्भदधिरे विरूपास्ता न आपश्शः स्योना भवन्तु ॥
यासां राजा वरुणो याति मध्ये सत्यानृते अवपश्यन् जनानां ।
मधुश्चुत-श्शुचयो याः पावकास्ता न आपश्शः स्योना भवन्तु ॥
यासां देवा दिवि कृण्वन्ति भक्षं या अन्तरिक्षे बहुधा भवन्ति ।
याः पृथिवीं पयसोन्दन्ति शुक्रास्ता न आपश्शः स्योना भवन्तु ॥
शिवेन मा चक्षुषा पश्यताप शिवया तनुवोप स्पृशत त्वचं मे ।
सर्वां अग्नीं रप्सुषदो हुवे वो मयि वर्चो बलमोजो नि धत्त ॥

(Additional chanting for Shanti Japam -TS 5.6.1.2)

यदद स्सं प्रयतीरहा वनदताहते ।
तस्मादा नद्यो नाम स्थ ता वो नामानि सिन्धवः ।
यत् प्रेषिता वरुणेन ता शशीभः समवल्गता ।
तदाप्नोदिन्द्रो वो यतीस्तस्मादापो अनु स्थन ।
अपक्रामः स्यन्दमाना अवीवरत वो हिकं ।

इन्द्रो॑ व॒ र॒श॒क्ति॒भिर् दे॒वी-स्तस्मा॑द् वा॒र्णामि॑वो हि॒तं ।
 ए॒को दे॒वो अ॒प्यति॑ष्ठ॒थ् स्य॑न्द॒माना॑ यथाव॒शं ।
 उ॒दानि॑षुर् म॒हीरि॑ति॒ तस्मा॑दु॒दक-मु॑च्यते ।
 आपो॑ भ॒द्रा घृ॒तमि॑दाप॒ आसु-र॑ग्नी॒षोमौ॑ बिभ्र॒त्याप॑ इ॒त्ताः ।
 ती॒व्रो॒रसो॑ म॒धुपृ॑चा-म॒रङ्ग॒म आ मा॑ प्रा॒णेन॑ स॒हव॑र्चसा ग॒न् ।
 आ॒दि॒त्य॒श्या-म्यु॑तवा॒ श्रृणो॑म्यामा॒ घोषो॑ गच्छति॒ वाङ् न॑ आसां ।
 मन्ये॑ भेजा॒नो अ॒मृत॑स्य॒ तर्हि॑ हि॒र॒ण्यव॑र्णा॒ अतृ॑पँ॒ यदा॑ वः ।
 आपो॑ हि॒ ष्ठा म॒योभु॑वस्ता॒ न ऊ॒र्जे द॑धात॒न । म॒हे र॑णाय॒ चक्ष॑से ।
 यो॒वः शि॒वत॑मो॒ रस॑स्तस्य॒ भाज॑यते॒ह नः॑ । उ॒शती॑रिव॒ मातरः॑ ।
 तस्मा॑ अ॒रङ्ग॑माम॒ वो यस्य॑ क्षयाय॒ जिन्व॑थ । आपो॑ ज॒नय॑था च॒ नः ।
 दि॒वि श्र॑य॒स्वान्तरि॑क्षे॒ यत॑स्व॒ पृथि॒व्या सं भ॑व॒ ब्रह्म॑व॒र्चस-म॑सि
 ब्रह्म॑व॒र्चसाय॑ त्वा ॥ (Additional chanting ends)

TB 1.4.8.1 (for Para No. 1 to 6)

पव॒मान॒ स्सु॒वर्ज॒नः । प॒वि॒त्रेण॒ वि॒चर्ष॑णिः ।
यः पो॒ता स पु॒नातु॑ मा । पु॒नन्तु॑ मा दे॒वज॒नाः । पु॒नन्तु॑ मन॒ वो॒धि॒या ।
पु॒नन्तु॑ वि॒श्व आ॒यवः॑ । जा॒तवे॑दः प॒वि॒त्रव॑त् । प॒वि॒त्रेण॒ पु॒नाहि॑ मा ।
शु॒क्रेण॑ दे॒व दी॒द्यत् । अ॒ग्ने क्र॒त्वा-क्र॒तूँर॒नु ॥ 1

य॒त्ते प॒वि॒त्र-म॒र्चि॒षि । अ॒ग्ने वि॒त॒त-म॒न्तरा॑ । ब्र॒ह्म ते॒न पु॒नीम॑हे ।
उ॒भाभ्यां॑ दे॒व स॒वितः॑ । प॒वि॒त्रेण॒ सवे॑न च । इ॒दं ब्र॒ह्म पु॒नीम॑हे ।
वै॒श्वदे॒वी पु॒नती॑ दे॒व्यागा॑त् । य॒स्यै ब॒ह्वी-स्त॑नुवो॒ वी॒तपृ॑ष्ठाः ।
तया॑ म॒दन्त॑-स्स॒धमा॑द्येषु । व॒यञ् स्या॑म प॒तयो॑ र॒यीणां॑ ॥ 2

वै॒श्वान॑रो र॒श्मिभि॑र्मा पु॒नातु॑ । वा॒तः प्रा॒णेने॑षिरो म॒योभूः॑ ।
द्या॒वापृ॑थि॒वी प॒यसा॑ प॒योभिः॑ । ऋ॒ताव॑री य॒ज्ञिये॑ मा पु॒नीतां॑ ।
बृ॒हद्भि॑-स्स॒वित॑स्तृ॒भिः । व॒र्षि॑ष्ठैर् दे॒वम॑न्म॒भिः ।
अ॒ग्ने दक्षैः॑ पु॒नाहि॑मा । ये॒न दे॒वा अ॒पुन॑त । ये॒नापो॑ दि॒व्यङ्क॑शः ।
ते॒न दि॒व्येन॑ ब्र॒ह्मणा॑ ॥ 3

इ॒दं ब्र॑ह्म पु॒नीम॑हे । यः पा॒वमा॑नी-र॒ध्येति॑ ।
ऋषि॑भि-स्संभृ॒तꣳ र॒सं । सर्व॑ꣳ स पू॒तम॑श्जाति ।
स्वदि॑तं मा॒तरि॑श्वना । पा॒वमा॑नीर् यो अ॒ध्येति॑ ।
ऋषि॑भि-स्संभृ॒तꣳ र॒सं । तस्मै॑ सर॒स्वती॑ दु॒हे ।
क्षी॒रꣳ सर्पि॑ र्मधू॒दकं॑ । पा॒वमा॑नी-स्स्व॒स्त्यय॑नीः ॥ 4

सु॒दु॒घा॒हि प॑यस्वतीः । ऋषि॑भि-स्संभृ॒तो र॒सः ।
ब्रा॒ह्म॒णेष्व॑मृ॒तꣳ हि॒तं । पा॒वमा॑नीर् दि॒शन्तु॑ नः ।
इ॒मं लो॑कमथो अ॒मुं । का॒मान्थ् स॑मर्द्ध्यन्तु नः ।
दे॒वीर्दे॒वैः स॑माभृ॒ताः । पा॒वमा॑नी-स्स्व॒स्त्यय॑नीः ।
सु॒दु॒घा हि॑ घृ॒तश्चु॑तः । ऋषि॑भि-स्संभृ॒तो र॒सः ॥ 5

ब्रा॒ह्म॒णेष्व॑मृ॒तꣳ हि॒तं । येन॑ दे॒वाः प॑वित्रेण । आ॒त्मानं॑ पु॒नते॑ सदा ॥
तेन॑ स॒हस्र॑ धा॒रेण॑ । पा॒वमा॑न्यः पु॒नन्तु॑ मा । प्रा॒जाप॑त्यं प॒वित्रं॑ ॥
श॒तो॒द्यामꣳ हि॒र॒ण्मयं॑ ॥ तेन॑ ब्र॒ह्म॒विदो॑ व॒यं ।
पू॒तं ब्र॑ह्म पु॒नीम॑हे । इन्द्र॑-स्सु॒नीती॑ स॒ह मा॑ पु॒नातु॑ ।

सोम॑-स्स्व॒स्त्या वरु॑ण-स्समी॒च्या ॥

य॒मो रा॒जा प्र॒मृ॒णाभिः॑ पु॒नातु॑ मा ।

जा॒तवे॑दा मो॒र्जय॑न्त्या पु॒नातु॑ । 6

(ओं) भूर्भुव॑स्सुवः ॥

TB 3.5.11.1

तच्छँ॑योरा वृ॒णीम॑हे । गा॒तुं यँ॑ज्ञाय । गा॒तुं यँ॑ज्ञप॒तये॑ ।

दैवी॑ स्व॒स्ति-र॑स्तुनः । स्व॒स्तिर् मानु॑षेभ्यः ।

ऊ॒र्ध्वं जि॑गातु भेष॒जं । श॒न्नो अ॑स्तु द्वि॒पदे॑ । शंच॑तुष्यदे ॥

ओं शान्तिः॑ शान्तिः॑ शान्तिः॑ ॥

4 वास्तु मन्त्रः

TS 3.4.10.1

वा॒स्तो॒ष्प॒ते॒ प्र॒ति॒ जा॒नी॒ ह्य॒स्मा॒न्त् स्वा॒वे॒शो॒ अ॒न॒मी॒वो॒ भ॒वा॒ नः॑ ।
य॒त्वे॒म॒हे॒ प्र॒ति॒ त॒न्नो॒ जु॒ष॒स्व॒ श॒न्न॒ ए॒धि॒ द्वि॒प॒दे॒ शं॒च॒तु॒ष्प॒दे॒ ।
वा॒स्तो॒ष्प॒ते॒ श॒ग्म॒या॒ स॒ꣳस॒दा॒ ते॒ स॒क्षी॒म॒हि॒ र॒ण्व॒या॒ गा॒तु॒म॒त्या॑ ॥
आ॒वः॒ क्षे॒म॒ उ॒त॒ यो॒गे॒ व॒र॒न्नो॒ यू॒यं॒ पा॒त॒ स्व॒स्ति॒भि॒-स्स॒दा॒ नः॑ ।

APMB (EAK) 2.5.19

वा॒स्तो॒ष्प॒ते॒ प्र॒त॒र॒णो॒ न॒ ए॒धि॒ गो॒भि॒र॒श्वे॒भि॒रि॒न्दो॑ ।
अ॒ज॒रा॒स॒स्ते॒ स॒ख्ये॒ स्या॒म॒ पि॒ते॒व॒ पु॒त्रा॒न् प्र॒ति॒ नो॑ जु॒ष॒स्व॒ ।
अ॒मी॒व॒हा॒ वा॒स्तो॒ष्प॒ते॒ वि॒श्वा॒ रू॒पा॒ण्या॒वि॒श॒न् ।
स॒खा॒ सु॒शे॒व॒ ए॒धि॒ नः॑ ।
शि॒वꣳ शि॒वं॑ ॥ भूर्भु॒व॒स्सु॒वो॒ भूर्भु॒व॒स्सु॒वो॒ भूर्भु॒व॒स्सु॒वः॑ ॥

5 वरुण सूक्तं

(TS 1.5.11.3)

उदु॒त्त॒मं॑ वरु॒ण पा॒श॒म॒स्म॒द॒वा॒ध॒मं॑ वि॒म॒द्ध्य॒म॒७ श्र॒था॒य ।
अ॒था व॒य॒मा॒दि॒त्य व्र॒ते त॒वा॒ना॒ग॒सो॒ अ॒दि॒त॒ये स्या॒म ॥ 1

(TS 1.2.8.1)

अ॒स्त॒भ॒ना॒द् द्या॒मृ॒ष॒भो अ॒न्त॒रि॒क्ष-म॒मि॒मी॒त व॒रि॒मा॒णं पृ॒थि॒व्या
आ॒ऽसी॒द॒द्वि॒श्वा भु॒व॒ना॒नि स॒म्रा॒ड् वि॒श्वे॒त्ता॒नि वरु॒णस्य॑ व्र॒ता॒नि ॥ 2

(TS 3.4.11.6)

य॒त्कि॒ञ्चे॒दँ वरु॒ण दै॒व्ये ज॒ने॒ऽभि॒द्रो॒हं म॒नु॒ष्या॑श्च॒रा॒म॒सि ।
अ॒चि॒त्ती॒ य॒त्त॒व ध॒र्मा यु॒यो॒पि॒म मा न॒ स्त॒स्मा॒दे॒न॒सो दे॒व री॒रि॒षः ॥ 3

(TS 3.4.11.6)

कि॒त॒वा॒सो य॒द् रि॒रि॒पु॒र्न दी॒वि य॒द्वा घा स॒त्य-मु॒त॒य॒न्न वि॒द्म ।
स॒र्वा ता वि॒ष्य शि॒थि॒रे॒व दे॒वा॒था ते स्या॒म वरु॒ण प्रि॒या॒सः ॥ 4

(TS 1.5.11.3)

अ॒व ते हे॒डो वरु॒ण न॒मो॒भि॒र॒व य॒ज्ञे॒भि-री॒म॒हे ह॒वि॒र्भिः ।
क्ष॒य॒न्न॒स्म॒भ्य-म॒सु॒र प्र॒चे॒तो रा॒ज॒न्ने॒ना॒ऽसि॑ शि॒श्र॒थः कृ॒ता॒नि ॥ 5

(T.S. 2.1.11.6)

त॒त्वा॒ या॒मि॒ ब्र॒ह्म॒णा॒ व॒न्द॒मा॒न॒ स्त॒दा॒शा॒स्ते॒ य॒ज॒मा॒नो॒ ह॒वि॒र्भिः॑ ।
अ॒हे॒ड॒मा॒नो॒ व॒रु॒णे॒ह॒ बो॒द्ध्यु॒रु॒श॒स्स॒ मा॒ न॒ आ॒युः॒ प्र॒ मो॒षीः॑ ॥ 6

वरुण गायत्री

जु॒ंभ॒का॒य॒ वि॒द्महे॑ पा॒श॒ह॒स्ता॒य॒ धी॒महि॑ । त॒न्नो॑ व॒रु॒णः॑ प्र॒चो॒दया॑त् ॥
ओं शान्तिः॑ शान्तिः॑ शान्तिः॑ ॥

6 ब्रह्म सूक्तं

(TB 2.8.8.8)

ब्रह्मजज्ञानं प्रथमं पुरस्ताद् विसीमत-स्सुरुचो वेन आवः ।
स बुद्धिनया उपमा अस्य विष्ठाः सतश्च योनि-मसतश्च विवः । 1

पिता-विराजामृषभो रयीणा-मन्तरिक्षं विश्वरूप आविवेश ।
तमर्के-रभ्यर्चन्ति वथ्सं ब्रह्म सन्तं ब्रह्मणा वर्द्धयन्तः । 2

ब्रह्म देवानजनयद् ब्रह्म विश्वमिदं जगत् ।
ब्रह्मणः क्षत्रं निर्मितं ब्रह्म ब्राह्मण आत्मना ॥ 3

अन्तरस्मिन्निमे लोका अन्तर्विश्वमिदं जगत् ।
ब्रह्मैव भूतानां ज्येष्ठं तेन कौर्ऽहति स्पर्द्धितुं । 4

ब्रह्मन् देवा स्त्रयस्त्रिंशद् ब्रह्मन्निन्द्र प्रजापती ।
ब्रह्मन् ह विश्वा भूतानि नावीवान्त-स्समाहिता । 5

चतस्र आशाः प्रचरन्त्वग्नय इमन्नो यज्ञन्नयतु प्रजानन् ।
घृतं पिन्वन्नजरं सुवीरं ब्रह्म समिद्भवत्याहुतीनां । 6

(ओं शान्तिः शान्तिः शान्तिः ॥)

7 विष्णु सूक्तं

7.1 विष्णु सूक्तं (Split Chanting)

(TS 1.2.13.3)

वि॒ष्णो॒र्नु॒कं॑ वी॒र्या॑णि॒ प्र वो॑चं॒ यः पा॑रि॒वानी॑ वि॒ममे॑ र॒जाँ॑सि॒
यो अ॒स्क॒भाय॑-दु॒त्तर॑ँ स॒धस्थं॑ वि॒चक्र॑माण-स्त्रे॒धो-रु॒गायः॑ ॥ 1

Optional (TS 1.2.13.3)

वि॒ष्णो र॒राट॑म॒सि वि॒ष्णोः॑ पृ॒ष्ठम॑सि॒ वि॒ष्णो-इ॒ज॒प्त्रे॑स्थो॒ वि॒ष्णो-
स्स्यूर॑सि॒ वि॒ष्णोर् ध्रु॒वम॑सि॒ वैष्ण॑वम॒सि वि॒ष्णवे॑ त्वा ॥ 2

(TB 2.4.6.2)

तद॒स्य प्रि॒यम॑भि॒पाथो॑ अ॒श्यां । नरो॑ यत्र॒ देव॑यवो॒ मद॑न्ति ।
उ॒रु॒क्र॒मस्य॑ स हि ब॒न्धुरि॑त्था । वि॒ष्णोः॑ प॒दे प॒रमे॑ म॒दध्व॑ उ॒त्सः॑ ॥ 3

(TB 2.4.3.4)

प्र तद्वि॒ष्णु-स्स॒तव॑ते वी॒र्या॑य । मृ॒गो न भी॑मः कु॒चरो॑ गि॒रि॒ष्ठाः ।
यस्यो॒रुषु॑ त्रि॒षु वि॒क्रम॑णेषु । अ॒धि॒क्षि॒यन्ति॑ भु॒वनानि॑ वि॒श्वा ॥ 4

(TB 2.8.3.2)

प॒रो मा॒त्रया॑ त॒नुवा॑ वृ॒धान । न ते॑ म॒हित्व॑म॒न्वश्नु॑वन्ति ।
उ॒भेते॑ वि॒द्म र॒जसी॑ पृ॒थिव्या॑ वि॒ष्णो-दे॒वत्वं॑ । प॒रम॑स्य॒ वि॒त्से ॥ 5

(TB 2.4.3.5)

वि॒च॒क्र॒मे॒ पृ॒थि॒वी॒ मे॒ष ए॒तां । क्षे॒त्रा॒य॒ वि॒ष्णु॒र् म॒नु॒षे द॒श॒स्य॒न् ।
ध्रु॒वा॒सो॒ अ॒स्य की॒र॒यो ज॒ना॒सः । उ॒रु॒क्षि॒ति॒ꣳ सु॒ज॒नि॒मा॒च॒का॒र ॥ 6

त्रि॒र्दे॒वः पृ॒थि॒वी॒मे॒ष ए॒तां । वि॒च॒क्र॒मे श॒त॒र्च॒सं म॒हि॒त्वा ।
प्र॒ वि॒ष्णु॒रस्तु॒ त॒व॒स॒स्त॒वी॒या॒न् । त्वे॒षꣳ ह्य॒स्य स्थ॒वि॒र॒स्य॒ ना॒म ॥ 7
(ओं शान्तिः॒ शान्तिः॒ शान्तिः॒ ॥)

7.2 विष्णु सूक्तं (Combined Chanting)

विष्णो॑र्नु॒कं॑ वी॒र्या॑णि प्र वो॒चं॑ यः पार्थि॑वानि विम॒मे रजा॑ँसि
यो अ॒स्क॒भाय॑-दु॒त्तर॑ँ स॒धस्थं॑ विचक्र॒माण-स्त्रे॒धो-रु॒गायः॑ ॥ 1

Optional

विष्णो॑ ररा॒टम॑सि विष्णोः॑ पृ॒ष्ठम॑सि विष्णो-॑ऽज॒प्त्रे॒स्थो विष्णो-॑
स्स्यूर॑सि विष्णो॑र् ध्रु॒वम॑सि वैष्ण॒वम॑सि विष्णा॑वे त्वा ॥ 2

तद॒स्य प्रि॒यम॑भि पा॒थो अ॒श्यां॑ नरो॒ यत्र॑ दे॒व यवो॑ मद॒न्ति ।
उ॒रुक्र॑म॒स्य स हि॑ ब॒न्धुरि॑त्था विष्णोः॑ प॒दे प॒रमे॑ म॒ध्व उ॒त्सः॑ । 3

प्र तद्विष्णुः॑ स्तव॒ते वी॒र्या॑य मृ॒गो न भी॒मः कु॑च॒रो गि॑रि॒ष्ठाः ।
यस्यो॑रु॒षु त्रि॒षु वि॒क्रम॑णेष्व॒धि क्षि॒यन्ति॑ भु॒वनानि॑ वि॒श्वा ॥ 4

प॒रो मा॒त्रया॑ त॒नुवा॑ वृ॒धान॑ न ते॒ महि॑त्वम॒न्वश्नु॑वन्ति ।
उ॒भे ते॑ वि॒द्म रज॑सी पृ॒थिव्या॑ विष्णो॑ दे॒व त्वं प॒रम॑स्य वि॒त्से । 5

विच॑क्रमे पृ॒थि॒वीमेष॑ ए॒तां क्षे॒त्राय॑ विष्णु॑र् म॒नुषे॑ द॒शस्य॑न् ।
ध्रु॒वासो॑ अ॒स्य की॒रयो॑ जना॑स उ॒रुक्षि॑तिँ सु॒जनि॑मा च॒कार । 6

त्रि॒ दे॒वः पृ॑थि॒वीमे॒ष ए॒तां वि॑च॒क्रमे॑ श॒तर्च॑ संम॒हित्वा॑ ।
प्र वि॒ष्णु॑रस्तु त॒वस॒ स्तवी॑यान् त्वे॒ष ह्य॑स्य स्थ॒विर॑स्य॒ नाम॑ । 7
ओं शान्तिः॒ शान्तिः॒ शान्तिः॑ ॥

8 रुद्र सूक्तं

(TS 4.5.10.4)

परि॑ णो॒ रु॒द्रस्य॑ हे॒तिर् वृ॑णक्तु॒ परि॑त्वेषस्य॒ दुर्म॑तिरघायोः ।
अव॑स्थिरा म॒घवद्भ्य॑-स्तनु॒ष्व मी॒द्व-स्तो॒काय॑ तनयाय॒ मृड॑य ॥ 1

(TS.4.5.10.3)

स्तु॒हि श्रु॒तं गर्त्त॑सदं॒ युवा॑नं मृ॒गन्न॑भीम-मु॒पह॑लु-मु॒ग्रं ।
मृ॒डा ज॑रित्रे रु॒द्रस्त॑वानो अ॒न्यन्ते॑ अ॒स्मन्नि॑वपन्तु॒ सेनाः॑ ॥ 2

(TS 4.5.10.4)

मी॒दुष्ट॑म शिव॒तम॑ शि॒वो नः॑ सु॒मना॑ भव ।
पर॑मे वृ॒क्ष आ॒युध॑ नि॒धाय॑ कृ॒त्तिं व॑सान॒ आच॑र पि॒नाकं॑ बिभ्र॒दाग॑हि ॥ 3

(TA 7.5.7)

अर्॒हन् बि॑भर्षि॒ साय॑कानि धन्व । अर्॒हन्नि॑ष्कं य॒जतं॑ विश्व॒रूपं॑ ।
अर्॒हन्नि॑दं दय॒से वि॒श्व म॑ब्भु॒वं नवा॑ ओजी॒यो रु॒द्रत्व॑दस्ति ॥ 4

(अर्॒हन् बि॑भर्षि॒ साय॑कानि धन्वा॒र्हन्नि॑ष्कं य॒जतं॑ विश्व॒रूपं॑ ।

अर्॒हन्नि॑दं दय॒से वि॒श्वम॑ब्भु॒वं नवा॑ ओजी॒यो रु॒द्रत्व॑दस्ति ॥)

(TS 1.3.14.1)

त्वम॑ग्ने रु॒द्रो अ॒सुरो॑ म॒हो दि॒वस्त्व॑ श॒र्द्धो मारु॑तं पृ॒क्ष ई॒शिषे॑ ।
त्वं वा॑तैर॒रुणै॑र् या॒सि शं॒गय॑स्त्वं पू॒षा वि॑ध॒तः पा॒सि नु॑ त्मना॑ ॥ 5

(TS 1.3.14.1)

आ वो राजान-मध्वरस्य रुद्रं होतारं सत्ययजं रोदस्योः ।

अग्निं पुरा तनयितो-रचित्ता द्विरण्यरूप-मवसे कृणुध्वं ॥ 6

(ओं शान्तिः शान्तिः शान्तिः ॥)

9 दुर्गा सूक्तं

(TA .6.2.1)

जा॒तवे॒द॒से सु॒न॒वाम॑ सोम॑मरा॒तीयतो॑ नि॒द॒हाति॑ वे॒दः ।
स नः॑ पर्॒ष॒दति॑ दु॒र्गाणि॑ वि॒श्वा ना॒वेव॑ सि॒न्धुं दु॒रि॒ता॒त्य॒ग्निः ॥ 1

ताम॑ग्नि॒वर्णां॑ तप॑सा ज्वल॒न्तीं वै॑रोच॒नीं क॑र्म॒फले॑षु जु॒ष्टां ।
दु॒र्गां दे॒वीं श॑रणम॒हं प्र॑पद्ये सु॒तर॑सि तर॒से नमः॑ ॥ 2

अग्ने॑ त्वं पा॒रया॑ नव्यो॑ अ॒स्मान्त् स्व॒स्तिभि॑रति॒ दु॒र्गाणि॑ वि॒श्वा ।
पू॒श्च पृ॒थ्वी बहु॑ला न उ॒र्वी भवा॑ तो॒काय॑ तनयाय॒ शँयोः॑ ॥ 3

वि॒श्वा॒नि नो॑ दु॒र्गहा॑ जा॒तवे॒दः सि॒न्धु॒न्न॒नावा॑ दु॒रि॒ता॒ति॒पर्षि॑ ।
अग्ने॑ अ॒त्रि॒वन् मन॑सा गृ॒णानो॑ऽस्माकं॑ बो॒द्ध्य॒विता॑ त॒नूनां॑ ॥ 4

पृ॒त॒ना॒जित॑ः स॒ह॒मान॑-मु॒ग्रम॑ग्निः हु॒वेम॑ पर॒माथ् स॒ध॒स्थात् ।
सनः॑ पर्॒ष॒दति॑ दु॒र्गाणि॑ वि॒श्वा क्षा॑म॒द्दे॒वो अति॑ दु॒रि॒ता॒त्य॒ग्निः ॥ 5

(it is customary to chant only upto Para 5 for Shanti Japam)

प्र॒त्नोषि॑ क॒मीड्यो॑ अ॒ध्व॒रेषु॑ स॒नाच्च॑ होता नव्यश्च स॒त्सि ।
स्वा॒ञ्चाग्ने॑ त॒नुवं॑ पि॒प्रय॑स्वा॒स्मभ्य॑ञ्च सौ॒भ॒ग॒माय॑जस्व ॥ 6

गोभिर्जुष्टमयुजो निषिक्तं तवेन्द्र विष्णो-रनुसञ्चरेम ।
नाकस्य पृष्ठमभि सँवसानो वैष्णवींँलोक इह मादयन्तां ॥ 7
कात्यायनाय विद्महे कन्यकुमारि धीमहि । तन्नो दुर्गिः प्रचोदयात् ॥
(ओं शान्तिः शान्तिः शान्तिः ॥)

10 श्री सूक्तं

(Rig Veda Khila Kaandam - 5.8.7.1)

(To be Chanted as per Rig Vedic Sruti; hence “Anunaasikam”, “ॐ” and “ॐ” are not represented here as they are not used in Rig Vedic chants. In Some parts of India, when this Suktham is chanted in Krishna Yajur Veda “ॐ” , “ॐ” are added (see para 9 and 12), whereas in other parts of India this full Suktham is chanted without “ॐ” , “ॐ”.)

हिरण्यवर्णां ह॒रिणीं सु॒वर्णं रज॑तस्रजां ।
चन्द्रां हिरण्मयीं लक्ष्मीं जा॒तवे॑दो म॒ आव॑ह ॥ 1

तां म॒ आव॑ह जा॒तवे॑दो लक्ष्मी-मन॑पगामिनीं ।
यस्यां हिरण्यं वि॒न्देयं-गा॑मश्चं पु॒रुषा॑न॒हं ॥ 2

अश्व॑पूर्वा रथ॑मद्भ्यां ह॒स्तिना॑द-प्र॒बोधि॑नीं ।
श्रियं दे॒वीमु॑प॒ह्वये श्री॑र्मादे॒वीर्जु॑षतां ॥ 3

कां सोऽस्मि॑तां हिरण्य-प्रा॒कारा-मा॒र्द्रां ज्वल॑न्तीं तृ॒प्तां त॑र्पयन्तीं ।
पद्मे॑स्थितां पद्म॑वर्णां तामि॒होप॑ह्वये श्रियं ॥ 4

चन्द्रां प्र॒भासां यश॑सा-ज्वल॑न्तीं श्रियं॑लोके दे॒वजु॑ष्टा-मु॒दारां ।
तां पद्मि॑नीमीं शरण॑म॒हं प्र॑पद्ये ऽलक्ष्मी॑र्मे नश्य॑तां त्वां वृ॒णे ॥ 5

आ॒दि॒त्य॒व॒र्णे॑ त॒प॒सोऽधि॑जा॒तो व॒न॒स्प॒ति॒स्त॒व वृ॒क्षोऽथ॑ बि॒ल्वः॑ ।
तस्य॑फ॒लानि॑ त॒प॒सा-नु॑दन्तु मा॒यान्त॑-रा॒याश्च॑ बा॒ह्या अ॒ल॒क्ष्मीः॑ ॥ 6

उ॒पै॒तु॒मां दे॒व॒स॒खः॑ की॒र्ति॒श्च॒ म॒णि॒ना स॒ह ।
प्रा॒दु॒र्भू॒तोऽस्मि॑ रा॒ष्ट्रेऽस्मिन्॑ की॒र्ति॒-मृ॒द्धिं-द॒दातु॑ मे ॥ 7

क्षु॒त्पि॒पा॒सा-म॒लां ज्ये॒ष्ठाम॑-ल॒क्ष्मीं॑-ना॒शया॑म्य॒हं ।
अ॒भू॒ति-म॒स॒मृ॒द्धिं॒च स॒र्वा नि॒र्णु॑द मे गृ॒हात् ॥ 8

ग॒न्ध॒द्वा॒रां दु॒रा॒ध॒र्षां॑ नि॒त्य॒पु॒ष्टां क॒री॒षिणीं॑ ।
ई॒श्वरीं॑ (or ई॒श्वरी॑) स॒र्व भू॒ता॒नां॑ ता॒मि॒हो॒प॒ह्वये॑ श्रि॒यं ॥ 9

म॒न॒सः॑ का॒म॒मा॒कू॒तिं-वा॒चः स॒त्य म॒शी॒महि॑ ।
प॒शू॒नां रू॒प॒म॒न्न॒स्य॑ म॒यि श्रीः॑ श्र॒यतां॑ य॒शः ॥ 10

क॒र्द॒मे॒न प्र॒जा भू॒ता म॒यि स॒ंभ॒व क॒र्द॒म ।
श्रि॒यं वा॒स॒य॒मे कु॒ले मा॒तरं॑ प॒द्म॒मा॒लिनीं॑ ॥ 11

आ॒पः सृ॒जन्तु॑ स्नि॒ग्धा॒नि चि॒क्ली॒त व॒स॒मे गृ॒हे ।
नि॒च॒दे॒वीं मा॒तरं॑ (or मा॒तर॑) श्रि॒यं वा॒स॒य॒मे कु॒ले ॥ 12

आ॒र्द्रां॑ यः॒ करि॑णीं॒ यष्टिं॒ पिङ्ग॑लां॒ पद्म॑मालिनीं ।
च॒न्द्रां॒ हि॒र॒ण्म॑यीं॒ लक्ष्मीं॒ जा॒तवे॑दो म॒ आव॑ह ॥ 13

आ॒र्द्रां॑ पु॒ष्करि॑णीं॒ पुष्टिं॒ सु॒वर्णां॒ हे॒ममा॑लिनीं ।
सू॒र्यां॒ हि॒र॒ण्म॑यीं॒ लक्ष्मीं॒-जा॒तवे॑दो म॒ आव॑ह ॥ 14

तां म॒ आव॑ह जा॒तवे॑दो लक्ष्मी-म॒न॒प॒गा॒मिनीं॑ ॥
यस्यां॒ हि॒र॒ण्यं॒ प्र॒भूतं॒ गा॒वो दा॒स्योऽश्वा॑न् (दा॒स्योऽश्वा॑न्.) वि॒न्दे॒यं
पु॒रुषा॑न॒हं ॥ 15

पद्म॑प्रिये पद्मि॒नि पद्म॑हस्ते पद्मालये पद्मदलाय-ताक्षि ।
विश्व॑प्रिये विष्णु-म॒नो॒नु॒कू॒ले त्वत्पा॑द-पद्मं मयि सन्निधत्स्व ॥
महा॑दे॒व्यै च॑ वि॒द्महे॑ विष्णु प॒त्न्यै च॑ धीमहि ।
तन्नो॑ लक्ष्मीः प्र॒चो॒दया॑त् ॥

श्रीर् वर्च॑स्व-मा॒युष्य॑-मा॒रौ॒ग्य-मा॒वी॒धा-च्छो॑भमानं महीयते ॥
धा॒न्यं ध॒नं प॒शुं ब॒हु॒पु॒त्रला॑भं श॒तसं॑वत्सरं दी॒र्घमा॑युः ॥
(ओं शान्तिः॒ शान्तिः॒ शान्तिः॑ ॥)

11 मेधा सूक्तं

TA 6.41.1

मे॒धा दे॒वी जु॒षमा॑णा न आ॒गाद् वि॒श्वाची॑ भ॒द्रा सु॑मनस्यमा॒ना ।
त्वया॑ जु॒ष्टा नु॒दमा॑ना (जु॒षमा॑णा) दु॒रुक्ता॑न् बृ॒हद्व॑देम वि॒दथे॑ सु॒वीराः॑ ॥

त्वया॑ जु॒ष्ट ऋ॒षिर् भ॑वति दे॒वित्त्वया॑ ब्र॒ह्माऽऽग॑तश्रीरुत त्वया॑ ।
त्वया॑ जु॒ष्टश्चि॒त्रं वि॑न्दते वसु॒सा नो॑ जु॒षस्व॒ द्र॒वि॒णो न मे॒धे ॥

मे॒धां म इन्द्रो॑ ददातु मे॒धां दे॒वी सर॑स्वती ।
मे॒धां मे अ॒श्विना॑-वु॒भा-वा॑धत्तां पु॒ष्कर॑स्रजा ॥

अ॒प्सरा॑सु च या मे॒धा ग॑न्धर्वेषु च यन्मनः॑ ।
दै॒वीं मे॒धा म॑नुष्यजा सा मां मे॒धा सु॒रभि॑र् जुषतां ॥
(दै॒वीं मे॒धा सर॑स्वती सा मां मे॒धा सु॒रभि॑र् जुषतां॑ स्वाहा॑)

आमां॑ मे॒धा सु॒रभि॑र्-वि॒श्वरू॑पा हि॒रण्य॑वर्णा जगती जग॒म्या ।
ऊ॒र्ज॑स्वती पयसा पि॒न्वमा॑ना सा मां मे॒धा सु॒प्रती॑का जुषन्तां ॥

म॒यि॑ मे॒धां॑ म॒यि॑ प्र॒जां॑ म॒य्य॒ग्नि॒-स्ते॒जो॑ द॒धातु॑ ,
म॒यि॑ मे॒धां॑ म॒यि॑ प्र॒जां॑ म॒यीन्द्र॑ इ॒न्द्रि॒यं॑ द॒धातु॑ ,
म॒यि॑ मे॒धां॑ म॒यि॑ प्र॒जां॑ म॒यि॑ सू॒र्यो॑ भ्रा॒जो॑ द॒धातु॑ ॥

हंसगायत्री-

ह॒ंस॒ ह॒ंसाय॑ वि॒द्महे॑ पर॒मह॑ंसाय॑ धी॒महि॑ । तन्नो॑ ह॒ंसः॑ प्र॒चो॒दया॑त् ॥
(ओं शान्तिः॑ शान्तिः॑ शान्तिः॑ ॥)

12 भू सूक्तं

(TS 1.5.3.1)

ओं ॥ भूमिर् भूम्ना द्यौर् वरिणाऽन्तरिक्षं महित्वा ।

उपस्थे ते देव्यदिते ऽग्निमन्नाद-मन्नाद्यायाऽऽदधे ॥

आऽयंगौः पृश्निरक्रमीदसनन् मातरं पुनः ।

पितरं च प्रयन्त्सुवः ॥

त्रि॒श्रद्धाम॒ वि राजति॑ वाक् पत॒ङ्गाय॑ शिश्रिये । प्र त्यस्य॑ वह द्युभिः ॥

अस्य॑ प्रा॒णाद॒पान॒त्यन्तश्च॑रति रोचना । व्य॒ख्यन्॑ महिषः सुवः ॥ 1

॥ यत्त्वा क्रुद्धः परोवप मन्युना यदवर्त्या ।

सुकल्पमग्ने तत्तव पुनस्त्वोदीपयामसि ॥

यत्ते मन्युपरोप्तस्य पृथिवीमनु दध्वसे ।

आदित्या विश्वे तद्देवा वसवश्च समाभरन् ॥

मनो ज्योतिर् जुषतामाज्यं विच्छिन्नं यज्ञं समिमं दधातु ।

बृहस्पतिस्तनुतामिमं नो विश्वे देवा इह मादयन्तां ॥ 2

स॒प्त ते॑ अ॒ग्ने स॒मिधः॑ स॒प्त जि॒ह्वाः स॒प्तर॑ष॒यः स॒प्त धाम॑ प्रि॒याणि॑ ।
स॒प्त हो॒त्राः स॒प्तधा॑ त्वा यज॑न्ति स॒प्त योनी॑रा पृ॒णस्वा॑ घृ॒तेन॑ ॥
पुन॑रू॒र्जा नि॑ वर्त॒स्व पुन॑र॒ग्न इ॒षाऽऽ*यु॑षा । पुन॑र्नः पाहि॑ वि॒श्वतः॑ ॥
सह॑ र॒य्या नि॑ वर्त॒स्वाग्ने॑ पि॒न्वस्व॑ धा॒रया॑ ।
वि॒श्वफ॑स्नि॒या वि॒श्वत॑स्प॒रि ॥ ३

ले॒कः स॒लेकः॑ सु॒लेक॑स्ते न आ॒दित्या॑ आ॒ज्यं जु॑षा॒णा वि॑यन्तु॒ केतः॑
स॒केतः॑ सु॒केत॑स्ते न आ॒दित्या॑ आ॒ज्यं जु॑षा॒णा वि॑यन्तु॒ वि॒वस्वा॑ꣳ
अ॒दि॒तिर् दे॒वजू॑ति॒स्ते न॑ आ॒दित्या॑ आ॒ज्यं जु॑षा॒णा वि॑यन्तु ॥ ४

ओं शान्तिः॑ शान्तिः॑ शान्तिः॑ ॥

13 भाग्य सूक्तं

(TB 2.8.9.7)

प्रा॒तर॒ग्निं प्रा॒तरिन्द्र॑ ह॒वाम॑हे प्रा॒तर्मि॒त्राव॑रुणा प्रा॒तर॒श्विना॑ ।
प्रा॒तर्भ॑गं पू॒षणं॑ ब्र॒ह्मण॑स्पतिं प्रा॒तस्सोम॑मु॒त रु॒द्रं हु॑वेम ॥ 1

प्रा॒तर्जि॑तं भ॒गमु॑ग्रं हु॒वेम व॒यं पु॒त्रम॑दि॒तेर्यो वि॑ध॒र्ता ।
आ॒द्ध्रश्चि॒द्वं म॒न्यमा॑न-स्तु॒रश्चि॒द् रा॒जा चि॒द्वं भ॒गं भ॒क्षीत्या॑ह ॥ 2

भ॒गप्र॑णे॒तर्भ॑ग स॒त्यरा॑धो भ॒गेमां धि॒यमु॑द॒व द॑द॒न्नः ।
भ॒ग प्र णो॑ ज॒नय॑ गो॒भिर॒श्वैर् भ॒ग प्र नृ॑भिर् नृ॒वन्त॑स्स्याम ॥ 3

उ॒तेदा॑नीं भ॒गव॑न्त-स्स्या॒मोत॑ प्र॒पित्वा॑ उ॒त म॑द्ध्ये अ॒ह्नां ।
उ॒तोदि॑ता म॒घव॑न्थ् सूर्य॑स्य व॒यं दे॒वाना॑ सु॒मतौ स्या॑म ॥ 4

भ॒ग ए॒व भ॒गवा॑ अस्तु दे॒वास्ते॑न व॒यं भ॒गव॑न्तस्स्याम ।
तं त्वा॑ भ॒ग सर्व॑ इ॒ज्जो॑ह॒वीमि॑ स नो॒ भग॑ पु॒रए॒ता भ॑वे॒ह ॥ 5

स॒म॒द्ध्व॒रा-यो॑ष॒सो न॑मन्त दधि॒क्रावे॑व शु॒चये॑ प॒दाय॑ ।
अ॒र्वा॒ची॒नं व॑सु॒विदं॑ भ॒गन्नो॑ रथ॒मिवा॑श्वा वा॒जिन॑ आ व॒हन्तु॑ ॥ 6

अ॒श्वा॒वती॑र् गो॒मती॑र्न उ॒षा॒सो वी॒रवती॑-स्स॒दमु॑च्छन्तु भ॒द्राः ।
घृ॒तं दु॒हा॒ना वि॒श्वतः॑ प्र॒पी॒ना यू॒यं पा॒त स्व॒स्ति-भि॒स्सदा॑ नः ॥ 7

यो मा॑ग्ने भा॒गिन॑ꣳ स॒न्तम॑था भा॒गं चि॒कीर्ष॑ति ।
अ॒भा॒ग-म॒ग्ने तं कुरु॑ मा॒मग्ने॑ भा॒गिनं॑ कुरु ॥ 8

भा॒ग्यदे॒वता॑यै नमः ॥ (ओं शान्तिः॑ शान्तिः॑ शान्तिः॑) ॥

14 मृत्यु सूक्तं

(TA 3.15.1, Para 1 & 2)

हरि॑न् हर॒न्तमनु॑यन्ति दे॒वाः । विश्व॑स्येशानं॒ ँवृष॑भं म॒तीनां॑ ।
ब्र॒ह्म स॒रूपम॑नु मे॒दमा॑गात् । अ॒यनं॑ मा वि॒वधी॑र् वि॒क्रम॑स्व ।
मा छि॑दो मृत्यो॒ मा व॑धीः । मा मे॒ बलं॑ ँवि॒वृहो॑ मा प्र॒मोषीः॑ ।
प्र॒जां मा मे॑ री॒रिष॑ आयु॒रुग्र॑ । नृ॒चक्ष॑सं त्वा ह॒विषा॑ वि॒धेम॑ ।
सद्य॑श्च-क॒मानाय॑ । प्र॒वेपा॑नाय मृत्य॒वै ॥ 1

प्रा॒स्मा आ॑शा अ॒शृण्व॑न् ।
का॒मेना॑जनयन् पुनः॑ । का॒मेन॑ मे का॒म आ॑गात् ॥
हृ॒दया॑द्धृ॒दयं॑ मृत्योः॑ । यद॒मीषा॑ मदः॒ प्रियं॑ । तदै॒तूप॑मा-म॒भि ॥
परं॑ मृत्यो॒ अनु॑परेहि पन्थां॑ । यस्ते॒स्व इ॒तरो॑ दे॒वयाना॑त् ।
चक्षु॑ष्मते श्रृण्व॒ते ते॑ ब्रवीमि । मा नः॑ प्र॒जां री॒रिषो॑ मोत वी॒रान् ।
प्र॒ पूर्वं॑ मन॒सा व॑न्दमानः । नाध॑मानो वृष॒भं च॑र्षणी॒नां ।
यः प्र॒जाना॑मे॒करा॑ण्मा॒नुषी॑णां । मृत्युं॑ ँय॒जे प्र॑थम॒जामृ॑तस्य ॥ 2

TB 3.9.15.1 (para 3 to 5)

सर्वे॑षु वा ए॒षु लो॒केषु॑ मृत्य॒वोऽन्वा॑य॒ताः ।
तेभ्यो॑ यदाहु॒तीर्न॑ जुहु॒यात् । लो॒के लो॒क ए॒नं मृत्यु॑र् वि॒न्देत् ।

मृ॒त्यवे॒ स्वा॒हा॒ मृ॒त्यवे॒ स्वा॒हेत्य॑भि॒ पूर्॒वमा॑हु॒तीर् जु॑होति ।
लो॒का॒ल्लो॒कादे॑व मृ॒त्युम॑वयजते ।
नैनं॑ लो॒के लो॒के मृ॒त्युर् वि॑न्दति ।
यद॒मुष्मै॒ स्वा॒हाऽमु॒ष्मै स्वा॑हेति जुह्व॒त्सं चक्षी॑त
ब॒हुं मृ॒त्युम॑मि॒त्रं कु॑र्वीत । मृ॒त्यवे॒ स्वा॒हेत्ये॑कस्मा॒ ए॒वैका॑ञ्जुहुयात् ।
एको॒ वा अ॒मुष्मिन्॑ लो॒के मृ॒त्युः ॥ ३

अ॒श॒नया॒ मृ॒त्युरे॑व । तमे॒वामु॑ष्मिन् लो॒के ऽव॑यजते ।
भ्रू॒णह॑त्यायै॒ स्वा॒हेत्य॑वभृ॒थ आ॑हुतिं जुहोति ।
भ्रू॒णह॑त्यामे॒वाव॑यजते । तदा॑हुः । यद्भ्रू॒णह॑त्या-ऽपा॒त्र्याऽथ॑ ।
कस्मा॑द् य॒ज्ञेऽपि॑ क्रि॒यत॒ इति॑ ।
अ॒मृ॒त्युर्वा॒ अन्यो॑ भ्रू॒णह॑त्याया॒ इत्या॑हुः ।
भ्रू॒णह॑त्या वा॒व मृ॒त्युरि॑ति ।
यद् भ्रू॒णह॑त्यायै॒ स्वा॒हेत्य॑वभृ॒थ आ॑हुतिं जुहोति ॥ ४

मृ॒त्युमे॒वा हु॑त्या-त॒र्पयि॑त्वा प॒रिपा॑णं कृ॒त्वा ।
भ्रू॒णघ्ने॑ भै॒षजं॑ करोति ।
ए॒ताँ ह॒ वै मु॑ण्डि॒भ औ॑दन्यवः ।

भ्रू॒ण॒ह॒त्या॒यै प्रा॒यश्चि॒त्तिं वि॒दाञ्च॑का॒र ।

यो हा॒स्यापि॑ प्र॒जायां॑ ब्रा॒ह्म॒णञ् ह॑न्ति । सर्व॑स्मै तस्मै॑ भे॒ष॒जं क॑रोति ।

जु॒ंब॒का॒य स्वा॑हेत्यवभृ॒थ उत्त॑मामाहु॒तिं जु॑होति ।

वरु॑णो वै जु॒ंब॒कः । अ॒न्त॒त ए॒व वरु॑ण-मवयजते ।

ख॒ल॒तेर् वि॒क्लि॒धस्य॑ शु॒क्ल॒स्य पि॒ङ्गाक्ष॑स्य मूर्ध्नु॑ जुहोति ।

ए॒तद्वै वरु॑णस्य रू॒पं । रू॒पेणै॒व वरु॑ण मवयजते ॥ 5

Part 2 (T.A.6.45.1, for para 1 to 16)

अ॒पैतु॑ मृ॒त्युर-मृ॒तन्न॑ आ॒गन्वै॒वस्व॑तो नो॒ अभ॑यङ्क॒णोतु॑ ।

पर्णं॑ व॒नस्प॑तेरिवा॒भि न॑श्शी॒यताञ् र॒यि-स्स॑च॒तान्न॑ श॒शी॒पतिः॑ ॥ 1

परं॑ मृ॒त्यो अ॒नुप॑रेहि पन्थां॑ य॒स्तेस्व॑ इ॒तरो॑ दे॒वया॑नात् ॥

चक्षु॑ष्मते श्रृ॒ण्वते॑ ते ब्र॒वीमि॑ मा॒नः प्र॒जाञ् री॑रिषो॒ मोत॑ वी॒रान् ॥ 2

वा॒तं प्रा॒णं म॑न॒सा ऽन्वा॑र॒भाम॑हे प्र॒जाप॑तिं यो॒ भुव॑नस्य गो॒पाः ।

स॒नो मृ॒त्यो स्त्रा॑यतां पा॒त्वञ् ह॑सो॒ ज्यो॒ग्जी॒वा ज॒राम॑शीमहि ॥ 3

अ॒मु॒त्रभू॑याद॒ध य॒द्यम॑स्य बृ॒हस्प॑ते अ॒भि॒श॒स्तेर॑ मुञ्चः ।

प्र॒त्यौ॒हता॑ म॒श्विना॑ मृ॒त्युम॑स्माद् दे॒वाना॑म॒ग्ने भि॒ष॒जा श॒ची॒भिः ॥ 4

शल्लकै॑रग्नि॒ मि॒न्धान॑ उ॒भौ लो॒कौ स॑नेम॒हं ।

उ॒भयो॑र् लो॒कयो॑र् ऋ॒द्ध्वाऽति॑ मृ॒त्युं त॑राम्य॒हं ॥ 5

हरि॑ꣳ हर॒न्त-म॑नुय॒न्ति दे॒वा वि॒श्वस्ये॑शा॒नं वृ॑ष॒भं म॑ती॒नां ।

ब्र॒ह्मस॑रूप॒ मनु॑मे॒दमा॒गाद॑य॒नं मा वि॒वधी॑र् वि॒क्रम॑स्व ॥ 6

मा छि॑दो मृ॒त्यो मा॒वधी॑र् मा मे॒ बलं॑ वि॒वृहो॑ मा प्र॒मोषीः॑ ।

प्र॒जां मा मे॑ री॒रिष॑ आयु॒रुग्र॑ नृ॒चक्ष॑सं त्वा ह॒विषा॑ वि॒धेम ॥ 7

मा नो॑ म॒हान्त॑मु॒त मा नो॑ अ॒र्भकं॑ मा न॒ उक्ष॑न्तमु॒त मा न॑ उ॒क्षितं॑ ।

मा नो॑ व॒धीः पि॒तरं॑ मो॒त मा॒तरं॑ प्रि॒या मा न॑स्त॒नुवो॑ रु॒द्र री॒रिषः॑ ॥ 8

मा न॑स्तो॒के त॑नये॒ मा न॑ आयु॒षि मा नो॑ गो॒षु मा नो॑ अ॒श्वेषु॑ री॒रिषः॑ ।

वी॒रान्मा नो॑ रु॒द्र भा॒मितो॑व॒धीर् ह॒विष्म॑न्तो न॒मसा॑ वि॒धेम ते ॥ 9

प्र॒जाप॑ते न त्वदे॒तान्य॑न्यो वि॒श्वा जा॒तानि॑ परि॒ ता ब॑भूव ।

य॒त्कामा॑स्ते जुहु॒मस्त॑न्नो अस्तु व॒यꣳ स्या॑म प॒तयो॑ र॒यीणां॑ ॥ 10

य॒त इ॒न्द्र भ॑यामहे॒ ततो॑ नो॒ अभ॑यं कृ॒धि ।

म॒घव॑ज्छ॒ग्धि तव॑ तन्न॒ ऊ॒तये॑ वि॒द्विषो॑ वि॒मृधो॑ जहि ॥ 11

स्व॒स्ति॒दा वि॒श॒स्पति॑र् वृ॒त्रहा॑ वि॒मृ॒धो व॒शी ।

वृ॒षेन्द्रः॑ पु॒र ए॒तु न॑ स्व॒स्ति॒दा अ॒भयं॑ क॒रः ॥ 12

त्र्य॑ंब॒कं य॑जामहे सु॒गन्धिं॑ पु॒ष्टि॒वर्द्ध॑नं ।

उ॒र्वा॒रु॒कमि॑व ब॒न्ध॒नान् मृ॒त्योर् मु॒क्षी॒य मा॒ऽमृ॒तात् ॥ 13

अ॒प॒मृ॒त्यु-म॒प॒क्षु॒ध-म॒पे॒त-इ॒श॒प॒थं॑ ज॒हि ।

अ॒धा॒नो अ॒ग्न आ॒व॒ह रा॒य-स्पो॒षः॑ स॒ह॒स्रि॒णं ॥ 14

ये ते स॒ह॒स्र॒म॒यु॒तं पा॒शा मृ॒त्यो म॒त्या॒य ह॑न्त॒वे ।

ता॒न् य॒ज्ञ॒स्य॑ मा॒यया॑ स॒र्वान॑व॒ यजाम॑हे ॥ 15

(मृ॒त्य॒वे स्वा॑हा मृ॒त्य॒वे स्वा॑हा)

जा॒त॒वे॒द॒से सु॒न॒वाम॑ सो॒म॒म॒रा॒ती य॒तो नि॒द॒हा॒ति वे॒दः ।

स नः॑ प॒र्ष॒द॒ति दु॒र्गा॒णि वि॒श्वा ना॒वे॒व सि॒न्धुं दु॒रि॒ता॒त्य॒ग्निः ॥ 16

T.B.3.10.5.1 for para 17

भूर्भू॒व॒स्स्वः॑ । ओ॒जो ब॒लं । ब्र॒ह्म क्ष॒त्रं । य॒शो म॒हत् ।

स॒त्यं तपो॑ ना॒म । रू॒प-म॒मृ॒तं । चक्षुः॑ श्रो॒त्रं । मन॑ आ॒युः ॥

वि॒श्वं य॑शो म॒हः । स॒म॒न्त॒पो ह॒रो भाः॑ ॥

जा॒तवे॑दा॒ यदि॑ वा पा॒वको॑ऽसि । वै॒श्वा॒नरो॑ यदि॑ वा वैद्यु॒तोऽसि॑ ।
शं॒प्रजा॒भ्यो यज॑मानाय लो॒कं ॥ ऊ॒र्जं पु॒ष्टिं दद॑द्भ्या-ववृ॒थस्व ॥ 17

.....नक्ष॑त्रे रा॒शौ जा॒तस्य॑श॒र्मणः॑

(मम / अस्य यजमानस्य) सकुटु॑म्बस्य (स्त्री - जा॒तायाः & नाम्नी)

मृ॒त्युर्-न॑श्य॒त्वायु॑र् व॒र्द्धतां॑ भूः ।
मृ॒त्युर्-न॑श्य॒त्वायु॑र् व॒र्द्धतां॑ भुवः ।
मृ॒त्युर्-न॑श्य॒त्वायु॑र् व॒र्द्धतां॑ सुवः ।
मृ॒त्युर्-न॑श्य॒त्वायु॑र् व॒र्द्धतां॑ भू॒र्भुव॑स्सुवः ।
मृ॒त्युर्-न॑श्य॒त्वायु॑र् व॒र्द्धतां॑ ॥

-----मृ॒त्यु सू॒क्तं समा॑प्तं-----

15 मृत सञ्जीविनी सूक्तं (यक्ष्मघ्न सूक्तं)

(Rig Veda 10.161)

मुञ्चामि॑ त्वा ह॒विषा॑ जी॒वनाय॑ कम॒ज्ञातय॑क्ष्मादु॒त रा॒जय॑क्ष्मात् ।
ग्राहि॑र् ज॒ग्राह॑ यदि॒ वैतदे॑नन्तस्या॒ इन्द्रा॑ग्नी प्र मुमु॒क्तमे॑नं ॥ 1

यदि॑क्षितायु॒र् यदि॑ वा परे॒तो यदि॑ मृत्यो॒रन्तिक॑न्नीत ए॒व ।
तमा॑हरामि॒ निर्ऋ॑ते-रु॒पस्था॑-दस्पार्॒षमे॑नं श॒तशार॑दाय ॥ 2

सह॒स्राक्षे॑ण श॒तशार॑देन श॒तायु॑षा ह॒विषाऽऽ *हा॑र्षमे॒नं ।
श॒तं यथे॑मं श॒रदो॑ नया॒तीन्द्रो॑ विश्व॑स्य दु॒रित॑स्य पा॒रं ॥ 3

श॒तञ्जी॑व श॒रदो॑ वर्द्ध॒मानश्श॑तं हे॒मन्ताञ्छ॑तमु॒ वस॑न्तान् ।
श॒तमिन्द्रा॑ग्नी स॒विता बृ॒हस्प॑ति-श्श॒तायु॑षा ह॒विषे॑मं पुन॑र्दुः ॥ 4

आ ऽहा॑र्षं त्वा ऽवि॑दन्त्वा पुन॑रागाः पुन॑र्नव ।
सर्वा॑ङ्ग सर्व॑न्ते चक्षुः॒ सर्व॑-मायु॑श्चते ऽवि॑दं ॥ 5

तदि॑त् प॒दं न वि॑चिकेत वि॒द्वान् । यन्मृ॑तः पुन॑रप्येति जी॒वान् ।
त्रि॒वृद्य॑द् भुवन॑स्य रथ॒वृत् । जी॒वो गर्भो॑ न मृत॑ स्स जी॒वात् ॥ 6

ओं शान्तिः॑ शान्तिः॑ शान्तिः॑ ॥

16 आयुष्य सूक्तं

(Exact source not Known)

यो ब्र॒ह्मा ब्र॒ह्मण॑ उ॒ज्जहार॑ प्रा॒णैः शि॒रः कृ॒त्तिवा॑साः पि॒नाकी॑ ।
ई॒शानो॑ दे॒वस्सन॑ आ॒युर्दधा॑तु तस्मै जु॒होमि॑ ह॒विषा॑ घृ॒तेन॑ ॥ 1

वि॒भ्राज॑मान-स्सरि॑रस्य म॒द्ध्याद् रो॒चमा॑नो घ॒र्मरु॑चिर्य आ॒गात् ।
स मृ॒त्युपा॑शानपनु॒द्य घो॒रानि॑हायु॒षेणो॑ घृ॒तम॑त्तु दे॒वः ॥ 2

ब्र॒ह्मज्यो॑तिर् ब्र॒ह्मप॑त्नीषु ग॒र्भं य॑मा॒दधा॑त् पु॒रुरूपं॑ जय॒न्तं ।
सुव॑र्णरं॒भ ग्र॑हम॒र्कम॑र्च्यं तमा॒युषे॑ वर्द्धयामो घृ॒तेन॑ ॥ 3

श्रि॒यं ल॑क्ष्मी-मौ॒बला-मं॑बिकां गां ष॒ष्ठीञ्च॑ या॒मिन्द्र॑-से॒नैत्यु॑दाहुः ।
तां वि॒द्यां ब्र॒ह्मयो॑निं स॒रूपा-मि॑हायु॒षे तर्प॑यामो घृ॒तेन॑ ॥ 4

दा॒क्षाय॑ण्य-स्सर्व॑यो॒न्य स्सु॑यो॒न्य-स्सह॑स्र॒शो वि॒श्व रू॑पा वि॒रूपाः॑ ।
स॒सून॑व-स्सप॒तयः॑ स॒यूथ्या॑ आ॒युषे॑णो घृ॒तमि॑दं जुष॒न्तां ॥ 5

दि॒व्या ग॑णा ब॒हुरू॑पाः पु॒राणा॑ आ॒युश्छि॑दो नः प्रमथ॑न्तु वी॒रान् ।
तेभ्यो॑ जु॒होमि॑ बहु॒धा घृ॒तेन॑ मा नः प्र॒जा री॑रिषो मो॒त वी॒रान् ॥ 6

ए॒कः पु॒रस्ताद् य इ॒दं ब॒भूव॑ यतो ब॒भूव॑ भु॒वनस्य॑ गो॒पाः ।
यम॑प्येति भु॒वनं सांप॑रा॒ये स नो॑ ह॒विर् घृ॒त-मि॑हायु॒षेऽतु॑ दे॒वः ॥ 7

व॒सून् रु॒द्रा॒नादि॒त्यान् म॑रुतो॒ऽथ सा॒द्ध्यान् ऋ॑भून् य॒क्षान्
गन्ध॑र्वा॒श्च पि॒तृ॒श्च वि॒श्वान् ।
भृ॒गून् सर्पा॑श्चा॒ङ्गि॒रसो॑ऽथ स॒र्वान् घृ॒तं हु॒त्वा स्वा॑युष्या॒ मह॑याम
श॒श्वत् ॥ 8

वि॒ष्णो त्व॒न्नो अ॒न्तम॑-॒श्शर्म॑यच्छ॒ सह॑न्त्य ।
प्र॒ते धा॒रा म॒धुश्चु॒त उ॒थ्स॑न्दु॒हते॑ अ॒क्षितं॑ ॥ 9

(ओं शान्तिः॑ शान्तिः॑ शान्तिः॑ ॥)

17 नवग्रह सूक्तं

1. (देवता – आदित्याः , अधिदेवता– अग्निः,

प्रत्यधिदेवता – पशुपतिः)

ओं आ॒स॒त्येन॑ रज॒सा वर्त्त॑मानो निवेशयन्नमृतं मर्त्यञ्च ।
हि॒र॒ण्यये॑न सवि॒ता रथे॑ना ऽदे॒वो या॑ति भुव॒ना वि॒पश्य॑न् ॥
(TS 3.4.11.2)

अ॒ग्निं दू॒तं वृ॑णीमहे हो॒तारं वि॒श्ववे॑दसं ।
अ॒स्य य॒ज्ञस्य॑ सु॒क्रतुं॑ ॥ (T.B.3.5.2.3)

येषा॒मीशे॑ पशु॒पतिः॑ पशू॒नां चतु॑ष्पदामु॒त च द्वि॑पदां ॥
निष्क्री॑तोऽयं य॒ज्ञियं॑ भा॒गमे॑तु रा॒यस्पोषा॑ यज॒मानस्य॑ सन्तु ॥ (TS 3.1.4.1)

(ओं अधिदेवता प्रत्यधिदेवता सहिताय भगवते आदित्याय नमः) 1

2. (देवता – अङ्गारकः , अधिदेवता – पृथिवी ,

प्रत्यधिदेवता – क्षेत्रपतिः)

ओं अ॒ग्निर्मूर्ध्ना॑ दि॒वः क॒कुत्प॑तिः पृथि॒व्या अ॒यं ।
अ॒पाञ् रेता॑ञ् सि जि॒न्वति॑ ॥ (TS 1.5.5.1)

स्यो॒ना पृ॒थिवि॑ भ॒वाऽनृ॑क्षरा नि॒वेश॑नी ।
यच्छा॒न-॒श्शर्म॑ स॒प्रथाः॑ ॥ (TA 6.1.10)

क्षेत्र॑स्य पति॑ना वय॑ꣳ हिते॑ने॒व जया॑मसि ।
गाम॑श्चं पोषयि॒त्वा स नो॑ मृ॒डाती॒दृशे॑ ॥ (TS 1.1.14.2)

(ओं अधिदेवता प्रत्यधिदेवता सहिताय भगवते अङ्गारकाय नमः) 2

3. (देवता – शुक्रः, अधिदेवता – इन्द्राणी, प्रत्यधिदेवता – इन्द्रः)

ओं प्र व॑श्शु॒क्राय॑ भा॒नवे॑ भर॒ध्वꣳ ह॒व्यं म॒तिं चा॒ग्नये॑ सु॒पूतं॑ ।
यो दै॒व्यानि॑ मा॒नुषा॑ ज॒नूꣳष्यन्त॑र् वि॒श्वानि॑ वि॒द्यना॑ जिगा॑ति ॥
(TB 2.8.2.3)

इन्द्रा॑णी मा॒सु ना॒रिषु॑ सु॒पत्नी॑म॒हम॑श्र॒वं ।
न ह्य॑स्या अ॒परं च॒न ज॒रसा॑ म॒रते॑ पतिः ॥ (TS 1.7.13.1)

इन्द्रं॑ वो वि॒श्वत॑स्प॒रि ह॒वामहे॑ जने॑भ्यः ।
अ॒स्माक॑मस्तु॒ केवलः॑ ॥ (TS 1.6.12.1)

(ओं अधिदेवता प्रत्यधिदेवता सहिताय भगवते शुक्राय नमः) 3

4. (देवता – सोमः अधिदेवता– आपः ,

प्रत्यधिदेवता – गौरी)

ओं आप्यायस्व समेतु ते विश्वत-स्सोम वृष्णियं ।

भवा वाजस्य संगथे ॥ (TS 4.2.7.4)

अप्सु मे सोमो अब्रवीदन्तर् विश्वानि भेषजा ।

अग्निञ्च विश्वशंभुव-मापश्च विश्वभेषजीः ॥ (TB 2.5.8.6)

गौरी मिमाय सलिलानि तक्षत्येकपदी द्विपदी सा चतुष्पदी ।

अष्टापदी नवपदी बभूवुषी सहस्राक्षरा परमे व्योमन् ॥ (TB .2.4.6.11)

(ओं अधिदेवता प्रत्यधिदेवता सहिताय भगवते सोमाय नमः) 4

5. (देवता – बुधः, अधिदेवता – विष्णुः ,

प्रत्यधिदेवता – पुरुष नारायणः)

ओं उद्बुद्ध्यस्वाग्ने प्रति जागृह्येन-मिष्टापूर्ते सꣳ सृजेथामयञ्च ।

पुनः कृण्वꣳस्त्वा पितरं युवान-मन्वाताꣳसीत् त्वयि तन्तुमेतं ॥

(TS 4.7.13.5)

इदं विष्णुर् वि चक्रमे त्रेधा नि दधे पदं ।

समूढमस्य पाꣳसुरे ॥ (TS 1.2.13.1)

विष्णो॑ ररा॑टमसि॑ विष्णोः॑ पृ॒ष्ठम॑सि विष्णो॑-॒ञ्ज॒प्त्रे॑स्थो विष्णो॑
स्स्यूर॑सि विष्णो॑र् ध्रु॒वम॑सि वैष्ण॒वम॑सि विष्ण॑वे त्वा ॥ (TS 1.2.13.3)

(ओं अधिदेवता प्रत्यधिदेवता सहिताय भगवते बुधाय नमः) 5

6. (देवता – बृहस्पतिः, अधिदेवता – इन्द्र-मरुत,

प्रत्यधिदेवता – ब्रह्म)

ओं बृ॒हस्प॑ते अति॑ यद॒र्यो अ॒र्हद् द्यु॒मद् वि॒भाति॑ क्र॒तु म॒ज्जने॑षु ।
यद् दी॒दय॑च्छव॒सर्त्त प्र॒जात॑ तद॒स्मासु॑ द्रवि॒णं धेहि॑ चि॒त्रं ॥
(TS 1.8.22.2)

इन्द्र॑ मरु॒त्व इ॒ह पा॒हि सोमं॑ यथा॑ शा॒र्या॒ते अ॒पिब॑ स्सु॒तस्य॑ ।
तव॑ प्र॒णीती॑ तव॑ शूर॑ शर्म॒न्ना वि॒वास॑न्ति क॒वयः॑ सुय॒ज्ञाः ॥ (TS 1.4.18.1)

ब्रह्म॑ज॒ज्ञानं॑ प्र॒थमं॑ पु॒रस्ता॑द् वि सी॒मत-॑स्सु॒रुचो॑ वेन॑ आ॒वः ।
सबु॑द्धि॒न्या उप॒मा अ॒स्य वि॒ष्टा स्स॒तश्च॑ योनि॒मस॑तश्च॒ विवः॑ ॥
(TS 4.2.8.2)

(ओं अधिदेवता प्रत्यधिदेवता सहिताय भगवते बृहस्पतये नमः) 6

7. (देवता – शनैश्चरः, अधिदेवता – प्रजापतिः,

प्रत्यधिदेवता – यमः)

ओं शन्नो॑ दे॒वी-र॒भिष्ट॑य॒ आपो॑ भवन्तु पी॒तये॑ ॥

शं यो॑र॒भि-स्र॑वन्तु नः ॥ (TA 7.42.4)

प्रजा॑पते न त्वदे॒तान्य॒न्यो वि॒श्वा जा॒तानि॒ परि॒ ता ब॑भूव ।

यत्का॑मास्ते जुहु॒मस्तन्नो॑ अस्तु व॒यं स्या॑म प॒तयो॑ र॒यीणां॑ ॥

(TS 1.8.14.2)

इमं॑ य॒म प्र॒स्तर॑मा हि सी॒दाङ्गि॑रोभिः पि॒तृभिः॑ स॒म्वि॑दानः ।

आ त्वा॑ मन्त्राः क॒विश॑स्ता व॒हन्त्वे॒ना राज॑न् ह॒विषा॑ मा॒दय॑स्व ॥

(TS 2.6.12.6)

(ओं अधिदेवता प्रत्यधिदेवता सहिताय भगवते शनैश्चराय नमः) 7

8. (देवता – राहुः, अधिदेवता – सर्पः, प्रत्यधिदेवता – निर्ऋति)

ओं क॒या न॑श्चि॒त्र आ भु॑व॒दूती॑ स॒दावृ॑ध॒ स्सखा॑ ॥

क॒या श॑चि॒ष्ठया॑ वृ॒ता ॥ (TS 4.2.11.2)

आ॒ज्य॑ङ्कौः पृ॒श्नि-र॒क्रमी॑द॒सन॑न् मा॒तरं॑ पु॒नः ।

पि॒तर॑ञ्च प्र॒यन्त्सु॑वः ॥ (TS 1.5.3.1)

यत्ते॑ दे॒वी निर्ऋ॑तिरा॒ब॒बन्ध॑ दाम॑ ग्री॒वास्व॑वि॒च॒र्त्य ।

इ॒द॒न्ते॑ तद्वि॒ष्या॒म्या॒यु॒षो॑ न म॒द्द॒ध्या॒द॒था जी॒वः॑
पि॒तु॒म॒ब्धि॒ प्र॒मु॒क्तः॑ ॥ (TS 4.2.5.3)

(ओं अधिदेवता प्रत्यधिदेवता सहिताय भगवते राहवे नमः) 8

9. (देवता – केतुः , अधिदेवता – ब्रह्म,

प्रत्यधिदेवता – चित्रगुप्तः)

ओं के॒तु॒ङ् कृ॒ण्व॒न्न॒के॒त॒वे॒ पेशो॑ म॒र्या॑ अ॒पेश॑सै॑ ।
स॒मु॒ष॒द्भि॒रजा॑यथाः ॥ (TS 7.4.20.1)

ब्र॒ह्मा दे॒वानां॑ प॒द॒वीः क॒वी॒ना-मृ॒षि॒र्वि॒प्रा॒णां म॒हि॒षो मृ॒गा॒णां॑ ।
श्ये॒नो गृ॒द्घ्रा॒णा॒ऽस्व॒धि॒ति॒र् व॒ना॒ना॒ऽसो॒मः॑
प॒वि॒त्र॒म॒त्ये॒ति रे॒भ॒न् ॥ (TS 3.4.11.1)

स चि॒त्र चि॒त्रं चि॒त॒य॒न्त-म॒स्मे चि॒त्र॒क्ष॒त्र चि॒त्र॒त॒मं व॑यो॒धां ।
च॒न्द्रं र॒यिं पु॒रु॒वी॒रं बृ॒ह॒न्तं च॒न्द्र च॒न्द्रा॒भिर् गृ॒ण॒ते यु॒व॒स्व ॥ (RV 6.6.7).
(ओं अधिदेवता प्रत्यधिदेवता सहितेभ्यो भगवद्भ्यः केतुभ्यो नमः) 9

॥ ओं आदित्यादि नवग्रह देवताभ्यो नमो नमः॥

(ओं शान्तिः॑ शान्तिः॑ शान्तिः॑ ॥)

18 दिक् पालका मन्त्राः

1. (देवता – इन्द्रः) (दिक् – पूर्व) (TS 1.6.12.5)

त्रा॒ता॒र॒मिन्द्र॑-म॒वि॒ता॒र-मिन्द्र॑ꣳ ह॒वे॒ह॒वे सु॒ह॒वꣳ शू॒र॒मिन्द्रं॑ ।
हु॒वे नु श॒क्रं पु॒रु॒हू॒त॒मिन्द्र॑ꣳ स्व॒स्ति नो म॒घ॒वा धा॒त्विन्द्रः॑ ॥ 1

2. (देवता-अग्नीः) (दिक्-दक्षिण पूर्व/आग्नेय दिक्) (T.S.2.5.12.3)

त्व॒न्नो अ॒ग्ने व॒रु॒णस्य॑ वि॒द्वान् दे॒वस्य॑ हे॒डोऽव॑ या॒सि॒सी॒ष्ठाः ।
य॒जि॒ष्ठो व॒ह्नि॒तम॑ श॒शो॒शु॒चा॒नो वि॒श्वा द्वे॒षाꣳसि॑ प्र मु॒मु॒ग्ध्य॒स्मत् ॥ 2

3. (देवता – यमः) (दिक् – दक्षिणं) (T.B.3.1.2.11)

सु॒ग॒न्नः प॒न्था॒म॒भयं॑ कृ॒णोतु॑ । यस्मि॒न्नक्ष॑त्रे य॒म ए॒ति रा॒जा ।
यस्मि॒न्नेन॑-म॒भ्य॒षिञ्च॑न्त दे॒वाः । तद॑स्य चि॒त्रꣳ ह॒वि॒षा य॒जाम॑ ।
अ॒प पा॒प्मानं॑ भ॒रणी॑र् भ॒रन्तु॑ ॥ 3

4. (देवता- निर्ऋतिः) (दिक् – दक्षिण पश्चिमं) (TS 4.2.5.4)

अ॒सु॒न्वन्त॑-म॒य॒ज॒मान॑-मि॒च्छ स्ते॒नस्ये॒त्याम् तस्कर॑स्यान्वे॒षि ।
अ॒न्य-म॒स्म-दि॒च्छ सा त॑ इ॒त्या नमो॑ दे॒वि निर्ऋ॑ते तु॒भ्यम॑स्तु ॥ 4

5. (देवता- वरुणः) (दिक् - पश्चिमं) (TS 2.1.11.6)

तत्त्वा॑ यामि॑ ब्र॒ह्मणा॑ व॒न्दमान॑-स्तदा॑शास्ते॑ यज॑मानो ह॒विर्भिः॑ ।
अहे॑डमानो वरु॒णेह॑ बो॒द्ध्युरु॑श॒ऽस मा न॑ आयुः प्र मो॒षीः॑ ॥ 5

6. (देवता - वायुः) (दिक् - उत्तर पश्चिमं) (T.B.2.8.1.2)

आ नो॑ नि॒युद्धि॑-॒शति॑नी-भि॒रध्व॑रं । स॒हस्रि॑णीभि-रु॒पया॑हि य॒ज्ञं ।
वा॒यो अ॒स्मिन् ह॒विषि॑ मादयस्व ।
यू॒यं पा॑त स्व॒स्तिभि॑ स्सदा॑ नः ॥ 6

7. (देवता - सोमः) (दिक् - उत्तरं) (T.B.2.4.2.7)

व॒य॒ऽसोम॑ व्र॒ते तव॑ । म॒नस्त॑नूषु बिभ्र॑तः । प्र॒जाव॑न्तो अशीमहि ॥ 7

8. (देवता - ईशानः) (दिक् - उत्तर पूर्व) (RV.1.89.5)

तमी॑शानं॑ जग॑त-स्त॒स्थुष॑-स्पतिं॑ । धि॒यज्जि॑न्व-मव॑से हू॒महे व॑यं ।
पू॒षा नो॑ यथा॑ वेद॑ सा॒मस॑द् वृ॒धे रक्षि॑ता पा॒यु-रद॑ब्ध-स्स्व॒स्तये॑ ॥ 8

9. (देवता - ब्रह्मा) (दिक् - ऊर्ध्वं Skywards) (RV.8.63.1.2)

अ॒स्मे रु॒द्रा मे॒हना॑ पर्व॑तासो वृ॒त्रह॑त्ये भर॒हूतौ॑ स॒जोषाः॑ ।
य श॑शंसते स्तुव॑ते धायि॑ प॒ञ्च इन्द्र॑ज्येष्ठा अ॒स्मा अव॑न्तु दे॒वाः ॥ 9

10. (देवता – विष्णुः) [दिक् – अधरं (पाताळं)] (TA. 6.1.10)

स्यो॒ना पृ॑थि॒वि भ॒वाऽनृ॑क्ष॒रा नि॒वेश॑नी । यच्छा॑ न॒शर्म॑ स॒प्रथाः॑ ॥ 10

19 नक्षत्र सूक्तं

(Starting from TB 3.1.1, for item no. 1 to 40)

1. नक्षत्रं – कृत्तिका

देवता – अग्निः

अ॒ग्नि॒र्नः॑ पा॒तु कृ॒त्ति॒काः॑ । नक्ष॑त्रं दे॒वमिन्द्रि॑यं ।

इ॒दमा॑सां-वि॒चक्ष॑णं । ह॒वि॒रासं॑ जु॒होत॑न ।

यस्य॑ भा॒न्ति रश्म॑यो यस्य॑ के॒तवः॑ । यस्ये॒मा वि॒श्वा भुव॑नानि॒ सर्वा॑ ॥

स कृ॒त्ति॒का भि॒रभि॑ सँव॒सानः॑ । अ॒ग्नि॒र्नो दे॒वस्सु॑वि॒ते द॑धातु ॥ 1

2. नक्षत्रं – रोहिणी

देवता – प्रजापतिः

प्र॒जाप॑ते रोहि॒णी वे॒तु प॒त्नी॑ ॥ वि॒श्वरू॑पा बृ॒हती॑ चि॒त्रभा॑नुः ।

सा नो॑ य॒ज्ञस्य॑ सु॒वि॒ते द॑धातु । यथा॑ जी॒वेम॑ शर॒दस्स॑वी॒राः ।

रोहि॒णी दे॒व्युद॑गात् पु॒रस्ता॑त् ॥ वि॒श्वा रू॒पाणि॑ प्र॒तिमो॑द॒माना॑ ।

प्र॒जाप॑तिꣳ ह॒विषा॑ वर्द्धय॒न्ती । प्रि॒या दे॒वाना॑-मु॒पया॑तु य॒ज्ञं ॥ 2

3. नक्षत्रं – मृगशीर्षः

देवता – सोमः

सोमो॑ रा॒जा मृ॒गशी॑र्षेण आ॒गन् । शि॒वं नक्ष॑त्रं प्रि॒यम॑स्य॒ धाम॑ ।

आ॒प्याय॑मानो बहु॒धा जने॑षु । रे॒तः प्र॒जां य॑ज॒माने॑ द॒धातु॑ ।

यत्ते॑ नक्ष॑त्रं मृ॒गशी॑र्षमस्ति । प्रि॒यꣳ रा॒जन् प्रि॒यत॑मं प्रि॒याणां॑ ॥

तस्मै॑ ते सोम॑ ह॒विषा॑ वि॒धेम॑ । शन्न॑ ए॒धि द्वि॒पदे॑ शञ्चतु॒ष्पदे॑ ॥ 3

4. नक्षत्रं – आर्द्रा

देवता – रुद्रः

आ॒र्द्रया॑ रु॒द्रः प्र॑थ॒मान॑ ए॒ति । श्रे॒ष्ठो दे॒वानां॑ प॒तिर॑घ्नियानां॑ ॥
नक्ष॑त्रमस्य ह॒विषा॑ वि॒धेम॑ । मा नः॑ प्र॒जाꣳ री॑रिषन् मोत वी॒रान् ।
हे॒ती रु॒द्रस्य॑ परि॒ णो वृ॑णक्तु । आ॒र्द्रा नक्ष॑त्रं जुषताꣳ ह॒विर्नः॑ ।
प्र॒मुञ्च॑मानौ दु॒रितानि॑ वि॒श्वा । अ॒पाघ॑शꣳस-न्नु॒दता॑मरातिं ॥ 4

5. नक्षत्रं – पुनर्वसु

देवता – अदिति

पुन॑र्नो दे॒व्यदि॑ति-स्पृ॒णोतु॑ । पुन॑र्वसू नः पुन॒रेतां॑ य॒ज्ञं ।
पुन॑र्नो दे॒वा अभि॑यन्तु स॒र्वे । पुनः॑ पुन॒र्वो ह॒विषा॑ यजामः ।
ए॒वा न दे॒व्यदि॑तिरन॒र्वा । वि॒श्वस्य॑ भ॒र्त्री जग॑तः प्र॒तिष्ठा ।
पुन॑र्वसू ह॒विषा॑ वर्द्धय॑न्ती । प्रि॒यं दे॒वाना॑-मप्ये॒तु पा॑थः ॥ 5

6. नक्षत्रं – पुष्यः

देवता – बृहस्पतिः

बृ॒हस्प॑तिः प्र॒थम॑ञ्जायमानः । ति॒ष्यं नक्ष॑त्रम॒भि सं॑ब॒भूव॑ ।
श्रे॒ष्ठो दे॒वानां॑ पृ॒तना॑सु जि॒ष्णुः । दि॒शो ऽनु॑ सर्वा॒ अभ॑यन्नो अस्तु ।
ति॒ष्यः पु॒रस्ता॑दु॒त म॑द्ध्यतो नः । बृ॒हस्प॑तिर् नः परि॒पातु॑ प॒श्चात् ।
बा॒धेता॑म् द्वे॒षो अभ॑यं कृ॒णुतां॑ । सु॒वीर्य॑स्य प॒तय॑स्स्याम ॥ 6

7. नक्षत्रं – आश्रेषं

देवता – सर्पाः

इ॒दं॑ स॒र्पेभ्यो॑ ह॒विर॑स्तु जुष्टं॑ । आ॒श्रेषा॑ येषा॒मनु॑यन्ति चे॒तः ।
ये अ॒न्तरि॑क्षं पृथि॒वीं क्षि॑यन्ति । तेन॑ स्स॒र्पासो॑ ह॒वमा॑गमिष्ठाः ।
ये रो॒चने॑ सू॒र्यस्या॑पि सर्पाः । ये दि॒वं दे॒वी-म॑नु॒सञ्च॑रन्ति ।
येषा॑मा॒श्रेषा॑ अ॒नुय॑न्ति का॒मं । तेभ्य॑-स्स॒र्पेभ्यो॑ म॒धुम॑ज्जुहोमि ॥ 7

8. नक्षत्रं – मघा

देवता – पितरः

उ॒प॒हू॒ताः पि॒तरो॑ ये म॒घासु॑ । म॒नोज॑वस-स्सु॒कृत॑-स्सु॒कृ॒त्याः ।
ते नो॑ नक्ष॒त्रे ह॒वमा॑गमिष्ठाः । स्व॒धाभि॑र् य॒ज्ञं प्र॑यतं जुषन्तां ।
ये अ॒ग्नि॒दग्धा॑ येऽन॒ग्नि॒दग्धाः॑ । येऽमु॑म् लो॒कं पि॒तरः॑ क्षि॒यन्ति॑ ।
या॒ञ्च वि॒द्यया॑ उ॒च न॑ प्र॒वि॒द्य । म॒घासु॑ य॒ज्ञं सु॒कृतं॑ जुषन्तां ॥ 8

9. नक्षत्रं – पूर्वफल्गुनी

देवता – अर्यमा

ग॒वां प॒तिः फ॒ल्गु॒नीना॑मसि त्वं । त॒दर्य॑मन् वरु॒ण मि॒त्र चा॒रु ।
त॒न्त्वा व॒यं स॒नितारं॑ स॒नीनां॑ । जी॒वा जी॑वन्तमु॒प सँ॑वि॒शेम॑ ।
येने॒मा वि॒श्वा भु॑वनानि सज्जिता । यस्य॑ दे॒वा अ॒नुस॑म्यन्ति चे॒तः ।
अ॒र्य॒मा रा॒जाऽज॑रस्तुविष्मान् । फ॒ल्गु॒नीना॑-मृष॒भो रो॑रवीति ॥ 9

10. नक्षत्रं – उत्तर फल्गुनी

देवता – भगः

श्रेष्ठो देवानां भगवो भगासि । तत्त्वा विदुः फल्गुनी-स्तस्य वित्तात् ।
अस्मभ्यं क्षत्रमजरं सुवीर्यं । गोमदश्चव-दुपसन्नुदेह ।
भगो ह दाता भग इत्प्रदाता । भगो देवीः फल्गुनी-राविवेश ।
भगस्येत्तं प्रसवं गमेम । यत्र देवै-स्सधमादं मदेम ॥ 10

11. नक्षत्रं – हस्तः

देवता – सविता

आयातु देव-स्सवितो पयातु । हिरण्ययेन सुवृता रथेन ।
वहन् हस्तं सुभगं विद्वनापसं । प्रयच्छन्तं पपु रिं पुण्यमच्छ ।
हस्तः प्रयच्छत्वमृतं वसीयः । दक्षिणेन प्रतिगृष्णीम एनत् ।
दातार-मद्य सविता विदेय । यो नो हस्ताय प्रसुवाति यज्ञं ॥ 11

12. नक्षत्रं – चित्रा

देवता – त्वष्टा

त्वष्टा नक्षत्र-मभ्येति चित्रां । सुभस्सं युवतिं रोचमानां ।
निवेशय-न्नमृतान् मर्त्याश्च । रूपाणि पिशन् भुवनानि विश्वा ।
तन्नस्त्वष्टा तदु चित्रा विचष्टां । तन्नक्षत्रं भूरिदा अस्तु मह्यं ।
तन्नः प्रजां वीरवतीं सनोतु । गोभिर्नो अश्वै-स्समनक्तु यज्ञं ॥ 12

13. नक्षत्रं – स्वाती

देवता – वायुः

वा॒युर् नक्ष॑त्र-म॒भ्येति॑ नि॒ष्ट्यां॑ । ति॒ग्मश्रृ॑ङ्गो वृष॒भो रो॑रु॒वाणः॑ ।
समी॑रयन् भुव॒ना मा॑तरि॒श्वा । अप॒ द्वेषा॑ऽसि नुद॒ताम॑रातीः ।
तन्नो॑ वा॒यस्तदु॑ नि॒ष्ट्या श्रृ॑णोतु । तन्नक्ष॑त्रं भू॒रिदा॑ अस्तु॒ मह्यं॑ ।
तन्नो॑ दे॒वासो॒ अनु॑ जानन्तु॒ कामं॑ । यथा॒ तरे॑म दु॒रितानि॑ वि॒श्वा ॥ 13

14. नक्षत्रं – विशाखा

देवता – इन्द्राग्नी

दूर॑मस्मच्छ॒त्रवो॑ यन्तु॒ भी॒ताः । तदिन्द्रा॑ग्नी कृ॒णुतां॑ तद् वि॒शाखे॑ ।
तन्नो॑ दे॒वा अनु॑मदन्तु॒ यज्ञं॑ । प॒श्चात् पु॒रस्ता॑दभय॒न्नो अस्तु॑ ।
नक्ष॑त्राणा-मधि॒पत्नी॑ वि॒शाखे॑ । श्रेष्ठा॑विन्द्रा॒ग्नी भुव॑नस्य गो॒पौ ।
विषू॑च-इ॒शत्रू॑नप॒बाध॑मानौ । अप॒क्षुध-नु॑द॒ताम॑रातिं ॥ 14

15. पौर्णमासि

पूर्णा॑ प॒श्चादु॑त पूर्णा॑ पु॒रस्ता॑त् । उन्म॑द्ध्यतः पौ॒र्णमा॑सी जि॒गाय॑ ।
तस्यां॑ दे॒वा अधि॑ सँव॒सन्तः॑ । उ॒त्तमे॑ नाक॒ इह॑ मा॒दय॑न्तां ।
पृ॒थ्वी सु॑वर्चा॒ युव॑ति-स्सजोषाः॑ । पौ॒र्णमा॑स्युदगा-च्छो॒भमा॑ना ।
आ॒प्याय॑यन्ती दु॒रितानि॑ वि॒श्वा । उ॒रुं दु॒हां यँज॑मानाय॒ यज्ञं॑ ॥ 15

16. नक्षत्रं – अनूराधा

देवता – मित्रः

ऋद्॒ध्यास्म॑ ह॒व्यैर् नम॑सोप-सद्य॑ । मि॒त्रं दे॒वं मि॒त्रधे॑यन्नो अस्तु ।
अ॒नू॒रा॒धा॒न् ह॒विषा॑ व॒र्द्धय॑न्तः । श॒तं जी॑वेम श॒रद॑स्सवीराः ।
चि॒त्रं नक्ष॑त्र-मु॒दगा॑त् पु॒रस्ता॑त् । अ॒नू॒रा॒धा स॒ इति॑ यद् वद॑न्ति ।
तन्मि॒त्र ए॒ति प॒थिभि॑र् दे॒व्यानैः॑ । हि॒रण्य॑यैर् वित॑तै-रन्त॑रिक्षे ॥ 16

17. नक्षत्रं – ज्येष्ठा

देवता – इन्द्रः

इन्द्रो॑ ज्ये॒ष्ठाम॒नु नक्ष॑त्रमेति । यस्मिन्-वृ॒त्रं वृ॑त्रतूर्ये॑ त॒तार॑ ।
तस्मिन् वय॑-ममृ॒तं दु॒हानाः॑ । क्षु॒धन्त॑रेम दु॒रिति॑ दु॒रिष्टि॑ ।
पु॒रन्द॑राय वृष॒भाय॑ धृ॒ष्णवे॑ । अ॒षाढा॑य स॒हमा॑नाय मी॒ढुषे॑ ।
इन्द्रा॑य ज्ये॒ष्ठा मधु॑मदु॒हाना॑ । उ॒रुं कृ॑णोतु॒ यज॑मानाय लो॒कं ॥ 17

18. नक्षत्रं – मूलं

देवता – प्रजापतिः

मूलं॑ प्र॒जां वी॒रव॑तीं वि॒देय॑ । प॒राच्ये॑तु॒ निर्ऋ॑तिः प॒राचा॑ ।
गो॒भिर् नक्ष॑त्रं प॒शुभि॑-स्सम॒क्तं । अ॒हर् भू॑याद् यज॑मानाय म॒ह्यं॑ ।
अ॒हर्नो॑ अद्य सु॒विते॑ दधातु । मूलं॑ नक्ष॒त्रमि॑ति यद् वद॑न्ति ।
प॒राचीं॑ वा॒चा निर्ऋ॑तिं नु॒दामि॑ । शि॒वं प्र॒जायै॑ शि॒वम॑स्तु म॒ह्यं॑ ॥ 18

19. नक्षत्रं – पूर्वाषाढा

देवता – आपः

या दिव्या आपः पयसा संबभूवुः । या अन्तरिक्ष उत पार्थिवीर्याः ।
यासामषाढा अनुयन्ति कामं ॥ ता न आपः शङ्क्योना भवन्तु ।
याश्च कूप्या याश्च नाद्या-स्समुद्रियाः । याश्च वैशन्तीरुत प्रासचीर्याः ।
यासामषाढा मधु भक्षयन्ति । ता न आपः शङ्क्योना भवन्तु ॥ 19

20. नक्षत्रं – उत्तराषाढा

देवता – विश्वेदेवाः

तन्नो विश्वे उप शृण्वन्तु देवाः । तदषाढा अभिसंयन्तु यज्ञं ।
तन्नक्षत्रं प्रथतां पशुभ्यः । कृषिर्-वृष्टिर्-यजमानाय कल्पतां ।
शुभ्राः कन्या युवतय-स्सुपेशसः । कर्मकृत-स्सुकृतो वीर्यावतीः ।
विश्वान्-देवान्-हविषा वर्द्धयन्तीः ।
अषाढाः काममुपयान्तु यज्ञं ॥ 20

21. नक्षत्रं – अभिजित्

देवता – ब्रह्मा

यस्मिन् ब्रह्माभ्यजयथ् सर्वमेतत् । अमुञ्च लोकमिदमूच सर्वं ।
तन्नो नक्षत्र-मभिजिद् विजित्य । श्रियं दधात्वहणीयमानं ।
उभौ लोकौ ब्रह्मणा सञ्जितेमौ । तन्नो नक्षत्र-मभिजिद् विचष्टां ।
तस्मिन् वयं पृतना स्सञ्जयेम । तन्नो देवासो अनुजानन्तु कामं ॥ 21

22. नक्षत्रं – श्रवणं

देवता – विष्णुः

शृ॒ण्वन्ति॑ श्रो॒णा-म॒मृत॑स्य गो॒पां । पु॒ण्याम॑स्या उप॒शृणो॑मि वाचं॑ ॥
म॒हीं दे॒वीं वि॒ष्णुप॑त्नीमजू॒र्यां । प्र॒तीची॑मेना॒ ह॒विषा॑ यजामः ।
त्रे॒धा वि॒ष्णु-रु॒रुगा॑यो विच॒क्रमे॑ । म॒हीं दि॒वं पृ॑थि॒वी-म॒न्तरि॑क्षं ।
तच्छ्रो॒णैति॑ श्रव॒ इच्छ॑माना । पु॒ण्यं॒ इ॒लोकं॑ य॒जमा॑नाय कृ॒ण्वती॑ ॥ 22

23. नक्षत्रं – श्रविष्ठा

देवता – वसवः

अ॒ष्टौ दे॒वा वस॑वस्सो॒म्यासः॑ । चत॑स्रो दे॒वी रज॑राः श्रवि॒ष्ठाः ।
ते य॒ज्ञं पा॑न्तु रज॒सः प॑रस्तात् । सँव॑त्सरी॒ण-म॒मृतं॑ स्व॒स्ति ।
य॒ज्ञं नः॑ पा॑न्तु वस॒वः पु॑रस्तात् । द॒क्षिण॑तो-ऽभि॒यन्तु॑ श्रवि॒ष्ठाः ।
पु॒ण्यन्न॑क्षत्रम॒भि सँवि॑शाम । मा नो॒ अरा॑ति-र॒घशं॑सा गन् ॥ 23

24. नक्षत्रं – शतभिषक्

देवता – वरुणः

क्ष॒त्रस्य॑ रा॒जा वरु॑णोऽधि॒राजः॑ । नक्ष॑त्राणां श॒तभि॑षग् वसि॒ष्ठः ।
तौ दे॒वेभ्यः॑ कृ॒णुतो॑ दी॒र्घमा॑युः । श॒तं सह॑स्रा भेष॒जानि॑ धत्तः ।
य॒ज्ञन्नो॑ रा॒जा वरु॑ण उप॒यातु॑ । तन्नो॒ विश्वे॑ अ॒भिस॑म्यन्तु दे॒वाः ।
तन्नो॒ नक्ष॑त्रं श॒तभि॑षग् जुषा॒णं । दी॒र्घमा॑युः प्र॒तिर॑द् भेष॒जानि॑ ॥ 24

25. नक्षत्रं – पूर्वप्रोष्ठपदा **देवता – अजयेकपादः**

अज॑ एक॑पादुद॑गात् पुर॑स्तात् ॥ विश्वा॑ भू॒तानि॑ प्रति॑ मोद॑मानः ।
तस्य॑ दे॒वाः प्र॑स॒वं य॑न्ति॒ सर्वे॑ ॥ प्रोष्ठ॑पदासो अ॒मृत॑स्य गो॒पाः ।
विभ्रा॑जमान-स्समि॒धान॑ उग्रः । आ॒न्तरि॑क्ष-मरु॒हद॑-गन्धां ।
त॒ꣳ सूर्य॑ दे॒व-म॒जमे॑कपादं । प्रोष्ठ॑पदासो अनु॑यन्ति॒ सर्वे॑ ॥ 25

26. नक्षत्रं – उत्तरप्रोष्ठपदा **देवता – अहिर्बुद्धिधनयः**

अहि॑र् बु॒द्धिध॑नयः प्रथ॑मान एति । श्रेष्ठो॑ दे॒वाना॑मु॒त मा॑नुषाणां ।
तं ब्रा॑ह्मणा-स्सोम॒पा-स्सो॒म्यासः॑ । प्रोष्ठ॑पदासो अ॒भि र॑क्षन्ति॒ सर्वे॑ ।
चत्वार॑ एक॑म॒भि क॑र्म दे॒वाः । प्रोष्ठ॑पदास इति॑ या॒न् वद॑न्ति ।
ते बु॒द्धनि॑यं परि॒षद्य॑ स्तु॒वन्तः॑ । अहि॑ꣳ रक्षन्ति॒ नम॑सोप॒ सद्य॑ ॥ 26

27. नक्षत्रं – रेवती **देवता – पूषा**

पू॒षा रे॒वत्य॑न्वेति॒ पन्थां॑ ॥ पु॒ष्टिप॑ती पशु॒पा वा॑जब॒स्त्यौ ।
इ॒मानि॑ ह॒व्या प्र॑यता जुषाणा । सु॒गैर्नो॑ या॒नैरु॑पयातां य॒ज्ञं ।
क्षु॒द्रान् प॒शून् र॑क्षतु रे॒वती॑ नः । गा॒वो नो॑ अश्वा॒ꣳ अ॒न्वेतु॑ पू॒षा ।
अ॒न्नꣳ र॑क्षन्तौ बहु॒धा वि॑रूपं । वा॒जꣳ स॒नुतां॑ य॒जमा॑नाय॒ यज्ञं॑ ॥ 27

28 नक्षत्रं – अश्विनी देवता – अश्विनी देवौ

तद॒श्विना॑-व॒श्वयु॑जोपयातां । शु॒भङ्ग॑मि॒ष्टौ सु॒यमे॑भिर॒श्वैः ॥
स्व॒न्नक्ष॑त्रं ह॒विषा॑ यज॒न्तौ । म॒ध्वा संपृ॑क्तौ य॒जुषा॑ सम॒क्तौ ।
यौ दे॒वानां॑ भि॒षजौ॑ ह॒व्यवा॑हौ । वि॒श्वस्य॑ दू॒ताव॑मृतस्य गो॒पौ ।
तौ नक्ष॑त्रं जु॒जुषा॑णोपयातां । नमो॑ऽश्वि॒भ्यां कृ॑णुमोऽश्व॒ग्युभ्यां॑ ॥ 28

29. नक्षत्रं – अपभरणी देवता – यमः

अप॑ पा॒प्मानं॑ भ॒रणी॑र् भ॒रन्तु॑ । तद् य॒मो रा॒जा भ॑ग॒वान् वि॑च॒ष्टां ।
लो॒कस्य॑ रा॒जा म॒हतो॑ म॒हान् हि॑ । सु॒गन्तः॑ प॒न्थाम॑भयं कृ॒णोतु॑ ।
यस्मिन्॑ नक्ष॒त्रे य॒म ए॒ति रा॒जा ॥ यस्मि॑न्नेन-म॒भ्यषि॑ञ्चन्त दे॒वाः ।
तद॒स्य चि॒त्रं ह॒विषा॑ य॒जाम॑ । अप॑ पा॒प्मानं॑ भ॒रणी॑र् भ॒रन्तु॑ ॥ 29

30. अमावासि

नि॒वेश॑नी स॒ङ्गम॑नी व॒सूनां॑ वि॒श्वा रू॒पाणि॑ व॒सू॒न्यावे॑शय॒न्ती ।
स॒हस्र॑पोषं सु॒भगा॑ रा॒णा सा॒ न आ॒गन् वर्च॑सा सँवि॒दाना॑ ।
य॒त्ते दे॒वा अ॒दधु॑र् भा॒गधे॒य-म॑मा॒वास्ये॑ सँव॒सन्तो॑ म॒हित्वा॑ ।
सा नो॑ य॒ज्ञं पि॑पृ॒हि वि॒श्ववा॑रे र॒यिन्नो॑ धे॒हि सु॒भगे॑ सु॒वीरं॑ ॥ 30

Optional Additional Chanting (31 to 40)

31. चन्द्रमा

नवो॑ नवो॑ भवति॑ जाय॑मानोऽ॒ह्नां॑ के॒तु-रुष॑सा॒ मेत्य॑ग्रे ।
भा॒गं दे॒वेभ्यो॑ वि॒दधा॑त्यायन् प्र च॒न्द्रमा॑स्तिरति दी॒र्घमा॑युः ॥
यमा॑दि॒त्या अ॒शुमा॑प्याय॒यन्ति॑ यम॑क्षित-म॒क्षित॑यः पिब॑न्ति ।
तेन॑ नो॒ राजा॒ वरु॑णो बृ॒हस्प॑ति-रा॒प्याय॑यन्तु भुव॑नस्य गो॒पाः ॥ 31

32. अहो रात्री

ये वि॒रूपे॑ सम॑नसा सँव्य॑यन्ती । सम॑ानं तन्तुं॑ परि तात॑नाते ।
वि॒भू प्र॒भू अनु॑भू वि॒श्वतो॑ हुवे । ते नो॑ नक्ष॒त्रे हव॑माग-मेतं ।
वयं॑ दे॒वी ब्र॑ह्मणा सँवि॑दानाः । सु॒रत्ना॑सो दे॒ववी॑तिं दधा॑नाः ।
अ॒हो॒रा॒त्रे ह॒विषा॑ वर्द्ध॑यन्तः । अति॑ पा॒प्मान॑-मति॑मुक्त्वा गमे॑म ॥ 32

33. उषा

प्र॒त्युव॑दृश्यायती । व्यु॒च्छन्ती॑ दुहि॒ता दि॒वः ।
अ॒पो म॒ही वृ॑णुते चक्षु॑षा । तमो॑ ज्योति॑ष्कृ॒णोति॑ सू॒नरी॑ ।
उदु॑स्त्रिया॒ स्सच॑ते सूर्यः॑ । सचा॑ उद्यन्नक्ष॑त्र मर्चि॑मत् ।
तवे॑ दु॒षो व्यु॑षि सूर्य॑स्य च । सं भ॒क्तेन॑ गमे॑महि ॥ 33

34. नक्षत्रः

तन्नो नक्षत्र मर्चिमत् । भानुमत्तेज उच्छरत् ।
उपयज्ञ-मिहागमत् । प्रनक्षत्राय देवाय । इन्द्रायेन्दुः हवामहे ।
स न स्सविता सुवथ् सनिं । पुष्टिदां वीरवत्तमं ॥ 34

35. सूर्यः

उदुत्यं जातवेदसं देवं वहन्ति केतवः । दृशे विश्वाय सूर्यं ।
चित्रं देवाना-मुदगादनीकं चक्षुर् मित्रस्य वरुणस्याग्नेः ।
आऽप्रा द्यावापृथिवी अन्तरिक्षः सूर्य आत्मा जगतस्तस्थुषश्च ॥ 35

36. अदिति

अदितिर्न उरुष्यत्वदितिः शर्म यच्छतु । अदितिः पात्वः हसः ।
महीमूषु मातरः सुव्रताना-मृतस्य पत्नी मवसे हुवेम ।
तुविक्षत्रा-मजरन्ती मुरूचीः सुशर्माण-मदितिः सुप्रणीतिं ॥ 36

37. विष्णुः

इदं विष्णुर् विचक्रमे त्रेधा निदधे पदं । समूढमस्य पाः सुरे ।
प्रतद्विष्णुः स्तवते वीर्याय । मृगो न भीमः कुचरो गिरिष्ठाः ।
यस्योरुषु त्रिषु विक्रमणेषु । अधिक्षियन्ति भुवनानि विश्वा ॥ 37

38. अग्निः

अ॒ग्नि॒र् मूर्द्धा॑ दि॒वः क॒कुत्प॑तिः पृ॒थि॒व्या अ॒यं ।
अपा॑ꣳ रेता॑ꣳसि जि॒न्वति॑ ।
भुवो॑ य॒ज्ञस्य॑ रज॒सश्च॑ ने॒ता यत्रा॑ नि॒युद्धिः॑ सच॑से शि॒वाभिः॑ ।
दि॒वि मूर्द्धानं॑ दधि॒षे सुव॑र्षां जि॒ह्वा॒मग्ने॑ चकृ॒षे हव्य॑वाहं ॥ 38

39. अनुमतिः

अनु॑नोऽद्या॒नुम॑तिर् य॒ज्ञं दे॒वेषु॑ म॒न्यतां॑ ।
अ॒ग्निश्च॑ हव्य॒वाह॑नो भव॒तां दा॑शु॒षे मयः॑ ।
अ॒न्विद॑नुमते॒ त्वं म॒न्यासै॑ शञ्च॒ नः कृ॑धि ।
क्र॒त्वे दक्षाय॑ नो हि॒नु प्र॒ण आ॒यूꣳषि॑ तारि॒षः ॥ 39

40. हव्यवाहः (अग्निः)

हव्य॑वाह॒मभि॑-माति॒षाहं॑ । रक्षो॒हणं॑ पृ॒तना॑सु जि॒ष्णुं ।
ज्योति॑ष्मन्तं दी॒द्यतं॑ पु॒रन्धिं॑ । अ॒ग्निꣳ स्वि॑ष्ट कृ॒तमाहु॑वेम ।
स्वि॑ष्टमग्ने॒ अभि॑तत् पृ॒णाहि॑ । वि॒श्वा दे॒व पृ॒तना॑ अ॒भिष्य॑ ।
उरु॒न्नः प॒न्थां प्र॑दि॒शन् वि॑भाहि । ज्योति॑ष्म॒द्धेह्य॑ ज॒रन्न॑ आ॒युः ॥ 40

20 शान्ति पञ्चकं

TA 5.1.1

ओं शन्नो॑ मि॒त्रः शं॑ वरु॒णः । शन्नो॑ भव॒त्व॒र्य॒मा ।
शन्न॑ इन्द्रो॒ बृह॒स्पतिः॑ । शन्नो॑ विष्णु॒रुरु॒क्रमः॑ ।
नमो॑ ब्रह्म॒णे । नम॑स्ते वा॒यो ।
त्वमे॒व प्र॒त्यक्षं॑ ब्रह्मा॒सि । त्वमे॒व प्र॒त्यक्षं॑ ब्रह्म॒ वदि॑ष्यामि ।
ऋतं॑ वदि॒ष्यामि । सत्यं॑ वदि॒ष्यामि ।
तन्मा॑मवतु । तद्व॒क्तार॑मवतु । अव॒तु मां । अव॒तु व॒क्तारं॑ ॥ 1

ओं शान्तिः॑ शान्तिः॑ शान्तिः॑ ॥

TA 5.12.1

ओं शन्नो॑ मि॒त्रः शं॑ वरु॒णः । शन्नो॑ भव॒त्व॒र्य॒मा ।
शन्न॑ इन्द्रो॒ बृह॒स्पतिः॑ । शन्नो॑ विष्णु॒रुरु॒क्रमः॑ । नमो॑ ब्रह्म॒णे ।
नम॑स्ते वा॒यो । त्वमे॒व प्र॒त्यक्षं॑ ब्रह्मा॒सि । त्वामे॒व प्र॒त्यक्षं॑ ब्रह्मा॒वादि॑षं ।
ऋत॑मवादिषं । सत्य॑मवादिषं । तन्मा॑मावीत् । तद्व॒क्तार॑मावीत् ।
आवी॒न्मां । आवी॒द्वक्तारं॑ ॥ 2

ओं शान्तिः॑ शान्तिः॑ शान्तिः॑ ॥

TA 5.13.1

ओं सह ना ववतु । सह नौ भुनक्तु । सह वीर्यं करवावहै ।
तेजस्विना-वधीतमस्तु मा विद्विषावहै ॥ 3

ओं शान्तिः शान्तिः शान्तिः ॥

TA 7.1.1

नमो वाचे या चोदिता या चानुदिता तस्यै वाचे नमो
नमो वाचे नमो वाचस्पतये नम ऋषिभ्यो मन्त्रकृद्भ्यो मन्त्रपतिभ्यो
मा मामृषयो मन्त्रकृतो मन्त्रपतयः परादुर्माऽहमृषीन् मन्त्रकृतो
मन्त्रपतीन् परादां वैश्वदेवीं वाचमुद्यासं शिवा मदस्ताञ्जुष्टां
देवेभ्यः शर्म मे द्यौः शर्म पृथिवी शर्म विश्वमिदं जगत् ।
शर्म चन्द्रश्च सूर्यश्च शर्म ब्रह्म प्रजापती ।
भूतं वदिष्ये भुवनं वदिष्ये तेजो वदिष्ये यशो वदिष्ये तपो वदिष्ये
ब्रह्म वदिष्ये सत्यं वदिष्ये तस्मा अहमिद-मुपस्तरण-मुपस्तृण
उपस्तरणं मे प्रजायै पशूनां भूयादुपस्तरणमहं प्रजायै पशूनां
भूयासं प्राणापानौ मृत्योर्मापातं प्राणापानौ मा मा हासिष्टं मधु
मनिष्ये मधु जनिष्ये मधु वक्ष्यामि मधु वदिष्यामि मधुमतीं देवेभ्यो
वाचमुद्यासं शुश्रूषेण्यां मनुष्येभ्यस्तं मा देवा अवन्तु
शोभायै पितरो ऽनुमदन्तु ॥ 4 ओं शान्तिः शान्तिः शान्तिः ॥

T.B.3.5.11.1

तच्छं॑ यो॒रावृ॑णीमहे । गा॒तुं य॒ज्ञाय॑ । गा॒तुं य॒ज्ञप॑तये ।

दैवी॑ स्व॒स्तिर॑स्तु नः । स्व॒स्तिर्-मा॑नु॒षेभ्यः॑ ।

ऊ॒र्ध्वं जि॑गातु भे॒षजं॑ । श॒न्नो अ॑स्तु द्वि॒पदे॑ । शं चतु॑ष्पदे ॥ 5

ओं शान्तिः॑ शान्तिः॑ शान्तिः॑ ॥

21 रुद्र नमकं

TS 2.3.14.3

ओं । ग॒णाना॑न्त्वा ग॒णप॑ति॒ ह॒वाम॑हे क॒विं क॑वी॒ना-मु॑प॒मश्र॑वस्त॒मं ।
ज्ये॒ष्ठरा॑जं ब्र॒ह्मणां॑ ब्र॒ह्मण॑स्प॒त आ॑न॒श्शृ॑ण्व॒न्नूति॑भिः सी॒द सा॑दनं ॥
श्री महागणपतये नमः ॥

TS 4.7.3.1

शं च॑ मे , म॒यश्च॑ मे, प्रि॒यं च॑ मे, ऽनु॒काम॑श्च॒ मे,
का॒मश्च॑ मे , सौ॒मन॑सश्च॒ मे, भ॒द्रं च॑ मे, श्रे॒यश्च॑ मे,
व॒स्यश्च॑ मे, य॒शश्च॑ मे, भ॒गश्च॑ मे, द्र॒विणं॑ च॒ मे,
य॒न्ता च॑ मे, ध॒र्ता च॑ मे, क्षे॒मश्च॑ मे, धृ॒तिश्च॑ मे,
वि॒श्वं च॑ मे, म॒हश्च॑ मे, सँ॒विच्च॑ मे, ज्ञा॒त्रञ्च॑ मे,
सू॒श्च मे, प्र॒सूश्च॑ मे, सी॒रं च॑ मे, ल॒यश्च॑ म,
ऋ॒तं च॑ मे, ऽमृ॒तं च॑ मे, ऽय॒क्ष्मं च॑ मे , ऽना॒मय॑च्च॒ मे,
जी॒वातु॑श्च॒ मे, दी॒र्घायु॑त्वं च॒ मे, ऽन॑मि॒त्रं च॑ मे, ऽभ॒यं च॑ मे,
सु॒गं च॑ मे, श॒यनं॑ च॒ मे, सू॒षा च॑ मे, सु॒दिनं॑ च॒ मे ॥

ओं शान्तिः॑ शान्तिः॑ शान्तिः॑ ॥

(TS 4.5.1.1 - 4.5.11.2)

प्रथमोऽनुवाकः

ओं नमो भगवते रुद्राय ॥

ओं नमस्ते रुद्र मन्यव उतो त इषवे नमः ।

नमस्ते अस्तु धन्वने बाहुभ्यामुत ते नमः । 1.1

या त इषुः शिवतमा शिवं बभूव ते धनुः ।

शिवा शरव्या या तव तया नो रुद्र मृडय । 1.2

या ते रुद्र शिवा तनूरघोरा ऽपापकाशिनी ।

तया नस्तनुवा शन्तमया गिरिशन्ताभिचाकशीहि । 1.3

यामिषुं गिरिशन्त हस्ते बिभर्ष्यस्तवे ।

शिवाङ्गिरित्र ताङ्कुरु मा हिंसीः पुरुषं जगत् । 1.4

शिवेन वचसा त्वा गिरिशाच्छा वदामसि ।

यथा नस्सर्वमिज्जगद यक्ष्मं सुमना असत् । 1.5

अद्ध्यवोचदधिवक्ता प्रथमो दैव्यो भिषक् ।

अहीँश्च सर्वान् जंभयन् त्सर्वाँश्च यातुधान्यः । 1.6

अ॒सौ यस्ता॒म्रो अ॒रुण॑ उ॒त ब॒भ्रुस्सु॑म॒ङ्गलः॑ ।
ये चे॒माꣳ रु॒द्रा अ॒भितो॑ दि॒क्षु श्रि॒ताः स॒हस्र॑शो ऽवै॒षाꣳ हे॒ड ई॒महे । 1.7

अ॒सौ यो ऽव॑स॒र्पति॑ नी॒लग्री॑वो वि॒लो॒हितः॑ ।
उ॒तैनं॑ गो॒पा अ॒दृश॑न्-न॒दृश॑न्-नु॒दहा॑र्यः ।
उ॒तैनं॑-वि॒श्वा भू॒तानि॑ स दृ॒ष्टो मृ॒डया॑ति नः । 1.8

नमो॑ अस्तु नी॒लग्री॑वाय स॒हस्रा॑क्षाय मी॒ढुषे॑ ।
अथो॑ ये अ॒स्य स॒त्वानो॑ऽहं ते॒भ्यो ऽक॑रन्नमः । 1.9

प्रमु॑ञ्च धन्व॑न॒स्त्वमु॒भयो-र॑र्त्नियोज्या॑ ।
याश्च॑ ते ह॒स्त इ॒षवः॑ प॒रा ता भ॑गवो वप । 1.10

अ॒वत॑त्य ध॒नुस्त्वꣳ स॒हस्रा॑क्ष श॒तेषु॑धे ।
नि॒शीर्य॑ श॒ल्यानां॑ मु॒खा शि॒वो नः॑ सु॒मना॑ भव । 1.11

वि॒ज्यं ध॒नुः क॑प॒र्दिनो॑ वि॒शल्यो॑ बा॒णवाꣳ उ॒त ।
अ॒ने॒शन्न॑स्ये॒षव आ॒भुर॑स्य नि॒षङ्ग॑थिः । 1.12

या ते हे॒तिर् मी॑ढु॒ष्टम॑ ह॒स्ते ब॒भूव॑ ते ध॒नुः ।
तया॑ऽस्मान् वि॒श्वत॑ स्त्व॒मय॑क्ष्म॒या परि॑भुज । 1.13

नमस्ते अस्त्वायु॑धाया-ना॑तताय धृ॒ष्णवे॑ ॥

उ॒भाभ्या॑मु॒त ते॒ नमो॑ बा॒हुभ्यां॑ तव॒ धन्व॑ने ।

1.14

परि॑ ते धन्व॑नो हे॒तिर॒स्मान् वृ॑णक्तु वि॒श्वतः॑ ।

अथो॒ य इ॒षुधि॑स्तवा॒रे अ॒स्मन्नि॑धेहि॒ तं ॥ 1

1.15

नमस्ते अस्तु॑ भगवन् विश्वेश्वराय॑ महादेवाय॑ त्र्यम्ब॒काय॑ त्रिपुरा॒न्तकाय॑
त्रिका॒ग्नि॒काला॑य॒ काला॑ग्नि॒रुद्रा॑य॒ नील॑क॒ण्ठाय॑ मृत्यु॒ञ्जया॑य
सर्वेश्व॒राय॑ सदा॒शिवा॑य (शङ्करा॑य) श्रीमन् महादे॒वाय॑ नमः॑ ॥

द्वितीयोऽनुवाकः

नमो॑ हि॒रण्य॑बा॒हवे॑ से॒नान्ये॑ दि॒शांच॑ प॒तये॑ नमो॑

2.1

नमो॑ वृ॒क्षेभ्यो॑ हरि॒केशे॑भ्यः प॒शूनां॑ प॒तये॑ नमो॑

2.2

नमस्स॒स्पिञ्ज॑राय॒ त्विषी॑मते प॒थीनां॑ प॒तये॑ नमो॑

2.3

नमो॑ ब॒भ्रु॒शाय॑ वि॒व्याधि॑नेऽ॒न्नानां॑ प॒तये॑ नमो॑

2.4

नमो॑ हरि॒केशा॑-योप॒वीति॑ने पु॒ष्टानां॑ प॒तये॑ नमो॑

2.5

नमो॑ भव॒स्य हे॒त्यै ज॑गतां प॒तये॑ नमो॑

2.6

नमो॑ रु॒द्राया॑त॒तावि॑ने क्षे॒त्राणां॑ प॒तये॑ नमो॑

2.7

नमः॑ सू॒ताया॑ह॒न्त्याय॑ व॒नानां॑ प॒तये॑ नमो॑

2.8

नमो॑ रोहि॒ताय॑ स्थ॒पतये॑ वृ॒क्षाणां॑ पतये॑ नमो॑	2.9
नमो॑ मन्त्रि॒णे वाणि॒जाय॑ क॒क्षाणां॑ पतये॑ नमो॑	2.10
नमो॑ भुव॒न्तये॑ वारि॒वस्कृ॒ता-यौष॑धीनां पतये॑ नमो॑	2.11
नम॑ उच्चै॒र्घोषा॑या-क्र॒न्दय॑ते पत्तीनां पतये॑ नमो॑	2.12
नमः॑ कृ॒त्स्नवी॒ताय॑ धाव॒ते सत्त्व॑नां पतये॑ नमः॑ ॥ 2	2.13

तृतीयोऽनुवाकः

नम॑ स्सह॒मानाय॑ नि॒व्याधि॑न आ॒व्याधि॑नीनां पतये॑ नमो॑	3.1
नमः॑ ककु॒भाय॑ निष॒ङ्गि॒णे स्तेना॑नां पतये॑ नमो॑	3.2
नमो॑ निष॒ङ्गि॒ण इषु॑धि॒मते॑ तस्कराणां पतये॑ नमो॑	3.3
नमो॑ वञ्च॒ते परि॑वञ्च॒ते स्तायू॑नां पतये॑ नमो॑	3.4
नमो॑ निचे॒रवे॑ परि॒चरा॑यार॒ण्यानां॑ पतये॑ नमो॑	3.5
नमः॑ सृ॒कावि॒भ्यो जिघा॑ꣳसद्भ्यो मु॒ष्णतां॑ पतये॑ नमो॑	3.6
नमो॑ ऽसि॒मद्भ्यो॑ नक्तं चरद्भ्यः प्रकृ॒न्तानां॑ पतये॑ नमो॑	3.7
नम॑ उष्णी॒षि॒णे गि॒रिच॑राय कुलुञ्चानां पतये॑ नमो॑	3.8
नम॑ इषु॒मद्भ्यो॑ धन्वावि॒भ्यश्च॑ वो नमो॑	3.9
नम॑ आत॒न्वाने॑भ्यः प्रति॒दधाने॑भ्यश्च वो नमो॑	3.10
नम॑ आ॒यच्छ॑द्भ्यो वि॒सृज॑द्भ्यश्च वो नमो॑	3.11

नमोऽस्य॑द्भ्यो॒ विद्ध्य॑द्भ्यश्च॒ वो नमो॒	3.12
नम॑ आसी॑नेभ्यः॒ शयाने॑भ्यश्च॒ वो नमो॒	3.13
नम॑स्स्वप॑द्भ्यो॒ जाग्र॑द्भ्यश्च॒ वो नमो॒	3.14
नम॑स्तिष्ठ॑द्भ्यो॒ धाव॑द्भ्यश्च॒ वो नमो॒	3.15
नम॑स्सभा॑भ्य॒ स्सभा॑पतिभ्यश्च॒ वो नमो॒	3.16
नमो॒ अश्वे॑भ्यो॒ ऽश्व॑पतिभ्यश्च॒ वो नमः॑ ॥ 3 ॥	3.17

चतुर्थोऽनुवाकः

नम॑ आव्या॑धिनी॒भ्यो वि॒विद्ध्य॑न्तीभ्यश्च॒ वो नमो॒	4.1
नम॑ उग॑णाभ्य॒ स्तृ॒हती॑भ्यश्च॒ वो नमो॒	4.2
नमो॒ गृथ्से॑भ्यो॒ गृथ्स॑पतिभ्यश्च॒ वो नमो॒	4.3
नमो॒ व्राते॑भ्यो॒ व्रात॑पतिभ्यश्च॒ वो नमो॒	4.4
नमो॒ गणे॑भ्यो॒ गण॑पतिभ्यश्च॒ वो नमो॒	4.5
नमो॒ विरू॑पेभ्यो॒ विश्व॑रूपेभ्यश्च॒ वो नमो॒	4.6
नमो॒ मह॑द्भ्यः॒ क्षुल्ल॑केभ्यश्च॒ वो नमो॒	4.7
नमो॒ रथि॑भ्यो॒ ऽरथे॑भ्यश्च॒ वो नमो॒	4.8
नमो॒ रथे॑भ्यो॒ रथ॑पतिभ्यश्च॒ वो नमो॒	4.9
नमः॑ सेना॑भ्य॒ स्सेना॑निभ्यश्च॒ वो नमो॒	4.10

नमः॑ क्षत्तृ॑भ्य॑ स्सङ्ग्रही॑तृभ्यश्च॑ वो॒ नमो॑	4.11
नमस्त॑क्षभ्यो॑ रथ॒कारे॑भ्यश्च॑ वो॒ नमो॑	4.12
नमः॑ कु॒लाले॑भ्यः॑ क॒मरि॑भ्यश्च॑ वो॒ नमो॑	4.13
नमः॑ पु॒ञ्जिष्टे॑भ्यो॑ निषा॒देभ्य॑श्च॑ वो॒ नमो॑	4.14
नम॑ इ॒षुकृ॑द्भ्यो॑ ध॒न्वकृ॑द्भ्यश्च॑ वो॒ नमो॑	4.15
नमो॑ मृ॒गयु॑भ्य॑ इ॒श्वनि॑भ्यश्च॑ वो॒ नमो॑	4.16
नमः॑ श्व॒भ्य इ॒श्वप॑तिभ्यश्च॑ वो॒ नमः॑ ॥ 4	4.17

पञ्चमोऽनुवाकः

नमो॑ भ॒वाय॑ च॒ रु॒द्राय॑ च॒ नम॑श्श॒र्वाय॑ च॒ पशु॑प॒तये॑ च॒	
नमो॑ नी॒लग्री॑वाय॑ च॒ शि॒तिक॑ण्ठाय॑ च॒ नमः॑ क॒पर्दि॑ने॒ च व्यु॑प्त॒केशा॑य॒ च	
नम॑ स्स॒हस्रा॑क्षाय॑ च॒ श॒तध॑न्व॒ने च॒ नमो॑ गि॒रिशा॑य॒ च शि॑पि॒विष्टा॑य॒ च	
नमो॑ मी॒ढुष्ट॑माय॑ चे॒षुम॑ते॒ च नमो॑ ह्र॒स्वाय॑ च॒ वा॒मना॑य॒ च	
नमो॑ बृ॒हते॑ च॒ वर्॒षिय॑से॒ च नमो॑ वृ॒द्धाय॑ च॒ स॒म्वृ॑द्ध॒ध्वने॑ च॒	
नमो॑ अ॒ग्रिया॑य॒ च प्र॑थ॒माय॑ च॒ नम॑ आ॒शवे॑ चा॒जिरा॑य॒ च	
नमः॑ शी॒घ्रिया॑य॒ च शी॑भ्याय॒ च नम॑ ऊ॒र्म्या॑य॒ चाव॑स्व॒न्याय॑ च॒	
नमः॑ स्रो॒तस्या॑य॒ च द्वी॑प्याय॒ च ॥ 5	

षष्ठोऽनुवाकः

नमो॑ ज्ये॒ष्ठाय॑ च॒ कनि॒ष्ठाय॑ च॒ नमः॑ पूर्॒वजा॑य॒ चाप॑रजाय॒ च
नमो॑ म॒द्ध्य॒माय॑ चा॒पग॑ल्भाय॒ च नमो॑ जघ॒न्याय॑ च॒ बु॒द्धि॒न्याय॑ च॒
नम॑स्सो॒भ्याय॑ च॒ प्र॒ति॒स॒र्या॑य॒ च नमो॑ या॒म्याय॑ च॒ क्षे॒म्याय॑ च॒
नम॑ उ॒र्व॒र्या॑य॒ च ख॒ल्याय॑ च॒ नमः॑ श्लो॒क्याय॑ चा॒वसा॑न्याय॒ च
नमो॑ व॒न्याय॑ च॒ कक्ष्या॑य॒ च नमः॑ श्र॒वाय॑ च॒ प्र॒ति॒श्र॒वाय॑ च॒
नम॑ आ॒शु॒षे॒णाय॑ चा॒शु॒रथा॑य॒ च नमः॑ शू॒राय॑ चा॒वभि॑न्दते॒ च
नमो॑ वर्मि॒णे च॒ वरू॒थि॒ने च॒ नमो॑ बि॒ल्मि॒ने च॒ क॒व॒चि॒ने च॒
नमः॑ श्रु॒ताय॑ च॒ श्रु॒तसे॑नाय॒ च ॥ 6

सप्तमोऽनुवाकः

नमो॑ दु॒न्दु॒भ्याय॑ चा॒ह॒न॒न्याय॑ च॒ नमो॑ धृ॒ष्णवे॑ च॒ प्र॒मृ॒शाय॑ च॒
नमो॑ दू॒ताय॑ च॒ प्र॒हि॒ताय॑ च॒ नमो॑ नि॒षङ्गि॑णे॒ चेषु॑धि॒मते॑ च॒
नम॑ स्ती॒क्ष्णेष॑वे॒ चायु॑धि॒ने च॒ नमः॑ स्वा॒यु॒धाय॑ च॒ सु॒ध॒न्व॒ने च॒
नम॑स्सु॒त्याय॑ च॒ प॒थ्याय॑ च॒ नमः॑ का॒त्याय॑ च॒ नी॒प्याय॑ च॒
नमः॑ सू॒द्याय॑ च॒ सर॑स्याय॒ च नमो॑ ना॒द्याय॑ च॒ वै॒श॒न्ताय॑ च॒
नमः॑ कू॒प्याय॑ चा॒व॒त्याय॑ च॒ नमो॑ वर्ष्या॑य॒ चा॒व॒र्ष्याय॑ च॒

नमो॑ मे॒घ्याय॑ च वि॒द्युत्या॑ च नम॑ ई॒द्ध्रिया॑ च॒ तप्या॑ च
नमो॑ वा॒त्याय॑ च रे॒ष्मिया॑ च नमो॑ वा॒स्तव्या॑ च वा॒स्तुपा॑य च ॥ 7

अष्टमोऽनुवाकः

नमः॑ सो॒माय॑ च रु॒द्राय॑ च नमस्ता॒म्राय॑ चा॒रुणाय॑ च
नमश्श॒ङ्गाय॑ च प॒शुप॑तये च नम॑ उ॒ग्राय॑ च भी॒माय॑ च
नमो॑ अ॒ग्रेव॑धाय च दू॒रेव॑धाय च नमो॑ ह॒न्त्रे च ह॒नीय॑से च
नमो॑ वृ॒क्षेभ्यो॑ ह॒रिके॑शेभ्यो
नमस्ता॒राय॑
नमश्शं॒भवे॑ च म॒योभ॑वे च
नमश्श॒ङ्करा॑य च म॒यस्क॑राय च नमश्शि॒वाय॑ च शि॒वत॑राय च
नमस्ती॒र्थ्याय॑ च कू॒ल्याय॑ च नमः॑ पा॒र्याय॑ चा॒वार्या॑य च
नमः॑ प्र॒तर॑णाय चो॒त्तर॑णाय च नम॑ आ॒तार्या॑य चा॒लाद्या॑य च
नमश्श॒ष्याय॑ च फे॒न्याय॑ च नमः॑ सि॒क्त्या॑य च प्र॒वाह्या॑य च ॥ 8

नवमोऽनुवाकः

नम॑ इ॒रिण्या॑य च प्र॒पथ्या॑य च नमः॑ कि॒ञ्शिला॑य च क्ष॒यणा॑य च
नमः॑ क॒पर्दि॑ने च पु॒लस्त॑ये च नमो॑ गो॒ष्ठ्या॑य च गृ॒ह्याय॑ च
नम॑ स्त॒ल्प्या॑य च गे॒ह्याय॑ च नमः॑ का॒ट्याय॑ च ग॒ह्वरे॑ष्ठाय च

नमो॑ हृद॒य्याय॑ च नि॒वे॒ष्याय॑ च नमः॑ पा॒ञ्च॒स॒व्याय॑ च रज॒स्याय॑ च
 नमः॑ शु॒ष्क्याय॑ च हरि॒त्याय॑ च नमो॑ लो॒प्याय॑ चो॒ल॒प्याय॑ च
 नम॑ ऊ॒र्व्याय॑ च सू॒र्म्याय॑ च नमः॑ प॒र्ण्याय॑ च प॒र्ण॒श॒द्याय॑ च
 नमो॑ ऽप॒गु॒र॒मा॒णाय॑ चाभि॒घ्न॒ते च नम॑ आ॒क्खि॒द॒ते च प्र॒क्खि॒द॒ते च
 नमो॑ वः कि॒रि॒केभ्यो॑ दे॒वाना॑ञ् हृद॒येभ्यो॑ नमो॑ वि॒क्षी॒ण॒केभ्यो॑
 नमो॑ वि॒चि॒न्व॒त्केभ्यो॑ नम॑ आ॒नि॒र्ह॒तेभ्यो॑ नम॑ आ॒मी॒व॒त्केभ्यः॑ ॥ 9

दशमोऽनुवाकः

द्रा॒पे अ॒न्ध॒स॒स्प॒ते द॒रि॒द्र॒न्नी॒ल॒लो॒हित॑ ।
 ए॒षां पु॒रु॒षा॒णामे॒षां प॒शूनां॑ मा भेर् मा॒ऽरो मो॑ ए॒षां किञ्च॒नाम॑मत् । 10.1

या ते॑ रु॒द्र शि॒वा त॒नू॒श्शि॒वा वि॒श्वा॒ह॒भे॒षजी॑ ।
 शि॒वा रु॒द्रस्य॑ भे॒षजी॑ तया॑ नो मृ॒ड जी॒व॒सै । 10.2

इ॒माञ् रु॒द्राय॑ तव॒से क॒प॒र्दि॒नै क्ष॒य॒द्वी॒राय॑ प्र॒भ॒रा॒म॒हे म॒तिं ।
 यथा॑ नः॒ श॒म॒स॒द् द्वि॒प॒दे च॒तु॒ष्प॒दे वि॒श्वं पु॒ष्टं ग्रा॒मे अ॒स्मि॒न्न॒ना॒तुरं॑ । 10.3

मृ॒डा नो॑ रु॒द्रो त॒नो म॒य॒स्कृ॒धि क्ष॒य॒द्वी॒राय॑ नम॒सा वि॒धेम॑ ते ।
 यच्छ॒ञ्च योश्च॑ म॒नुरा॒य॒जे पि॒ता तद॑श्याम॒ तव॑ रु॒द्र प्र॒णी॒तौ । 10.4

मा नो॑ म॒हान्त॑मु॒त मा नो॑ अ॒र्भकं॑ मा न॒ उक्ष॑न्तमु॒त मा न॑ उ॒क्षितं॑ ।
मा नो॑ व॒धीः पि॒तरं॑ मो॒त मा॒तरं॑ प्रि॒या मा न॑स्त॒नुवो॑ रु॒द्र री॑रिषः । 10.5

मा न॑स्तो॒के तन॑ये मा न॒ आयु॑षि मा नो॑ गो॒षु मा नो॑ अ॒श्वेषु॑ रीरिषः ।
वी॒रान्मा॑नो रु॒द्र भा॑मि॒तो व॒धीर् ह॒विष्म॑न्तो नम॒सा वि॑धेम ते । 10.6

आ॒रा॒त्ते गो॒घ्न उ॒त पू॑रुष॒घ्ने क्ष॑य॒द्वीरा॑य सु॒म्न-म॒स्मे ते॑ अस्तु ।
र॒क्षा च नो॑ अ॒धि च॑ दे॒व ब्रू॑ह॒धा च नः॑ श॒र्म य॑च्छ द्वि॒र्बर्हाः॑ । 10.7

स्तु॒हि श्रु॑तं ग॒र्त्तस॑दं यु॒वानं॑ मृ॒गन्न॑ भी॒म-मु॑प॒ह॒तु-मु॑ग्रं ।
मृ॒डा ज॑रि॒त्रे रु॒द्र स्त॑वा॒नो अ॒न्यन्ते॑ अ॒स्मन्नि॑वपन्तु से॒नाः । 10.8

प॒रि॒णो रु॒द्रस्य॑ हे॒तिर् वृ॑णक्तु॒ परि॑ त्वे॒षस्य॑ दु॒र्मति॑र॒घायोः॑ ।
अ॒व स्ति॒रा म॒घव॑द्भ्य-स्त॒नुष्व मी॑द्वस्तो॒काय॑ तन॒याय॑ मृ॒डय॑ । 10.9

मी॒ढुष्ट॑म शि॒वत॑म शि॒वो न॑ स्सु॒मना॑ भव ।
प॒रमे॑ वृ॒क्ष आ॑यु॒धन्नि॑धाय कृ॒त्तिं व॑सा॒न आ च॑र पि॒नाकं॑ बि॒भ्रदा॑गहि । 10.10

वि॒कि॒रि॒द वि॒लो॒हित॑ नम॒स्ते अस्तु॑ भगवः ।
या॒स्ते स॒हस्र॑ हे॒तयो॑ऽन्य-म॒स्मन्नि॑वपन्तु ताः । 10.11

स॒हस्रा॑णि स॒हस्र॑धा बा॒हु॒वो॒स्तव॑ हे॒तयः॑ ।

ता॒सामि॑शा॒नो भ॒गवः॑ प॒रा॒ची॒ना मु॒खा कृ॒धि ॥ 10 ॥

10.12

एकादशोऽनुवाकः

स॒हस्रा॑णि स॒हस्र॑शो ये रु॒द्रा अधि॑ भू॒म्यां॑ ।

तेषां॑ स॒हस्र॑योजने ऽव॒धन्वा॑नि तन्म॒सि ।

11.1

अ॒स्मिन्-म॒ह॒त्य॒र्ण॒वे-ऽन्त॑रि॒क्षे भ॒वा अधि॑ ।

11.2

नी॒ल॒ग्री॒वाः शि॒ति॒कण्ठाः॑ श॒र्वा अधः॑ क्ष॒माच॑राः ।

11.3

नी॒ल॒ग्री॒वा-शि॒ति॒कण्ठा॑ दि॒व॒ रु॒द्रा उप॑श्रिताः ।

11.4

ये वृ॒क्षे॒षु स॒स्पि॒ञ्ज॒रा नी॒ल॒ग्री॒वा वि॒लो॒हि॒ताः ।

11.5

ये भू॒ता॒ना-म॒धि॒प॒त॒यो वि॒शि॒खा॒सः क॒प॒र्दि॒नः ।

11.6

ये अ॒न्ने॒षु वि॒वि॒द्ध्य॑न्ति पा॒त्रे॒षु पि॒ब॒तो ज॒नान्॑ ।

11.7

ये प॒थां प॒थि॒रक्ष॑य ऐ॒ल॒बृ॒दा य॒व्यु॒धः ।

11.8

ये ती॒र्थानि॑ प्र॒च॒रन्ति॑ सृ॒का॒व॒न्तो नि॒षङ्गि॑णः ।

11.9

य ए॒ता॒व॒न्तश्च॑ भू॒या॒सश्च॑ दि॒शो रु॒द्रा वि॒त॒स्थि॒रे ।

तेषां॑ स॒हस्र॑योजने ऽव॒धन्वा॑नि तन्म॒सि ।

11.10

नमो॑ रु॒द्रेभ्यो॑ ये पृ॒थि॒व्यां यै॑ऽन्तरि॒क्षे ये दि॒वि येषा॑मन्नं
वा॒तो व॒रु॒षमिष॑वस्तेभ्यो॑ द॒श प्रा॒चीर् द॒शदक्षि॑णा द॒शप्र॒तीची॑र्
द॒शोदी॑चीर् द॒शोर्द्ध्वा-स्तेभ्यो॑ नमस्ते नो मृ॒डय॑न्तु ते यं द्वि॒ष्मो
यश्च॑ नो द्वेष्टि॒ तं वो॑ ज॒म्भे द॑धामि ॥ 11 11.11

त्र्यंबकादि महामन्त्राः

त्र्यं॑बकं य॒जामहे॑ सु॒गन्धिं पु॒ष्टि॒वर्द्ध॑नं ।
उ॒र्वारु॒कमि॑व ब॒न्धनान् मृ॒त्योर् मु॒क्षीय॑ माऽमृ॒तात् ॥ 1 (TS 1.8.6.2)

यो रु॒द्रो अ॒ग्नौ यो अ॒प्सु य ओष॑धीषु॒ यो रु॒द्रो वि॒श्वा
भु॒वना ऽऽवि॑वेश॒ तस्मै॑ रु॒द्राय॑ नमो॑ अस्तु ॥ 2 (TS 5.5.9.3)

तमु॒ष्टुहि॑ यः स्वि॒षुः सु॒धन्वा॑ यो वि॒श्वस्य॑ क्षय॑ति भेष॒जस्य॑ ।
यक्ष्वा॑महे सौम॒नसा॑य रु॒द्रं नमो॑भिर् दे॒वम॑सुरं दु॒वस्य॑ ॥ 3 (RV.5.42.11)

अयं॑ मे ह॒स्तो भ॑गवानयं॑ मे भ॒गव॑त्तरः ।
अयं॑ मे वि॒श्वभै॑षजो॒यञ् शि॒वाभि॑मर्॒शनः॑ ॥ 4 (RV 10.60.12)

ये ते॑ स॒हस्र॑म॒युतं॑ पा॒शा मृ॒त्यो म॒र्त्याय॑ ह॒न्त॒वे ।
तान् य॒ज्ञस्य॑ मा॒यया॑ सर्वा॒नव॑ यजामहे ॥ 5 (TB 3.10.8.2)

मृ॒त्यवे॑ स्वाहा॑ मृ॒त्यवे॑ स्वाहा॑ ॥ 6 (T.A.6.58.1)

ओं नमो॑ भगवते रु॒द्राय॑ वि॒ष्णवे॑ मृ॒त्युर्मे॑ पा॒हि ॥
प्रा॒णानां॑ ग्रन्थि॒रसि॑ रु॒द्रो मा॑ वि॒शान्त॑कः ।
तेना॒न्नेना॑प्यायस्व ॥ 7 (T.A.6.75.1)

नमो॑ रु॒द्राय॑ वि॒ष्णवे॑ मृ॒त्युर्मे॑ पा॒हि ॥ (T.A.6.74.1)
ओं शान्तिः॑ शान्तिः॑ शान्तिः॑ ॥

22 चमकं

(TS 4.7.1.1 - 4.7.11.2)

प्रथमोऽनुवाकः

ओं अ॒ग्ना॒विष्णू॑ स॒जोष॑से॒मा व॑र्द्धन्तु वा॒ङ्गिरः॑ ।

द्यु॒नैर् वा॒जेभि॑रागतं ॥

वा॒जश्च॑ मे, प्र॒सव॑श्च मे, प्र॒यति॑श्च मे, प्र॒सि॒तिश्च॑ मे,
धी॒तिश्च॑ मे, क्र॒तुश्च॑ मे, स्वर॑श्च मे, श्लो॒कश्च॑ मे,

श्रा॒वश्च॑ मे, श्रु॒तिश्च॑ मे, ज्यो॒तिश्च॑ मे, सु॒वश्च॑ मे,
प्रा॒णश्च॑ मे, ऽपान॑श्च मे, व्या॒नश्च॑ मे, ऽसु॑श्च मे,

चि॒तं च॑ म, आ॒धी॒तं च॑ मे, वा॒क्च॑ मे, म॒नश्च॑ मे,
चक्षु॑श्च मे, श्रो॒त्रं च॑ मे, दक्ष॑श्च मे, ब॒लं च॑ म,

ओ॒जश्च॑ मे, स॒हश्च॑ म, आ॒युश्च॑ मे, ज॒रा च॑ म,
आ॒त्मा च॑ मे, त॒नूश्च॑ मे, श॒र्म च॑ मे, वर्म॑ च मे,

ऽङ्गा॒नि च॑ मे, ऽस्थानि॑ च मे, प॒रू॒षि च॑ मे, शरी॑राणि च मे ॥ 1 (36)

द्वितीयोऽनुवाकः

जै॒ष्ठ्यम् च॒ म॒, आ॒धि॒प॒त्यं च॒ मे॒, म॒न्युश्च॑ मे॒, भा॒मश्च॑ मे॒,
ऽम॒श्च मे॒, ऽम्भ॑श्च मे॒, जे॒मा च॑ मे॒, म॒हि॒मा च॑ मे॒,
व॒रि॒मा च॑ मे॒, प्र॒थि॒मा च॑ मे॒, व॒र्ष्मा च॑ मे॒, द्रा॒घु॒या च॑ मे॒,
वृ॒द्धं च॑ मे॒, वृ॒द्धिश्च॑ मे॒, स॒त्यं च॑ मे॒, श्र॒द्धा च॑ मे॒,
जग॑च्च मे॒, ध॒नं च॑ मे॒, व॒शश्च॑ मे॒, त्वि॒षिश्च॑ मे॒,
क्री॒डा च॑ मे॒, मो॒दश्च॑ मे॒, जा॒तं च॑ मे॒, ज॒नि॒ष्य॒माणं च॑ मे॒,
सू॒क्तं च॑ मे॒, सु॒कृ॒तं च॑ मे॒, वि॒त्तं च॑ मे॒, वे॒द्यं च॑ मे॒,
भू॒तं च॑ मे॒, भ॒वि॒ष्य॒च्च मे॒, सु॒गं च॑ मे॒, सु॒प॒थं च॑ म॒,
ऋ॒द्धं च॑ म॒, ऋ॒द्धिश्च॑ मे॒, क्लृ॒प्तं च॑ मे॒, क्लृ॒प्तिश्च॑ मे॒,
म॒तिश्च॑ मे॒, सु॒म॒तिश्च॑ मे॒ ॥ 2 (38)

तृतीयोऽनुवाकः

शं च॑ मे॒, म॒यश्च॑ मे॒, प्रि॒यं च॑ मे॒, ऽनु॒का॒मश्च॑ मे॒,
का॒मश्च॑ मे॒, सौ॒म॒न॒सश्च॑ मे॒, भ॒द्रं च॑ मे॒, श्रे॒यश्च॑ मे॒,

व॒स्य॑श्च मे॒, य॑शश्च मे॒, भ॑गश्च मे॒, द्र॑विणं च मे॒,
 य॒न्ता च॑ मे॒, ध॒र्ता च॑ मे॒, क्षे॑मश्च मे॒, धृ॑तिश्च मे॒,
 वि॒श्वं च॑ मे॒, म॑हश्च मे॒, सँ॒वि॒च्च मे॒, ज्ञा॑त्रं च मे॒,
 सू॒श्च मे॒, प्र॒सू॒श्च मे॒, सी॒रं च॑ मे॒, ल॒यश्च॑ म॒,
 ऋ॒तं च॑ मे॒, ऽमृ॑तं च॒, मे॒ऽय॒क्ष्मं च॑ मे॒, ऽना॑मयच्च मे॒,
 जी॒वातु॑श्च मे॒, दी॒र्घायु॑त्वं च॑ मे॒, ऽन॒मि॒त्रं च॑ मे॒, ऽभ॑यं च मे॒,
 सु॒गं च॑ मे॒, श॑यनं च मे॒, सू॒षा च॑ मे॒, सु॒दिनं॑ च मे॒ ॥ 3 (36)

चतुर्थोऽनुवाकः

ऊ॒र्क्च॑ मे॒, सू॒नृता॑ च मे॒, प॒यश्च॑ मे॒, र॒सश्च॑ मे॒,
 घृ॒तं च॑ मे॒, म॒धु च॑ मे॒, स॒ग्धिश्च॑ मे॒, स॒पी॒तिश्च॑ मे॒,
 कृ॒षिश्च॑ मे॒, वृ॒ष्टिश्च॑ मे॒, जै॒त्रं च॑ म॒, औ॒द्भि॒द्यं च॑ मे॒,
 र॒यिश्च॑ मे॒, रा॒यश्च॑ मे॒, पु॒ष्टं च॑ मे॒, पु॒ष्टिश्च॑ मे॒,
 वि॒भु च॑ मे॒, प्र॒भु च॑ मे॒, ब॒हु च॑ मे॒, भू॒यश्च॑ मे॒,
 पूर्णं॑ च मे॒, पूर्ण॑तरं च मे॒, ऽक्षि॑तिश्च मे॒, कू॒यवा॑श्च मे॒,

ॐ॑ च॒ मे, ॐ॑क्षु॒च्च॒ मे, ब्री॑हयश्च॒ मे, य॒वाश्च॒ मे,
मा॒षाश्च॒ मे, ति॒लाश्च॒ मे, मु॒द्गाश्च॒ मे, ख॒ल्वाश्च॒ मे,
गो॒धूमाश्च॒ मे, म॒सुराश्च॒ मे, प्रि॒यङ्ग॒वश्च॒ मे ॐ॑ण॒वश्च॒ मे,
श्या॒माकाश्च॒ मे, नी॒वाराश्च॒ मे ॥ 4 (38)

पञ्चमोऽनुवाकः

अ॒श्मा च॒ मे, मृ॒त्तिका च॒ मे, गि॒रयश्च॒ मे, प॒र्वताश्च॒ मे,
सि॒क्ताश्च॒ मे, व॒नस्प॑तयश्च॒ मे, हि॒रण्यं च॒ मे, ॐ॑यश्च॒ मे,
सी॒सं च॒ मे, त्र॒पुश्च॒ मे, श्या॒मं च॒ मे, लो॒हं च॒ मे,
ॐ॑ग्निश्च॒ म, आ॒पश्च॒ मे, वी॒रुध॑श्च॒ म, ओ॒षध॑यश्च॒ मे,
कृ॒ष्टप॑च्यं च॒ मे, ॐ॑कृ॒ष्टप॑च्यं च॒ मे,
ग्रा॒म्याश्च॒ मे, प॒शव॑ आ॒रण्याश्च॒ य॒ज्ञेन॑ कल्पन्तां ,
वि॒त्तं च॒ मे, वि॒त्तिश्च॒ मे, भू॒तं च॒ मे, भू॒तिश्च॒ मे,
व॒सु च॒ मे, व॒स॒तिश्च॒ मे, क॒र्म च॒ मे, श॒क्तिश्च॒ मे,
ॐ॑र्थश्च॒ म, ए॒मश्च॒ म, इ॒तिश्च॒ मे, ग॒तिश्च॒ मे ॥ 5 (32)

षष्ठोऽनुवाकः

अ॒ग्निश्च॑ म॒ इन्द्र॑श्च मे,
स॒वि॒ता च॑ म॒ इन्द्र॑श्च मे,

पू॒षा च॑ म॒ इन्द्र॑श्च मे,
मि॒त्रश्च॑ म॒ इन्द्र॑श्च मे,

त्व॒ष्टा च॑ म॒ इन्द्र॑श्च मे,
वि॒ष्णुश्च॑ म॒ इन्द्र॑श्च मे ,

म॒रु॒तश्च॑ म॒ इन्द्र॑श्च मे,
पृ॒थि॒वी च॑ म॒ इन्द्र॑श्च मे,

द्यौश्च॑ म॒ इन्द्र॑श्च मे,
मूर्ध्ना॑ च॑ म॒ इन्द्र॑श्च मे,

सप्तमोऽनुवाकः

अ॒ञ्शुश्च॑ मे, र॒श्मिश्च॑ मे,
उपा॒ञ्शुश्च॑ मे, ऽन्त॒र्या॒मश्च॑ म,

सोम॑श्च म॒ इन्द्र॑श्च मे,
स॒र॒स्व॒ती च॑ म॒ इन्द्र॑श्च मे,

बृ॒ह॒स्प॒तिश्च॑ म॒ इन्द्र॑श्च मे,
व॒रु॒णश्च॑ म॒ इन्द्र॑श्च मे,

धा॒ता च॑ म॒ इन्द्र॑श्च मे,
ऽश्वि॑नौ च॑ म॒ इन्द्र॑श्च मे,

वि॒श्वे च॑ मे दे॒वा इन्द्र॑श्च मे,
ऽन्त॒रि॒क्षं च॑ म॒ इन्द्र॑श्च मे,

दि॒शश्च॑ म॒ इन्द्र॑श्च मे,
प्र॒जा॒प॒तिश्च॑ म॒ इन्द्र॑श्च मे ॥ 6 (21)

॥ ऽदा॑भ्यश्च मे, ऽधि॑पतिश्च म,
ऐ॒न्द्र॒वा॒य॒वश्च॑ मे, मै॒त्रा॒व॒रु॒णश्च॑ म,

आ॒श्विनश्च॑ मे, प्र॒तिप्र॒स्थानश्च॑ मे, शु॒क्रश्च॑ मे, म॒न्थी च॑ म,
 आ॒ग्रय॒णश्च॑ मे, वै॒श्वदे॒वश्च॑ मे, ध्रु॒वश्च॑ मे, वै॒श्वान॒रश्च॑ म,
 ऋ॒तुग्र॒हाश्च॑ मे, ऽति॒ग्राह्या॑श्च म, ऐ॒न्द्रा॒ग्नश्च॑ मे, वै॒श्वदे॒वश्च॑ मे,
 मरु॒त्वतीया॑श्च मे, मा॒हेन्द्र॑श्च म, आ॒दि॒त्यश्च॑ मे, सा॒वि॒त्रश्च॑ मे,
 सा॒रस्व॒तश्च॑ मे, पौ॒ष्णश्च॑ मे, पा॒त्नीव॒तश्च॑ मे, हा॒रि॒यो॒ज॒नश्च॑ मे ॥ 7 (28)

अष्टमोऽनुवाकः

इ॒ध्मश्च॑ मे, ब॒र्हिश्च॑ मे, वे॒दिश्च॑ मे, धि॒ष्णि॒याश्च॑ मे,
 सु॒चश्च॑ मे, च॒म॒साश्च॑ मे, ग्रा॒वा॒णश्च॑ मे, स्वर॑वश्च म,
 उ॒पर॒वाश्च॑ मे, ऽधि॒ष॒व॒णे च॑ मे, द्रो॒ण॒क॒ल॒शश्च॑ मे, वा॒य॒व्या॒नि च॑ मे,
 पू॒त॒भृ॒च्च॑ म, आ॒ध॒व॒नी॒यश्च॑ म, आ॒ग्नी॒ध्रं च॑ मे, ह॒वि॒र्धा॒नं च॑ मे,
 गृ॒हाश्च॑ मे, स॒दश्च॑ मे, पु॒रो॒डा॒शाश्च॑ मे, प॒च॒ताश्च॑ मे,
 ऽव॒भृ॒थश्च॑ मे, स्व॒गा॒का॒रश्च॑ मे ॥ 8 (22)

नवमोऽनुवाकः

अ॒ग्निश्च॑ मे, घ॒र्मश्च॑ मे, ऽर्क॑श्च मे, सू॒र्यश्च॑ मे,
 प्रा॒णश्च॑ मे, ऽश्व॑मे॒धश्च॑ मे, पृ॒थि॒वी च॑ मे, ऽदि॒तिश्च॑ मे,

दितिश्च॑ मे, द्यौश्च॑ मे, शक्वरीरङ्गु॑लयो दिशश्च॑ मे,
यज्ञेन॑ कल्पन्ता-मृक्च॑ मे, साम॑ च मे, स्तोमश्च॑ मे, यजुश्च॑ मे,
दीक्षा॑ च मे, तपश्च॑ म, ऋतुश्च॑ मे, व्रतं॑ च मे
ऽहोरात्रयो॑र् वृष्ट्या, बृहद्रथन्तरे॑ च मे यज्ञेन॑ कल्पेतां ॥ 9 (21)

दशमोऽनुवाकः

गर्भाश्च॑ मे, वथ्साश्च॑ मे, त्र्यविश्च॑ मे, त्र्यवीच॑ मे,
दित्यवाट् च॑ मे, दित्यौही च॑ मे, पञ्चाविश्च॑ मे, पञ्चावी च॑ मे,
त्रिवथ्सश्च॑ मे, त्रिवथ्सा च॑ मे, तुर्यवाट् च॑ मे, तुर्यौही च॑ मे,
पष्ठवाट् च॑ मे, पष्ठौही च॑ म, उक्षा च॑ मे, वशा च॑ म
ऋषभश्च॑ मे, वेहच्च॑ मे, ऽनड्वान् च॑ मे, धेनुश्च॑ म
आयुर्-यज्ञेन॑ कल्पतां, प्राणो यज्ञेन॑ कल्पता-
मपानो यज्ञेन॑ कल्पतां, व्यानो यज्ञेन॑ कल्पतां
चक्षुर् यज्ञेन॑ कल्पता७, श्रोत्रं॑ यज्ञेन॑ कल्पतां
मनो यज्ञेन॑ कल्पतां, वाग्यज्ञेन॑ कल्पता-
मात्मा यज्ञेन॑ कल्पतां, यज्ञो यज्ञेन॑ कल्पतां ॥ 10 (29)

एकादशोऽनुवाकः

एका च मे, तिस्रश्च मे, पञ्च च मे, सप्त च मे,
नव च म, एकादश च मे, त्रयोदश च मे, पञ्चदश च मे,
सप्तदश च मे, नवदश च म, एकविंशतिश्च मे,
त्रयोविंशतिश्च मे, पञ्चविंशतिश्च मे, सप्तविंशतिश्च मे,
नवविंशतिश्च म, एकत्रिंशच्च मे,

त्रयस्त्रिंशच्च मे, चतस्रश्च मे, ऽष्टौ च मे, द्वादश च मे,
षोडश च मे, विंशतिश्च मे, चतुर्विंशतिश्च मे, ऽष्टाविंशतिश्च मे,
द्वात्रिंशच्च मे, षट्त्रिंशच्च मे, चत्वारिंशच्च मे,
चतुश्चत्वारिंशच्च मे, ऽष्टाचत्वारिंशच्च मे वाजश्च,

प्रसवश्चापिजश्च क्रतुश्च सुवश्च मूर्धा च व्यङ्गिज्य

–श्चान्त्यायनश्चान्त्यश्च भौवनश्च भुवनश्चाधिपतिश्च ॥ 11 (41)

(TS 3.3.2.1)

इ॒डा दे॒वहू॒र् म॒नुर् य॒ज्ञनी॒र् बृ॒हस्प॑ति॒ रुक्॒थाम॒दानि॑ श॒ऽसि॒षद्-
वि॒श्वेदे॒वाः सू॒क्तवा॒चः पृ॒थिवि॑मा॒तर्मा॑ मा॒ हि॒ऽसी॒र्
मधु॑ म॒निष्ये॑ मधु॑ ज॒निष्ये॑ मधु॑ व॒क्ष्यामि॑ मधु॑ व॒दिष्यामि॑ मधु॑ म॒तीं
दे॒वेभ्यो॑ वा॒चमु॒द्यास॑ऽ शु॒श्रू॒षेण्यां॑ म॒नुष्ये॑भ्य॒स्तं मा॑ दे॒वा अ॒वन्तु॑
शो॒भायै॑ पि॒तरो॑ ऽनु॒मद॑न्तु ॥

(ओं शान्तिः॒ शान्तिः॒ शान्तिः॑ ॥

23 पुरुष सूक्तं

(TA 3.12.1)

ओं । सहस्रशीर्षा पुरुषः । सहस्राक्षः सहस्रपात् ।
स भूमिं विश्वतो वृत्वा । अत्यतिष्ठद् दशाङ्गुलं । पुरुष एवेदं सर्वं ।
यद् भूतं यच्च भव्यं । उतामृतत्वस्येशानः । यदन्नेनातिरोहति ।
एतावानस्य महिमा । अतो ज्यायाँश्च पूरुषः ॥ 1

पादोऽस्य विश्वा भूतानि । त्रिपादस्यामृतन्दिवि ।
त्रिपादूर्ध्व उदैत् पुरुषः । पादोऽस्येहा ऽऽभवात्पुनः ।
ततो विष्वङ् व्यक्रामत् । साशनानशने अभि ।
तस्माद् विराड् जायत । विराजो अधि पूरुषः ।
स जातो अत्यरिच्यत । पश्चाद् भूमिमथो पुरः ॥ 2

यत् पुरुषेण हविषा । देवा यज्ञमतन्वत ।
वसन्तो अस्यासीदाज्यं । ग्रीष्म इद्ध्म-श्शरद्धविः ।
सप्तास्यासन् परिधयः । त्रिस्सप्त समिधः कृताः ।
देवा यद् यज्ञं तन्वानाः । अबद्धन् पुरुषं पशुं ।
तं यज्ञं बर्हिषि प्रौक्षन् । पुरुषं जातमग्रतः ॥ 3

तेन॑ दे॒वा अ॒यज॑न्त । सा॒द्ध्य॒या ऋ॒षय॑श्च ये ।
 तस्मा॑द् य॒ज्ञात् सर्व॑हु॒तः । संभृ॑तं पृष॒दाज्यं॑ ।
 प॒शूँ॒स्ताँ॒श्च॒क्रे वा॒यव्या॑न् । आ॒र॒ण्यान् ग्रा॒म्याश्च॑ ये ।
 तस्मा॑द् य॒ज्ञात् सर्व॑हु॒तः । ऋ॒चः सा॒मानि॑ ज॒ज्ञिरे॑ ।
 छन्दा॑ँ॒सि ज॒ज्ञिरे॑ तस्मा॑त् । य॒जुस्त॑स्मा दजायत ॥ 4

तस्मा॑दश्वा॒ अजा॑यन्त । ये के॑ चो॒भया॑दतः ।
 गा॒वो ह ज॒ज्ञिरे॑ तस्मा॑त् । तस्मा॑ज्जा॒ता अ॒जाव॑यः ।
 यत्पु॑रुषं॒ व्य॑दधुः । क॒ति॒धा व्य॑कल्पयन् ।
 मुखं॑ कि॒मस्य॑ कौ बा॒हू । का॒वूरू॑ पा॒दावु॑च्येते ।
 ब्रा॒ह्म॒णो॒स्य मुख॑मासीत् । बा॒हू रा॒जन्यः॑ कृ॒तः ॥ 5

ऊ॒रू तद॑स्य यद्वै॒श्यः । प॒द्भ्याँ॒ शू॒द्रो अ॑जायतः ।
 च॒न्द्र॒मा मन॑सो जा॒तः । चक्षो॑-स्सू॒र्यो अ॑जायत ।
 मु॒खादि॑न्द्रश्चा॒ग्निश्च॑ । प्रा॒णाद् वा॒यु-र॑जायत ।
 ना॒भ्या आ॑सीदन्तरि॒क्षं । शी॒र्ष्णो द्यौः॑ स॒मव॑र्तत ।
 प॒द्भ्यां भू॒मिर् दि॒शः श्रो॑त्रात् । तथा॑ लो॒काँ अ॑कल्पयन् ॥ 6

वे॒दा॒हमे॒तं पु॒रु॒षं॑ म॒हान्तं॑ । आ॒दि॒त्यव॑र्णं॑ तम॒सस्तु॑ पा॒रे ।
सर्वा॑णि रू॒पाणि॑ वि॒चित्य॑ धी॒रः । ना॒मानि॑ कृ॒त्वाभि॑वदन्॒ यदा॑स्ते ।
धा॒ता पु॒रस्ता॑द्यमु॒दा ज॒हार । श॒क्रः प्र॒विद्वान् प्र॒दिश॑श्चत॒स्रः ।
तमे॒वं वि॒द्वान॑मृ॒त इ॒ह भ॑वति । ना॒न्यः प॒न्था अ॑यनाय विद्यते ।
य॒ज्ञेन॑ य॒ज्ञ-म॑यजन्त दे॒वाः । ता॒नि ध॑र्माणि प्रथ॒मान्या॑सन् ।
ते ह॒ नाकं॑ म॒हिमा॑नस्सचन्ते । यत्र॒ पूर्वे॑ सा॒द्ध्या-स्सन्ति॑ दे॒वाः ॥ 7
(ओं शान्तिः॑ शान्तिः॑ शान्तिः॑ ॥)

“ ओं नमो नारायणाय ” (It is customary to chant this when in
continous chanting of Uttara Narayanam)

24 उत्तर नारायणं

(TA 3.13.1)

अ॒द्भ्यस्सं॑भू॒तः पृ॒थि॒व्यै रसा॑च्च । वि॒श्वक॑र्मणः॒ सम॑वर्त्तताधि ।
तस्य॑ त्वष्टा वि॒दध॑द् रू॒पमे॑ति । तत्पु॑रुषस्य वि॒श्वमा॑जा॒नम॑ग्रे ॥ 1

वेदा॑हमे॒तं पु॑रुषं॒ महा॑न्तं । आ॒दि॒त्यव॑र्णं॒ तम॑सः॒ पर॑स्तात् ।
तमे॒वं वि॒द्वान॑मृ॒त इ॒ह भ॑वति । नान्यः पन्था वि॒द्यते॑ऽय॒नाय ॥ 2

प्र॒जाप॑तिश्चरति॒ गर्भे॑ अ॒न्तः । अ॒जाय॑मानो बहु॒धा वि॑जायते ।
तस्य॑ धी॒राः परि॑जानन्ति॒ योनिं॑ । मरी॑चीनां प॒दमि॑च्छन्ति वे॒धसः॑ ॥ 3

यो दे॒वेभ्य॑ आ॒तप॑ति । यो दे॒वानां॑ पु॒रोहि॑तः ।
पूर्वो॑ यो दे॒वेभ्यो॑ जा॒तः । नमो॑ रु॒चाय॑ ब्रा॒ह्मये ॥ 4

रुचं॑ ब्रा॒ह्मज्जन॑यन्तः । दे॒वा अ॒ग्रे तद॑ब्रुवन् ।
यस्त्वै॒वं ब्रा॒ह्म॒णो वि॒द्यात् । तस्य॑ दे॒वा अस॑न्वशे ॥ 5

ह्रीश्च॑ ते लक्ष्मीश्च पत्न्यौ । अ॒हो॒रा॒त्रे पा॒र्श्वे । नक्ष॑त्राणि रू॒पं ।
अ॒श्विनौ॒ व्या॑त्तं । इ॒ष्टं म॑निषाण । अ॒मुं म॑निषाण । सर्वं॑ म॒निषा॑ण ॥ 6

25 महा नारायणं

(TA 6.11.1)

सहस्र॑शीर्षं॑ दे॒वं वि॒श्वाक्षं॑ वि॒श्वशं॑ भु॒वं ।
वि॒श्वं ना॒राय॑णं दे॒वम॒क्षरं॑ प॒रमं॑ प॒दं ॥ 1

वि॒श्वतः॑ प॒रमा॒न्नित्यं॑ वि॒श्वं ना॒राय॑णञ् हरिं॑ ।
वि॒श्वमे॒वेदं॑ पु॒रुष॑ स्तद्वि॒श्व-मु॑पजीवति ॥ 2

पतिं॑ वि॒श्वस्या॒त्मे श्वर॑ञ् शाश्व॑तञ् शि॒वम॑च्युतं ।
ना॒राय॑णं म॒हाज्ञे॒यं वि॒श्वात्मा॑नं प॒राय॑णं ॥ 3

ना॒राय॑ण प॒रो ज्यो॒तिरा॒त्मा ना॒राय॑णः प॒रः ॥ 4

ना॒राय॑ण प॒रं ब्र॒ह्म तत्त्वं॑ ना॒राय॑णः प॒रः ।
ना॒राय॑ण प॒रो ध्या॒ता ध्या॒नं ना॒राय॑णः प॒रः ।
यच्च॑ किञ्चि॒ज्-जग॑त्सर्वं दृ॒श्यते॑ श्रू॒यतेऽपि॑ वा ।
अन्त॑र् ब॒हिश्च॑ तथ् सर्वं॑ व्या॒प्य ना॒राय॑णः स्थि॒तः ॥ 5

अन॑न्तमव्ययं क॒विञ् स॒मुद्रे॑न्तं वि॒श्वशं॑भु॒वं ।
पद्म॑को॒श प्र॒तीका॑शञ् हृद॑यं चाप्य॒धोमु॑खं ॥ 6

अ॒धो॑ नि॒ष्ट्या॑ वि॒तस्त्या॑न्ते ना॒भ्यामु॑परि तिष्ठति ।
ज्वा॒ल॒मा॒लाकु॑लं भा॒ती वि॒श्वस्या॑यतनं महत् ॥ 7

सन्त॑तꣳ शि॒लाभि॑स्तु ल॒ंब॒त्या को॑शसन्निभं ।
तस्या॑न्ते सु॒षि॒रꣳ सू॒क्ष्मं तस्मिन्॑ थ्सर्वं॑ प्र॒तिष्ठि॑तं ॥ 8

तस्य॑ म॒ध्ये॑ म॒हान॑ग्निर् वि॒श्वार्चि॑र् वि॒श्वतो॑ मुखः ।
सोऽ॒ग्रभु॑ग् विभ॒जन् तिष्ठ॑न्नाहार-म॒जरः॑ क॒विः ॥ 9

तिर्य॑गूर्ध्व॑ म॒धश्शायी॑ रश्मयस्तस्य सन्त॑ता ।
सन्ता॑पयति स्वं दे॒हमा॑पादतल मस्त॑गः ।
तस्य॑ म॒ध्ये॑ वह्नि॑ शि॒खा अ॒णीयो॑र्ध्वा॒ व्यव॑स्थितः ॥ 10

नी॒लतो॑ यद॑ म॒ध्य॒स्थाद् वि॒द्युल्ले॑खेव भास्व॑रा ।
नी॒वार॑ शू॒कव॑त्तन्वी पी॒ता भा॑स्वत्य॒णूप॑मा ॥ 11

तस्याः॑ शि॒खाया॑ म॒ध्ये॑ पर॒मात्मा॑ व्यवस्थितः ।
स ब्र॒ह्म स शि॒वः स हरिः॑ सेन्द्रः॑ सोऽक्षरः॑ पर॒मः स्व॒राट् ॥ 12

ऋ॒त॒ꣳ स॒त्यं॑ प॒रं ब्र॒ह्म पु॒रुषं॑ कृ॒ष्ण पि॒ङ्गलं॑ ।
ऊ॒र्ध्व॒रेतं॑ वि॒रूपा॒क्षं वि॒श्वरू॒पाय॑ वै न॒मो न॒मः॑ ॥

ना॒रा॒य॒णाय॑ वि॒द्महे॑ वा॒सुदे॒वाय॑ धी॒महि॑ । तन्नो॑ वि॒ष्णुः प्र॒चोद॑यात् ॥
वि॒ष्णोर्नु॒कं वी॒र्या॑णि प्र॒वोचं॑ यः पा॒र्थि॒वानि॑ वि॒ममे॑ र॒जाꣳसि॑ यो
अ॒स्क॒भाय॑दु॒त्तर॑ꣳ स॒धस्थं॑ वि॒चक्र॑माण-स्त्रे॒धोरु॑गायो
वि॒ष्णो-र॒राट॑म॒सि वि॒ष्णोः पृ॒ष्ठम॑सि वि॒ष्णो-इ॒ज॒प्त्रे॒स्थो वि॒ष्णो-
स्स्यूर॑सि वि॒ष्णोर्ध्रु॒वम॑सि वै॒ष्णव॑म॒सि वि॒ष्णवे॑ त्वा ॥
*वि॒ष्णवे॑ ना॒रा॒य॒णाय॑ न॒मः॑ ॥ (ओं शान्तिः॑ शान्तिः॑ शान्तिः॑ ॥)

26 घोष शान्ति

(TA 7.42.1)

शन्नो॑ वा॒तः प॒वतां॑ मा॒तरि॒श्वा शन्न॑ स्तप॒तु सूर्यः॑ ।
अ॒हानि॑ शं भवन्तु न॒ इ॒शं॑ रा॒त्रिः प्र॒ति॒धी॒यतां॑ ॥
शमु॒षा नो॑ व्युच्छ॒तु श॒मादि॒त्य उदे॒तु नः॑ ।
शि॒वा न॒ इ॒शन्त॑माभव सु॒मृ॒डीका॑ सर॒स्वति॑ । मा॒ते व्यो॑म स॒न्दृशि॑ ॥
इ॒डा॒यै वा॒स्त्व॒सि वा॒स्तुम॑द्वास्तु॒मन्तो॑ भू॒यास्म मा॑ वा॒स्तो॒श्छि॒त्स्
म॒ह्यवा॒स्तु स्स॑ भू॒याद् यो॑ऽस्मान् द्वेष्टि॒ यं च॑ व॒यं द्वि॒ष्मः ॥
प्र॒ति॒ष्ठा॒सि प्र॒ति॒ष्ठाव॑न्तो भू॒यास्म मा॑ प्र॒ति॒ष्ठाया॑छि॒त्स् म॒ह्य
प्र॒ति॒ष्ठ॒स्स भू॒याद् यो॑ऽस्मान् द्वेष्टि॒ यं च॑ व॒यं द्वि॒ष्मः ॥
आ॒वा॒त वा॒हि भे॒षजं॑ वि॒ वा॒त वा॒हि य॒द्र॒पः ।
त्व॑ हि वि॒श्वभे॑षजो दे॒वानां॑ दू॒त ई॒य॒से ॥
द्व॒वि॒मौ वा॒तौ वा॒त आ॒सिन्धो॒रा प॒राव॑तः ।
दक्षं॑ मे अ॒न्य आ॒वा॒तु प॒रा॒न्यो वा॒तु य॒द्र॒पः ॥ 1

यद॒दो वा॒त ते गृ॒हेऽमृ॑तस्य नि॒धिर् हितः॑ ।
ततो॑ नो दे॒हि जी॒व॒से ततो॑ नो धे॒हि भे॒षजं॑ ।
ततो॑ नो म॒ह आ॒व॒ह वा॒त आ॒वा॒तु भे॒षजं॑ ॥

शंभूर् मयोभूर् नो हृदे प्रण आयूँषि तारिषत् ।

इन्द्रस्य गृहोऽसि तं त्वा प्रपद्ये सगुस्साश्वः ।

सह यन्मे अस्ति तेन ॥

भूः प्रपद्ये भुवः प्रपद्ये सुवः प्रपद्ये भूर्भुवस्सुवः प्रपद्ये वायुं

प्रपद्येऽनार्त्ता देवतां प्रपद्ये-ऽश्मानमाखणं प्रपद्ये प्रजापतेर्

ब्रह्मकोशं ब्रह्म प्रपद्य ओं प्रपद्ये ॥

अन्तरिक्षं म उर्वन्तरं बृहदग्नयः पर्वताश्च यया वातः स्वस्त्या

स्वस्ति मामं तया स्वस्त्या स्वस्ति मानसानि ॥

प्राणापानौ मृत्योर् मा पातं प्राणापानौ मा मा हासिष्टं

मयि मेधां मयि प्रजां मय्यग्नि स्तेजो दधातु

मयि मेधां मयि प्रजां मयीन्द्र इन्द्रियं दधातु

मयि मेधां मयि प्रजां मयि सूर्यो भ्राजो दधातु ॥ 2

द्युभिरक्तुभिः परिपात-मस्मानरिष्टेभिरश्विना सौभगेभिः ।

तन्नो मित्रो वरुणो मामहन्ता-मदितिः सिन्धुः पृथिवी उतद्यौः ॥

कयानश्चित्र आभुवदूती सदावृध स्सखा ।

कया शचिष्ठया वृता ॥

क॒स्त्वा स॒त्यो म॒दानां॑ म॒हि॒ष्ठो म॒थ्स॒दन्ध॑सः ।

दृ॒ढा चि॒दरु॑जे व॒सु ॥

अ॒भी षु॒ ण स्स॒खी॒ना-म॒वि॒ता ज॒रित्क्र॑णां । श॒तं भ॒वा॒स्यू॒तिभिः॑ ॥

व॒यस्सु॒पर्णा॑ उ॒प॒सेदु॑रि॒न्द्रं प्रि॒यमे॑धा ऋ॒षयो॑ ना॒धमा॑नाः ।

अ॒प द्ध्वा॒न्तमू॑र्णु॒हि पू॒र्वि॒चक्षु॑र् मु॒मु॒ग्ध्य॑स्मान्नि॒धये॑व ब॒द्धान् ॥ ३

श॒न्नो दे॒वीर॒भिष्ट॑य॒ आपो॑ भ॒वन्तु॑ पी॒तयै॑ । श॒म् यो॒रभि॑स्र॒वन्तु॑नः ॥

ई॒शा॒ना वा॒र्या॒णां क्ष॑य॒न्ती श्र॑र्ष॒णीनां॑ । अ॒पो या॑चामि भे॒षजं॑ ॥

सु॒मि॒त्रा न॒ आप॒ ओष॑धय॒ स्सन्तु॑ दु॒र्मि॒त्रास्त॑स्मै भू॒यासु॑र्यो॒ऽस्मान्

द्वेष्टि॑ यं च व॒यं द्वि॑ष्मः ॥

आ॒पो हि॒ ष्ठा म॒योभु॑व-स्तान॒ ऊ॒र्जे द॑धात॒न । म॒हे र॑णाय॒ चक्ष॑से ।

यो वः॑ शि॒वत॑मो र॒सस्त॑स्य॒ भाज॑यते॒ह नः॑ । उ॒शती॑रि॒व मा॑तरः ।

तस्मा॑ अ॒रं ग॑मा॒म वो॒ यस्य॑ क्ष॒याय॑ जि॒न्वथ॑ । ४

आपो॑ ज॒नय॑था च नः ॥

पृ॒थि॒वी शान्ता॑ साऽग्नि॑ना शान्ता॑ सा मे शान्ता॑ शुच॑ः शमयतु ।

अ॒न्तरि॑क्षं शान्तं॑ तद् वा॒युना॑ शान्तं॑ तन्मे शान्तं॑ शुच॑ः शमयतु ।

द्वौः शान्ता॑ साऽऽदि॒त्येन॑ शान्ता॑ सा मे शान्ता॑ शुच॑ः शमयतु ॥

पृ॒थि॒वी शान्ति॑रन्तरि॒क्षं शान्ति॑र् द्वौ इ॒शान्ति॑र् दि॒शः

शान्ति॑रवान्तरदि॒शाः शान्ति॑-रग्नि॒इशान्ति॑र्-वा॒युइशान्ति॑-रादि॒त्य

इशान्ति॑-श्च॒न्द्रमा॑ इ॒शान्ति॑र् नक्ष॒त्राणि॑ शान्ति॑-रा॒पइशान्ति॑-रोष॒धय॑

इ॒शान्ति॑र् वन॒स्पत॑य इ॒शान्ति॑र् गौ इ॒शान्ति॑रजा शान्ति॑रश्च इ॒शान्तिः॑

पुरु॑ष इ॒शान्ति॑र् ब्र॒ह्म शान्ति॑र् ब्रा॒ह्मण॑ इ॒शान्ति॑ इ॒शान्ति॑रे॒व

शान्ति॑ इ॒शान्ति॑र् मे अस्तु॑ शान्तिः ॥

तया॑ऽहं शान्त्या॑ सर्व॑ शान्त्या॑ मह्यं॑ द्वि॒पदे॑ चतु॒ष्पदे॑ च

शान्तिं॑ करोमि॑ शान्ति॑र् मे अस्तु॑ शान्तिः ॥

ए॒ह श्री॑श्च ह्री॒श्च धृ॑तिश्च तपो॑ मे॒धा प्र॑ति॒ष्ठा श्र॒द्धा स॒त्यं धर्म॑श्चै॒तानि॑

मो॒त्ति॑ष्ठन्त-मनू॒त्ति॑ष्ठन्तु॒ मामा॑ श्री॒श्च ह्री॒श्च धृ॑तिश्च तपो॑ मे॒धा प्र॑ति॒ष्ठा

श्र॒द्धा स॒त्यं धर्म॑श्चै॒तानि॑ मा॒ मा हा॑सिषुः ॥

उ॒दायु॑षा स्वा॒युषो॑दोष॒धीना॑ ॐ र॒सेनो॑त् प॒र्जन्य॑स्य शु॒ष्मे॒णोद॑स्था-
म॒मृता॑ ॐ अ॒नु ॥ तच्चक्षु॑र् दे॒वहि॑तं पु॒रस्ता॑-च्छु॒क्रमु॑च्चरत् ॥
पश्ये॑म शर॒दश्श॑तं जी॒वेम॑ शर॒दश्श॑तं न॒न्दाम॑ शर॒दश्श॑तं मो॒दाम॑
शर॒दश्श॑तं भ॒वाम॑ शर॒दश्श॑तं ॐ शृ॒ण्वाम॑ शर॒दश्श॑तं प्र॒ब्रवाम॑
शर॒दश्श॑त-म॒जीता॑स्याम शर॒दश्श॑तं जोक्च॑ सूर्यं दृ॒शे ॥ 5

य उ॒दगा॑न् म॒हतो॑ऽर्ण॒वान् वि॒ब्राज॑मान स्सरि॒रस्य॑ म॒ध्याथ्स॑ मा
वृष॒भो लो॑हि॒ताक्ष॑ स्सूर्यो॑ वि॒पश्चि॑न् म॒नसा॑ पु॒नातु॑ ॥
ब्र॒ह्मण॑श्चो॒तन्य॑सि ब्र॒ह्मण॑ आ॒णी स्थो॑ ब्र॒ह्मण॑ आ॒वप॑नम॒सि धा॒रिते॑यं
पृ॒थि॒वी ब्र॒ह्मणा॑ म॒ही धा॒रित॑-मे॒नेन॑ म॒हद॑न्त॒रिक्षं॑ दि॒वं दा॑धार
पृ॒थि॒वी ॐ स॑दे॒वां य॑द॒हं-वे॒द तद॑हं धा॒रया॑णि मा॒मद्वे॒दोऽधि॑ वि॒स्रस॑त् ।
मे॒धा॒मनी॑षे मा ऽऽवि॒शता॑ ॐ स॒मीची॑ भू॒तस्य॑ भ॒व्यस्या॑व॒रुद्ध्यै॑
सर्व॑मायु॒रया॑णि सर्व॑मायु॒रया॑णि ॥
आ॒भिर् गी॒र्भिर् यद॑तो न ऊ॒नमा॑प्याय॒य हरि॑वो व॒र्द्धमा॑नः ।
यदा॑ स्तो॒तृभ्यो॑ म॒हि गो॒त्रा रु॒जासि॑ भूयिष्ठ॒भाजो॑ अध॒ते स्या॑म ।
ब्र॒ह्म प्रा॒वादि॑ष्म तन्नो॒ मा हा॑सीत् ॥ 6

ओं शान्तिः॑ शान्तिः॑ शान्तिः॑ ॥

(Shanti Japam ends)

27 हिरण्यगर्भ सूक्तं

(TS 4.1.8.3)

1. हिर॒ण्य॒ग॒र्भ॒ स्स॒म॒व॒र्त्त॒ता॒ग्रे॒ भू॒त॒स्य॒ जा॒तः॒ प॒ति॒रे॒क॒ आ॒सी॒त् ।
स दा॒धार॒ पृ॒थि॒वीं॒ ध्या॒मु॒ते॒मां॒ क॒स्मै॒ दे॒वाय॒ ह॒वि॒षा॒ वि॒धेम॒ ॥
2. यः प्रा॒णतो॒ नि॒मि॒षतो॒ म॒हि॒त्वै॒क॒ इ॒द्-रा॒जा॒ जग॑तो॒ ब॒भू॒व ।
य ई॒शो॒ अ॒स्य॒ द्वि॒प॒द॒श्च॒तु॒ष्प॒दः॒ क॒स्मै॒ दे॒वाय॒ ह॒वि॒षा॒ वि॒धेम॒ ॥
3. य आ॒त्म॒दा॒ ब॒ल॒दा॒ यस्य॒ वि॒श्व॒ उ॒पा॒स॒ते॒ प्र॒शि॒षं॒ य॒स्य॒ दे॒वाः ।
यस्य॒ छा॒याऽमृ॑तं॒ य॒स्य॒ मृ॒त्युः॒ क॒स्मै॒ दे॒वाय॒ ह॒वि॒षा॒ वि॒धेम॒ ॥
4. यस्ये॒मे हि॒म॒व॒न्तो॒ म॒हि॒त्वा॒ यस्य॒ स॒मु॒द्र॒ र॒स॒या॒ स॒हाऽऽ॒हुः ।
यस्ये॒माः प्र॒दि॒शो॒ यस्य॒ बा॒हू॒ क॒स्मै॒ दे॒वाय॒ ह॒वि॒षा॒ वि॒धेम॒ ॥
5. यं क्र॒न्द॒सी॒ अव॑सा॒ तस्त॒भा॒ने॒ अभ्यै॑क्षे॒तां॒ मन॑सा॒ रेज॑माने ।
यन्ना॒धि॒सू॒र उ॒दि॒तौ॒ व्ये॒ति॒ क॒स्मै॒ दे॒वाय॒ ह॒वि॒षा॒ वि॒धेम॒ ॥
6. येन॒ द्यौ॒रु॒ग्रा पृ॒थि॒वी च॒ दृ॒ढे॒ येन॒ सु॒वः॒ स्त॒भि॒तं॒ येन॒ ना॒कः॒ ।
यो अ॒न्त॒रि॒क्षे॒ रज॑सो॒ वि॒मा॒नः॒ क॒स्मै॒ दे॒वाय॒ ह॒वि॒षा॒ वि॒धेम॒ ॥

7. आपो॑ ह॒ यन्म॑ह॒तीर् वि॒श्वमा॒यन् दक्षं॑ दधा॒ना जन॑यन्तीर॒ग्निं ।
ततो॑ दे॒वाना॒-न्नि॑रव॒र्त्तता॒-सु॒रेकः॑ कस्मै॑ दे॒वाय॑ ह॒विषा॑ वि॒धेम ॥

8. यश्चि॑दापो॒ महि॑ना॒ पर्य॑पश्यद् दक्षं॑ दधा॒ना जन॑यन्तीर॒ग्निं ।
यो दे॒वेष्वधि॑ दे॒व येक॑ आसीत् कस्मै॑ दे॒वाय॑ ह॒विषा॑ वि॒धेम ॥

ओं शान्तिः॑ शान्तिः॑ शान्तिः॑ ॥

28 वेद काण्ड तैत्तिरीय संहिता

28.1 प्रथमकाण्डे प्रथमप्रश्नः प्रथमपञ्चातिः

(TS 1.1.1.1)

इ॒षे॒त्वो॒र्जे॒त्वा वा॒यव॑स्थो पा॒यवः॑ स्थ दे॒वोवः॑ सवि॒ता प्रा॑र्पय॒तु
श्रे॒ष्ठत॑मा॒य क॑र्मण॒ आ प्या॑य॒द्ध्व-म॑घ्निया दे॒वभा॑ग मूर्ज॑स्वतीः
पय॑स्वतीः प्र॒जाव॑ती-र॒नमी॑वा अ॒यक्ष॑मा मा वः स्तेन॑ ई॒शत॑मा-
ऽघ॑श॒ सो रु॒द्रस्य॑ हे॒तिः परि॑वो वृ॒णक्तु॑ ध्रु॒वा अ॒स्मिन् गो॑पतौ
स्या॑त ब॒ह्वीर्-य॑ज॒मान॑स्य प॒शून् पा॑हि ॥

28.2 द्वितीयकाण्डे प्रथमप्रश्नः प्रथमपञ्चातिः

(TS 2.1.1.1)

वा॒यव्य॑श्चे॒तमा॑ ल॒भेत॑ भू॒ति का॑मो वा॒युर्वै॑ क्षे॒पिष्ठा॑ दे॒वता॑
वा॒युमे॒वस्वे॒न भा॑ग॒धेये॒नोप॑ धाव॒ति स ए॒वैनं॑ भू॒तिं ग॑मय॒ति
भ॒वत्ये॒वाति॑क्षि॒प्रा दे॒वते॒त्याहु॑स्सै॒न-मी॑श्वरा प्र॒दह॑ इत्ये॒तमे॒व स॑न्तं
वा॒यवे॑ नि॒युत्व॑त आ ल॒भेत॑ नि॒युद्वा॑ अ॒स्य धृ॑ति॒धृत॑ ए॒व
भू॒तिमु॒पैत्य॑प्र॒दाहा॑य भ॒वत्ये॒व []

(We have shown only 50 padams of respective panchaatis here. This sentence does not stop at the end of the panchaati , indicated by the [] and continues till a natural “ruk” stop comes, which please note)

28.3 तृतीयकाण्डे प्रथमप्रश्नः प्रथम पञ्चातिः

(TS 3.1.1.1)

प्र॒जाप॑तिर॒काम॑यत प्र॒जा-स्सृ॑जेयेति सतपो ऽतप्यत स
सर्पा॑नसृजत सोऽकाम॑यत प्र॒जा-स्सृ॑जेयेति स द्वितीयमतप्यत
स वया॑स्यसृजत सोऽकाम॑यत प्र॒जा-स्सृ॑जेयेति स तृतीयमतप्यत
स ए॒तं दी॑क्षित वा॒दम॑ पश्य॒त्तम॑वद॒त्ततो॑ वै स प्र॒जा अ॑सृजत
यत्तप॑स्तप्त्वा दी॑क्षितवा॒दं व॑दति प्र॒जा ए॒व तद्य॑जमानः []

28.4 चतुर्थकाण्डे प्रथमप्रश्नः प्रथमपञ्चातिः

(TS 4.1.1.1)

यु॒ञ्जानः॑ प्रथमं॑ मनस्त॒त्वाय॑ सवि॒ता धि॑यः ।
अ॒ग्निं ज्योति॑र्-निचा॒य्य पृ॑थि॒व्या अ॑द्ध्याऽभरत् ॥
यु॒क्त्वाय॑ मन॒सा दे॒वान्त्सु॑वर्यतो॒ धिया॑ दि॒वं ।
बृ॒हज्ज्योतिः॑ करिष्यत स्सवि॒ता प्र॑सुवाति तान् ॥
यु॒क्तेन॑ मन॒सा व॑यं दे॒वस्य॑ सवि॒तुस्स॑वे । सु॒वर्गे॑याय॒ शक्त्यै॑ ॥
यु॒ञ्जते॑ मन॒ उत॑ यु॒ञ्जते॑ धि॒यो वि॒प्रा वि॒प्रस्य॑ बृ॒हतो॑ वि॒पश्चितः॑ ।
वि॒होत्रा॑दधे वयु॒ना वि॒देक॑ इत् []

28.5 पञ्चमकाण्डे प्रथमप्रश्नः प्रथमपञ्चातिः

(TS 5.1.1.1)

सा॒वि॒त्राणि॑ जु॒होति॑ प्र॒सू॒त्यै च॑तुर्गृही॒तेन॑ जु॒होति॑
च॒तु॒ष्पादः॑ प॒शवः॑ प॒शूने॑वाव रु॒न्धे च॑तस्रो दि॒शो दि॒क्ष्वे॒व प्र॑ति तिष्ठति
छन्दा॑ँसि दे॒वेभ्यो॑ ऽपा॒क्रा म॒न्नवो॑ ऽभा॒गानि॑ ह॒व्यं
वँक्ष्या॑म इति तेभ्य ए॒तच्च॑तुर्गृही॒त-म॑धारयन्
पुरो॑नुवा॒क्यायै॑ या॒ज्यायै॑ दे॒वतायै॑ वषट्का॒राय॑ यच्चतुर्गृही॒तं
जु॒होति॑ छन्दा॑ँस्ये॒व तत् प्री॑णाति तान्यस्य प्री॒तानि॑
दे॒वेभ्यो॑ ह॒व्यं वँह॑न्ति यं का॒मये॑त []

28.6 षष्ठकाण्डे प्रथमप्रश्नः प्रथमपञ्चातिः

(TS 6.1.1.1)

प्रा॒चिन॑व॒ँशङ्क॑रोति दे॒वम॑नु॒ष्या दि॒शो व्य॑भजन्त प्रा॒चीन्दे॒वा
दक्षि॑णा पि॒तरः॑ प्र॒तीचीं॑ म॒नुष्या॑ उ॒दीची॑ँ रु॒द्राय॑त्
प्रा॒चीन॑व॒ँशङ्क॑रोति दे॒वलोक॑मे॒व तद्य॑जमान उ॒पाव॑र्तते परि श्रयत्यन्तर्
हि॒तो हि॑ दे॒वलोको॑ म॒नुष्य॑लो॒कान्ना॑स्मा ल्लो॒काथ् स्वे॒तव्य॑ मि॒वे
त्याहुः॑ को॒हि तद्वे॒द यद्ध्य॑ मुष्मिन् लो॒केऽस्ति॑ वा न॒वेति॑ दि॒क्ष्वती॑
का॒शान् क॑रोति []

28.7 सप्तमकाण्डे प्रथमप्रश्नः प्रथमपञ्चातिः

(TS 7.1.1.1)

प्र॒जन॑नम् ज्योति॑-रग्नि॑-दे॒वता॑नाम् ज्योति॑र् वि॒राट् छ॑न्द॒साम्
ज्योति॑र् वि॒राड्-वा॒चो॑ऽग्नि॒ नौ स॑न्तिष्ठते वि॒राज॑म॒भि सं प॑द्यते ,
तस्मा॑त्तज्ज्योति॑ रुच्यते द्वौ स्तोमौ॑ प्रा॒तस्स॑वनं॑ व॒हतो॑ यथा॑
प्रा॒णश्चा॑ पा॒नश्च॑ द्वौ मा॒द्ध्य॑न्दि॒नः स॑वनं॑ यथा॑ चक्षु॑श्च श्रो॒त्रञ्च॑
द्वौ तृ॒तीय॑स॒वनं॑ यथा॑ वाक्च॑ प्र॒तिष्ठा॑ च पु॒रुष॑स॒म्मितो॑ वा ए॒ष
य॒ज्ञोऽस्थू॑रिः []

28.8 सप्तमकाण्डे पञ्चमप्रश्नः अन्त्यपञ्चातिः

TS 7.5.25.2

स॒मु॒द्र उ॒दर॑मन्तरि॒क्षं पा॒युर् द्या॑वापृथि॒वी आ॒ण्डौ ग्रा॒वा शे॒पस्सो॒मो
रेतो॑ यज्जं॒जभ्य॑ते तद्वि द्योत॑ते यद्विधू॒नुते॑ तथ्स्तनयति॑ यन्मे॒हति॑
तद्वर्ष॑ति वा॒गेवा॒स्य वा ग॒हर्वा अ॒श्वस्य॑ जायमानस्य॑ म॒हिमा
पु॒रस्ता॑ज्जायते रा॒त्रिरे॒नं म॒हिमा प॒श्चादनु॑जायत ए॒तौ वै
म॒हिमा॒नाव॑श्चम॒भित-स्सं॑बभूवतु॒र॒हयो॑ दे॒वान॑वह॒दर्वा-ऽसु॑रान् वा॒जी
ग॒न्ध॒र्वान॑श्चो म॒नुष्या॑न् थ्समु॒द्रो वा अ॒श्वस्य॑ योनि॑ स्समु॒द्रो ब॑न्धुः ॥

28.9 तैत्तिरीय यजुब्राह्मणम् प्रथमाष्टके प्रथमप्रश्नः प्रथम दशिनि

TB 1.1.1.1

ब्र॒ह्म स॒न्धत्तं॑ त॒न्मे जि॒न्वतं॑ । क्ष॒त्रञ् स॒न्धत्तं॑ त॒न्मे जि॒न्वतं॑ ।
इ॒षञ् स॒न्धत्तं॑ ता॒म्मे जि॒न्वतं॑ । ऊ॒र्जञ् स॒न्धत्तं॑ ता॒म्मे जि॒न्वतं॑ ।
र॒यिञ् स॒न्धत्तं॑ ता॒म्मे जि॒न्वतं॑ । पु॒ष्टिञ् स॒न्धत्तं॑ ता॒म्मे जि॒न्वतं॑ ।
प्र॒जाञ् स॒न्धत्तं॑ ता॒म्मे जि॒न्वतं॑ । प॒शून्ध॑स॒न्धत्तं॑ ता॒न्मे जि॒न्वतं॑ ।
स्तु॒तोऽसि॑जन॒धाः । दे॒वास्त्वा शु॒क्र॒पाः प्र॑णयन्तु ॥
सु॒वीराः॑ प्र॒जाः प्र॑जनयन् परीहि ।

28.10 द्वितीयाष्टके प्रथमप्रश्नः प्रथम दशिनि

TB 2.1.1.1

अ॒ङ्गिर॑सो वै स॒त्रमा॑सत । तेषां पृ॒श्नि॑र् घ॒र्मधु॑गासीत् ।
स॒र्जी॑षेणा जी॒वत् । तेऽब्रु॑वन् । क॒स्मै नु स॒त्रमा॑स्महे ।
येऽस्या ओ॑ष॒धीर्न॑ ज॒नया॑म इति । ते दि॒वो वृ॑ष्टि॒मसृ॑जन्त ।
या॒वन्त॑ स्स्तो॒का अ॒वाप॑द्यन्त । ता॒वती॑-रोष॒धयो॑ऽजायन्त ।
ता जा॒ताः पि॒तरो॑ वि॒षेणा॑ लिंपन् ॥ [] तासां ज॒ग्ध्वा॑रु॒प्यन्त्यै॑त् ।

28.11 तृतीयाष्टके प्रथमप्रश्नः प्रथम दशिनि

TB 3.1.1.1

अ॒ग्नि॒र्नः॑ पा॒तु कृ॑त्ति॒काः । नक्ष॑त्रं दे॒वमिन्द्रि॑यम् ।
इ॒दमा॑सां वि॒चक्ष॑णम् । ह॒विरा॑सं जु॒होत॑न ।
यस्य॑ भा॒न्ति रश्म॑यो यस्य॑ के॒तवः॑ ।
यस्ये॒मा वि॒श्वा भु॑वनानि सर्वा । स कृ॑त्ति॒काभि॑रभि सँव॑सानः ।
अ॒ग्नि॒र्नो दे॒वस्सु॑वि॒ते द॑धातु । प्र॒जाप॑ते रोहि॒णी वे॑तु प॒त्नी ।
वि॒श्वरू॑पा बृ॒हती चि॒त्रभा॑नुः ॥ [] सा नो य॒ज्ञस्य॑ सु॒वि॒ते द॑धातु ।

28.12 तृतीयाष्टके नवमप्रश्नः प्रथम दशिनि

TB 3.9.1.1

प्र॒जाप॑ति-रश्म॑मे॒धम॑सृ॒जत॑ । सौ॒ऽस्मा॑त्सृ॒ष्टो-ऽपा॑क्रामत् ।
तम॑ष्टाद॒शिभि॑रनु प्रायु॒ङ्क्त । तमा॑प्नोत् । तमा॑प्त्वा ऽष्टाद॒शिभि॑र॒वारु॑न्ध ।
यद॑ष्टा द॒शिन॑ आल॒भ्यन्ते॑ । य॒ज्ञमे॒व तैरा॑प्त्वा यज॑मानो ऽव॒रुन्धे॑ ।
सँव॑त्स॒रस्य॑ वा ए॒षा प्र॑ति॒मा । यद॑ष्टाद॒शिनः॑ ।
द्वा॒दश॑ मा॒साः पञ्च॑र्तवः । सँव॑त्स॒रो ऽष्टा॑ द॒शः ॥

28.13 तृतीयाष्टके नवमप्रश्नः अन्त्य दशिनि

TB 3.9.23.2

यद्द॒र्शपूर्ण॑मा॒सौ यज॑ते । अ॒श्वस्यै॑व मे॒द्ध्यस्य॑ प॒देप॑दे जुहोति ।
ए॒तदनु॑कृति ह स्म॒ वै पु॒रा । अ॒श्वस्य॑ मे॒द्ध्यस्य॑ प॒देप॑दे जुह्वति ।
यो वा अ॒श्वस्य॑ मे॒द्ध्यस्य॑ वि॒वर्त्त॑नं वै॒द ।
अ॒श्वस्यै॑व मे॒द्ध्यस्य॑ वि॒वर्त्त॑ने वि॒वर्त्त॑ने जुहोति ।
अ॒सौ वा आ॑दि॒त्यो ऽश्वः॑ । स आ॑ह॒वनी॑यमागच्छति ।
तद्वि॒वर्त्त॑ते । यद॒ग्निहो॑त्रं जुहोति ।
अ॒श्वस्यै॑व मे॒द्ध्यस्य॑ वि॒वर्त्त॑ने वि॒वर्त्त॑ने जुहोति ।
ए॒तदनु॑कृति ह स्म॒ वै पु॒रा ।
अ॒श्वस्य॑ मे॒द्ध्यस्य॑ वि॒वर्त्त॑ने वि॒वर्त्त॑ने जुह्वति ॥

28.14 काटके प्रथमप्रश्नः प्रथम दशिनि

TB 3.10.1.1

सं॒ज्ञानं॑ वि॒ज्ञानं॑ प्र॒ज्ञानं॑ जा॒नद॑भि॒जान॑त् ।
सं॒कल्प॑मानं प्र॒कल्प॑मान-मु॒पक॑ल्प॒मान-मु॒पक्लृ॑प्तं क्लृ॒प्तं ।
श्रे॒यो व॑सी॒य आ॒यथ्स॑संभू॒तं भू॒तं ।
चि॒त्रः के॒तुः प्र॒भा॒नाभा॑न् थ्सं॒भा॑न् ।
ज्योति॑ष्मा॒ स्तेज॑स्वा॒नात॑प॒ स्तप॑न्नभि॒तप॑न् ।

रो॒च॒नो रो॒च॒मा॒न-॒श्शो॒भ॒न-॒श्शो॒भ॒मा॒नः क॒ल्या॒णः ।
दर्॒शा दृ॒ष्टा दर्॒श॒ता वि॒श्वरू॒पा सुदर्॒श॒ना ।
आ॒प्याय॒मा-ना॒प्याय॒मा-ना॒प्याया॒ सूनृ॒तेरा॑ ।
आ॒पूर्य॑मा॒णा पू॒र्य॑मा॒णा पू॒रय॑न्ती पू॒र्णा पौ॒र्णमा॒सी ।
दा॒ता प्र॒दा॒ता ऽऽन॑न्दो मो॒दः प्र॒मो॒दः ॥ []
आ॒वे॒श॒य-॒त्रिवे॒श॒यन् थ्सँ॑वे॒श॒नः स॒ञ्शान्त॑ श॒शान्तः॑ ।

28.15 काटके तृतीयप्रश्नः अन्त्य दशिनि

TB 3.12.9.8

तस्यै॒वात्मा॑ प॒द वि॒त्तं वि॑दित्वा । न क॒र्मणा॑ लि॒प्यते॑ पा॒पके॑न ।
पञ्च॑पञ्चा॒शत॑ स्त्रि॒वृ॒त स्सँ॑व॒थ्स॒राः । पञ्च॑पञ्चा॒शतः॑ पञ्च॒द॒शाः ।
पञ्च॑पञ्चा॒शत॑ स्स॒प्त॒द॒शाः । पञ्च॑ पञ्चा॒शत॑ ए॒कवि॒ंशः॑ ।
वि॒श्वसृ॒जाञ् स॒हस्र॑सँ॒व॒थ्स॒रं ।
ए॒ते न॒वै वि॒श्वसृ॒ज इ॒दं वि॑श्वमसृजन्त । यद्वि॒श्व म॑सृजन्त ।
तस्मा॑द्वि॒श्व सृ॒जः । वि॒श्वमे॑ना॒ननु॑ प्रजायते ।
ब्र॒ह्म॒ण-स्सा॒युज्य॑ञ् स॒लो॒क॒तां य॑न्ति ।
ए॒ता सा॒मे॒व दे॒वता॑नाञ् सा॒युज्यं॑ । सा॒र्ष्टि॒ताञ् स॒मा॒न लो॒क॒तां य॑न्ति ।
य ए॒तदु॒प॒य॒न्ति । ये चै॒नत् प्रा॒हुः । येभ्यश्चै॒नत् प्रा॒हुः । ॐ ॥

28.16 आरण्यके प्रथमप्रश्नः प्रथम दशिनि

TA 1.1.1

भद्रं॑ कर्णे॑भिः शृणु॑याम दे॒वाः । भद्रं॑ पश्ये॑माक्ष॒भिर् यज॑त्राः ।
स्थि॒रैरङ्गै॑स्तुष्टु॒वाꣳ सस्त॑नूभिः । व्यशे॑म दे॒वहि॑तं य॒दायुः॑ ।
स्व॒स्ति न॒ इन्द्रो॑ वृ॒द्धश्र॑वाः । स्व॒स्ति नः॑ पू॒षा विश्व॑वे॒दाः ।
स्व॒स्ति नस्तार्क्ष्यो॑ अरि॒ष्टने॑मिः । स्व॒स्ति नो बृ॒हस्प॑तिर् दधातु ।
आप॑मापा-मपस्सर्वाः॑ । अस्मा-दस्मा-दितो॑स्मुतः ॥ []
अ॒ग्निर् वा॒युश्च॑ सूर्यश्च॑ ।

=====

28.17 आरण्यके दशमप्रश्नः अन्त्य दशिनि

TA 6.80.1

तस्यै॒वं वि॒दुषो॑ य॒ज्ञस्या॒त्मा यज॑मान-इ॒श्रद्धा॑ प॒त्नी शरी॑र-
मि॒द्धम॑मुरो॒वेदि॒र्-लो॒मानि॑ ब॒र्हिर् वेद॑-शि॒खा हृद॑यं यूपः॒ काम॑
आज्यं॑ म॒न्युः प॒शुस्त॑पो ऽग्नि॒र्-दम॑-इ॒शम॑यिता दक्षि॒णा-वाग्धो॑ता॒
प्रा॒ण उ॒द्गाता॑ ,

चक्षु॑र॒द्ध्वर्यु॑र्-मनो॑ ब्र॒ह्मा श्रो॑त्रम॒ग्नी-ध्या॑व॒द्ध्यते॑ सा दी॒क्षा
यद॑श्नाति तद्ध॒विर्-य॑त्पिबति तदस्य सोम॒पानं॑ यँद्र॒मते॑ तदु॒पस॑दो
यथ्स॑ञ्च-रत्यु॒प वि॒श-त्यु॑त्तिष्ठते च सप्र॒वर्ग्यो॑ यन्मुखं तदाह॒वनी॑यो
या व्या॑हति-राहु॒तिर्-यद॑स्य ,

वि॒ज्ञानं॑ तज्जु॒होति॑ यथ्स॒ायं प्रा॑तर॒त्ति तथ्स॑मि॒धं यँत्प्रा॑तर् म॒द्ध्यन्दि॑नꣳ
साय॑ञ्च तानि स॒वनानि॑ ये अ॒होरा॑त्रे ते द॒र्शपूर्ण॑मासौ
येऽर्द्ध॑मासाश्च मासाश्च ते चातु॒र्मास्या॑नि य ऋ॒तव॑स्ते प॒शुब॑न्धा ये
संवँ॑त्सराश्च परि॒वत्स॑राश्च ते ऽह॒र्गणा॑-स्सर्व वेद॒सं वा॑,

ए॒त॒थ्स॒त्रं य॑न्म॒रणं॑ त॒द॒व॒भृ॒थ ए॒त॒द्वै ज॑राम॒र्य-म॒ग्नि॒हो॒त्रं स॒त्रं
य॑ ए॒वं वि॒द्वानु॒द॒ग॒य॒ने प्र॒मी॒य॒ते दे॒वाना॑मे॒व म॒हि॒मा॒नं ग॒त्वा
ऽऽदि॒त्यस्य॑ सा॒यु॒ज्यं,

ग॒च्छ॒त्यथ॑ यो दक्षि॒णे प्र॒मी॒य॒ते पि॒तृ॒णा-मे॒व म॒हि॒मा॒नं ग॒त्वा च॒न्द्र॒म॒स॒
स्सा॒यु॒ज्यं स॒लो॒क॒ता-मा॒प्नो॒त्ये॒तौ वै सू॒र्या॒च॒न्द्र॒म॒सौर्-म॒हि॒मा॒नौ
ब्रा॒ह्म॒णो वि॒द्वान॑भि॒ ज॒य॒ति तस्मा॑द्ब्र॒ह्म॒णो म॒हि॒मा॒न मा॒प्नो॒ति
तस्मा॑द्ब्र॒ह्म॒णो म॒हि॒मा॒न-मि॒त्यु॒प॒नि॒षत् ॥

ॐ शान्तिः॑ शान्तिः॑ शान्तिः॑ ॥

29 ऋचां प्राची

(TB 3.12.9.1)

ऋ॒चां प्रा॒ची मह॑ती दि॒गुच्य॑ते । दक्षि॑णा-मा॒हुर् यजु॑षा-मपा॒रां ।
अथ॑र्वणा-म॒ण्डिर॑सां प्र॒तीची॑ । साम्ना॑-मु॒दीची॑ मह॑ती दि॒गुच्य॑ते ।
ऋ॒ग्भिः पूर्वा॑ह्ने दि॒वि दे॒व ई॑यते । यजु॑र्वेदे तिष्ठ॑ति म॒ध्ये अ॒हः ।
साम॑वेदेनास्तमये म॒हीय॑ते । वेदै॑-र॒शून्य॑-स्त्रि॒भिरे॑ति सूर्यः ।
ऋ॒ग्भ्यो जा॒ताः सर्व॑शो मूर्ति॑-माहुः ।
सर्वा॑ गति॒र् याजु॑षी है॒व श॑श्वत् ॥ 1

सर्वं॑ तेज॑ स्साम॒रूप्य॑ ह श॑श्वत् । सर्वं॑ हे॒दं ब्र॑ह्मणा है॒व सृ॑ष्टं ॥
ऋ॒ग्भ्यो जा॒तं वै॒श्यं वर्ण॑-माहुः । यजु॑र्वेदं क्ष॒त्रिय॑स्याहु॒र्योनिं॑ ।
साम॑वेदो ब्रा॒ह्मणा॑नां प्र॒सूतिः॑ । पूर्वे॑ पूर्वे॒भ्यो वच॑ ए॒त-दू॑चुः ।
आ॒दर्श॑-म॒ग्निं चि॒न्वा॒नाः । पूर्वे॑ वि॒श्वसृ॑जोऽमृ॒ताः ।
श॒त॑व॒र्षस॑हस्राणि । दी॒क्षिता॑ स्स॒त्र-मा॑सत ॥ 2

तप॑ आसीद् गृ॒हप॑तिः । ब्र॒ह्म ब्र॑ह्मा भव॑त् स्वयं ।
स॒त्यं ह॒ होत॑ैषा-मासीत् । यद् वि॒श्वसृ॑ज आ॒सत ॥
अ॒मृत॑-मे॒भ्य उ॑दगायत् । स॒हस्रं॑ परि॒वथ्स॑रान् ।

भू॒त॒ह॑ प्र॒स्तो॒तैषा॑-मा॒सीत्॑ । भ॒वि॒ष्य॒त् प्र॒ति॑ चा॒हर॒त् ।
प्रा॒णो अ॒ध्व॒र्यु-र॒भव॒त् । इ॒द॒ सर्व॑ सि॒षा॒सतां॑ ॥ 3

अ॒पा॒नो वि॒द्वाना॑वृ॒तः । प्र॒ति प्रा॒तिष्ठ॑-द॒ध्व॒रे ।
आ॒र्त्त॒वा उप॒गा॒तारः॑ । स॒द॒स्या ऋ॒त॒वो-ऽभ॒वन् ।
अ॒द्ध॒मा॒साश्च॑ मा॒साश्च॑ । च॒म॒सा-द॒ध्व॒र्य॒वो ऽभ॒वन् ।
अ॒श॒ स॒द् ब्र॒ह्म॒ण-स्ते॒जः । अ॒च्छा वा॒कोऽभ॒वद्-य॒शः ।
ऋ॒त-मे॒षां प्र॒शा॒स्ता-ऽऽसी॑त् । यद् वि॒श्व॒सृ॒ज आ॒सत॑ ॥ 4

ऊ॒र्ग-रा॒जा॒न-मु॒द॒व॒हत् । ध्रु॒व गो॒प स्स॒हो-ऽभ॒वत् ।
ओ॒जोऽभ्य॑ष्टौ॒द् ग्रा॒व्णः॑ । यद् वि॒श्व॒सृ॒ज आ॒सत॑ ।
अ॒प॒चि॒तिः पो॒त्री॒या-म॒य॒जत् । ने॒ष्ट्री॒या-म॒य॒जत् त्वि॒षिः ।
आ॒ग्नी॒द्धा॒द् वि॒दु॒षी स॒त्यं । श्र॒द्धा है॒वा य॒जथ् स्व॒यं ।
इ॒रा प॒त्नी वि॒श्व सृ॒जां । आ॒कू॒ति-र॒पि॒नडू॒विः ॥ 5

इ॒ध्म॒ ह क्षु॒च् चै॒भ्य उ॒ग्रे । तृ॒ष्णा चा॑ व॒हता॑मु॒भे ।
वा॒गे॒षा सु॒ब्र॒ह्म॒ण्या-ऽऽसी॑त् । छ॒न्दो यो॒गान् वि॒जा॒नती॑ ।
क॒ल्प॒तन्त्रा॑णि त॒न्वा॒ना ऽहः॑ । स॒ स्था॑श्च॒ सर्व॑शः ।

अ॒हो॒रा॒त्रे प॑शु पा॒ल्यौ । मु॒हूर्ताः प्रे॒ष्या अभ॑वन् ।

मृ॒त्युस्तद॑-भव-द्वा॒ता । श॒मि॒तो-ग्रो॑ वि॒शां पतिः॑ ॥ 6

वि॒श्वसृ॑जः प्रथ॒मा स्स॒त्र-मा॑सत । स॒हस्र॑ समं प्रसु॑तेन यन्तः ।

ततो॑ ह जज्ञे भु॒वन॑स्य गो॒पाः । हि॒र॒ण्म॒य इ॒शकु॑निर् ब्रह्म॒ नाम॑ ।

येन॑ सूर्य-स्तपति तेज॑सेद्धः । पि॒ता पु॒त्रेण॑ पितृ॒मान् यो॒नियो॑नौ ।

नावे॑दविन् मनु॒ते तं बृ॑हन्तं । सर्वा॒नुभु॑-मा॒त्मानं॑ संपरा॒ये ।

ए॒ष नि॒त्यो म॒हि॒मा ब्रा॒ह्म॒णस्य॑ । न कर्म॑णा वर्द्ध॒ते नो॑ कनी॒यान् ॥ 7

तस्यै॒वा-त्मा॑ पद॒वित्तं॑ वि॒दित्वा॑ । न कर्म॑णा लिप्यते पा॒पके॑न ।

पञ्च॑ पश्चा॒शत-स्त्रि॑वृ॒त स्सँव॑त्सराः । पञ्च॑ पञ्चा॒शतः पञ्च॑द॒शाः ।

पञ्च॑ पञ्चा॒शत॑ स्सप्त॒दशाः॑ । पञ्च॑ पञ्चा॒शत॑ एकवि॒ंशाः॑ ।

वि॒श्वसृ॑जाँ स॒हस्र॑ सँव॑त्सरं ।

ए॒तेन॑ वै वि॒श्वसृ॑ज इ॒दं वि॒श्व-म॑सृजन्त ।

यद् वि॒श्व-म॑सृजन्त । तस्मा॑द् वि॒श्वसृ॑जः ।

वि॒श्व-मे॒ना-न॒नु प्र॑जायते । ब्रह्म॑ण॒ स्सायु॑ज्यँ स॒लो॒कतां॑ य॒न्ति॑ ।

ए॒ता॒सा॒मे॒व दे॒वता॑ना॒ꣳ सा॒यु॒ज्यं । सा॒र्षि॒ताꣳ स॒मा॒न लो॒कतां॑ य॒न्ति ।
य ए॒त-दु॒प॒य॒न्ति । ये चै॒नत् प्रा॒हुः । येभ्य॑-श्चै॒नत् प्रा॒हुः ॥ ओं ॥ 8
(ओं शान्तिः॑ शान्तिः॑ शान्तिः॑ ॥)

30 प्रदक्षिण मन्त्राः

(Order of chanting of various mantras may vary)

Ref: TA 2.15.1 for 1 / RV 1.27.13 for 2 / TA.6.1.4 for 3 /

TB 1.2.1.26 for 4 / TB 2.4.2.9 for 5 / RV 10.173.5 for 6 /

TB 2.4.6.10 for 7 / RV.5.25.5 for 8 / TS 4.5.3.2 for 9

ये अ॒र्वा॒ङु॒त वा पु॒रा॒णे वे॒दं वि॒द्वाँ॒स॒म॒भि॒तो वद॑न्त्यादि॒त्यमे॒व ते
परि॑वदन्ति॒ सर्वे॑ अ॒ग्निं द्वि॒तीयं॑ तृ॒तीयं॑ च ह॒ँस॒मि॒ति याव॑तीर्वे
दे॒वता॒स्ता स्स॒र्वा वे॒दवि॒दि ब्रा॒ह्म॒णे व॑सन्ति॒ तस्मा॑त् ब्रा॒ह्म॒णेभ्यो॑
वे॒दवि॒द्भ्यो दि॒वेदि॒वे नम॑स्कु॒र्यान्ना॒श्ली॒लं की॑र्तये॒देता ए॒व दे॒वताः॑
प्री॒णाति ॥ 1

नमो॑ मह॒द्भ्यो नमो॑ अ॒र्भके॒भ्यो नमो॑ यु॒वद्भ्यो॑ नम॑ आ॒शिने॒भ्याः ।
य॒जाम॑ दे॒वान् यदि॑श॒क्नवाम॑ मा॒ ज्याय॑सः॒ शं स॒मा वृ॑क्षि दे॒वाः ॥ 2

सद॑स॒स्पति॑ म॒द्भु॒तं प्रि॒य-मि॒न्द्रस्य॑ का॒म्यं । स॒निं मे॒धाम॑या॒सिषं॑ ॥ 3

सप्र॑थ स॒भां मे गो॑पाय । ये च स॒भ्या स्स॒भास॒दः ।
ता॒निन्द्रि॒याव॑तः कुरु । सर्व॑मा॒यु-रु॒पास॑ताम् ।
अहे॑ बु॒द्धि॒निय॑ मन्त्रं मे गोपाय । यमृ॑षयस्त्रै॒विदा॑ वि॒दुः ।
ऋच॑ स्सामा॒नि यजू॑ँषि । सा हि श्री॑रमृ॒ता स॒ताम् ॥ 4

पर्व॑त इ॒वा वि॒शाच॑लिः । इन्द्र॑ इ॒वेह ध्रु॒वस्तिष्ठ॑ । इ॒ह रा॒ष्ट्रमु॑धारय ।
अ॒भितिष्ठ॑न् पृ॒तन्य॑तः । अध॑रे॒सन्तु श॒त्रवः॑ । इन्द्र॑ इ॒व वृ॒त्रहा॑तिष्ठ ॥ 5
(सुमु॑ह॒तोऽस्तु । सुप्र॑तिष्ठितमस्तु ॥))

ध्रु॒वं ते रा॒जा वरु॑णो ध्रु॒वं दे॒वो बृ॒हस्प॑तिः ।
ध्रु॒वं त इन्द्र॑श्चा॒ग्निश्च रा॒ष्ट्रं धा॑रयतां ध्रु॒वं ॥ 6

दे॒वीं वा॑चम॒जन॑यन्त दे॒वाः । तां वि॒श्वरू॑पाः प॒शवो॑ वदन्ति ।
सा॒नो म॒न्त्रेष॑ मूर्जं॒ दुहा॑ना । धे॒नुर्वा॒गस्मानु॑प॒सुष्टु॑तैतु ॥ 7

Vachanam - सुमु॑ह॒र्तो ऽस्त्वित्य॑नु गृह्णन्तु ।

Prati-Vachanam - सुमु॑ह॒र्तोऽस्तु । सुप्र॑तिष्ठितमस्तु ॥

***(Rig Vedic Convention of chanting)**

*अ॒ग्नि-स्तु॑वि॒श्वव॑स्तमं तु॒विब्र॑ह्माणमु॒त्तमं॑ ।

अ॒तूर्तं॑ श्राव॒यत्प॑तिं पु॒त्रं द॑दाति दा॒शुषे॑ ॥

*अ॒ग्निर्-द॑दाति स॒त्पतिं॑ सा॒साह॒ यो यु॒धा नृ॑भिः ।

अ॒ग्निर॒त्यं रघु॑ष्यदं जे॒तार॑-मपरा॒जितं॑ ॥ 8

नमः॑ स॒भाभ्य॑ स॒भाप॑तिभ्यश्च वो नमः॑ ॥ 9

31 प्रोक्षण मन्त्रः

TB 2.6.5.2 for 1 to 3 / TS 1.7.10.3 for 4, 5 / TB 3.5.10.4 for 6 & 7 /
T.B.2.4.4.10 for 8 / RV 10.137.6 for 9 / TA 1.26.5 for 10

दे॒वस्य॑त्वा स॒वितुः॑ प्र॒सवे॑ । अ॒श्विनो॑र् बा॒हुभ्यां॑ ॥ पू॒ष्णो ह॑स्ता॒भ्यां ।
अ॒श्विनो॑र् भै॒षज्ये॑न । तेज॑से ब्र॒ह्मव॑र्चसाया॒भिषि॑ञ्चामि ॥ 1

दे॒वस्य॑त्वा स॒वितुः॑ प्र॒सवे॑ । अ॒श्विनो॑र् बा॒हुभ्यां॑ ॥ पू॒ष्णो ह॑स्ता॒भ्यां ।
सर॑स्वत्यै भै॒षज्ये॑न । वी॒र्या॑यान्नाद्याया॒भिषि॑ञ्चामि ॥ 2

दे॒वस्य॑त्वा स॒वितुः॑ प्र॒सवे॑ । अ॒श्विनो॑र् बा॒हुभ्यां॑ ॥ पू॒ष्णो ह॑स्ता॒भ्यां ।
इन्द्र॑स्येन्द्रि॒येण॑ । श्रि॒यै यश॑से ब॒लाया॑भि॒षिञ्चा॑मि । 3

सोम॑ꣳ राजा॒नं वरु॑ण-म॒ग्नि म॑न्वार॒भाम॑हे ।
आ॒दि॒त्यान् वि॒ष्णुꣳ सूर्यं॑ ब्र॒ह्माण॑ञ्च बृ॒हस्प॑तिं ॥ 4

दे॒वस्य॑त्वा स॒वितुः॑ प्र॒सवे॑ ऽश्विनो॑र् बा॒हुभ्यां॑ पू॒ष्णो ह॑स्ता॒भ्याꣳ
सर॑स्वत्यै वा॒चो य॒न्तुर् य॒न्त्रेणा॑ग्नेस्त्वा सा॒म्राज्ये॑ना
भि॒षिञ्चा॑मीन्द्र॑स्यत्वा सा॒म्राज्ये॑नाभि॒षिञ्चा॑मि बृ॒हस्प॑तेस्त्वा
सा॒म्राज्ये॑नाभि॒षिञ्चा॑मि ॥ 5

आ॒युरा॑शास्ते । सु॒प्र॒जास्त्व॑मा॒शास्ते॑ । स॒जा॒त॒व॒न॒स्या॒मा॒शास्ते॑ ।
उ॒त्त॒रा॒न्दे॒व॒य॒ज्या॒मा॒शास्ते॑ । भू॒यो ह॑विष्क॒रण॒-मा॒शास्ते॑ ।
दि॒व्य॒न्धा॒मा॒शास्ते॑ । वि॒श्वं प्रि॑य॒मा॒शास्ते॑ ।
य॒दने॑न ह॒विषा॑शास्ते ॥ 6

तद॑श्यात्-तदृ॑द्ध्यात् । तद॑स्मै दे॒वा॒रा॒स॒न्तां ॥
तद॑ग्निर् दे॒वो दे॒वेभ्यो॑ व॒न॒ते । व॒य॒म॒ग्नेर् मा॒नु॒षाः ।
इ॒ष्टं च॑ वी॒तं च॑ । उ॒भे च॑ नो द्या॒वापृ॑थि॒वी अ॒ह॒स॒स्पातां॑ ।
इ॒ह ग॑तिर् वा॒म॒स्येदं॑ च । न॒मो दे॒वेभ्यः॑ ॥ 7

द्रु॒प॒दादि॒वेन् मु॑मु॒चा॒नः । स्वि॒न्न-स्स्ना॒त्वी म॒ला॒दिव॑ ।
पू॒तं प॒वि॒त्रेणे॑ वा॒ज्यं । आ॒पः शु॒न्धन्तु॑ मै॒न॒सः ॥
भूर्भु॑व॒स्सुवो॑ भूर्भु॑व॒स्सुवो॑ भूर्भु॑व॒स्सुवः॑ ॥ 8

प्राशन मन्त्रः

आ॒प इ॒द्धा उ॑ भे॒ष॒जीः । आ॒पो अ॒मी॒व॒चा॒त॒नीः ।
आ॒प॒स्सर्व॑स्य भे॒ष॒जी । ता॒स्ते कृ॑ण्वन्तु भे॒ष॒जं ॥ 9

[अ॒काल॑ मृ॒त्यु ह॑रणम् सर्व॑ व्या॒धि नि॒वार॑णं ।

सर्व॑(समस्त) पा॒प॒क्षय॑हरं (दे॒वता॑ नाम*) व॒रुण॑* पा॒थो॒दकं॑ शु॒भं ।]

स्त्रीणां प्राशनेः

आमया॒वी चिन्वी॑त । आपो॒ वै भेष॑जं । भेष॒जमे॒वास्मै॑ करोति ।
सर्व॒मायु॑रेति ॥ 10

32 ओषधि सूक्तं

(TS 4.2.6.1)

या जाता ओषधयो देवेभ्य स्त्रियुगं पुरा ।
मन्दामि बभ्रूणामहं शतं धामानि सप्त च ।
शतं वो अंब धामानि सहस्रमुतवो रुहः ।
अथा शतक्रत्वो यूयमिमं मे अगदं कृत ।
पुष्पावतीः प्रसूवतीः फलिनीरफला उत ।
अश्वा इव सजित्वरीर् वीरुधः पारयिष्णवः ।
ओषधीरिति मातर-स्तद्वो देवी-रुपब्रुवे ।
रपांसि विघ्नतीरित रपश्चातयमानाः ॥ 1

अश्वत्थे वो निषदनं पर्णेवो वसतिः कृता ।
गोभाज इत्किलाऽसथ यथ् सनवथ पूरुषं ।
यदहं वाजय-न्निमा ओषधीर् हस्त आदधे ।
आत्मा यक्ष्मस्य नश्यति पुरा जीव गृभो यथा ।
यदोषधय स्सङ्गच्छन्ते राजान-स्समिताविव ।
विप्र स्स उच्यते भिषग्-रक्षोहाऽमीवचातनः ।

निष्कृ॑तिर् नाम॑ वो मा॒ताऽथा॑ यूय॑ स्थ सङ्कृ॑तीः ।
सराः॑ पत॒त्रिणी॑ स्स्थन॒यदा॒मयति॑ निष्कृ॑त ॥ 2

अ॒न्यावो॑ अ॒न्या-म॑वत्व॒न्या ऽन्यस्या॑ उपा॒वत ।
तास्स॑र्वा ओष॑धय-स्सँवि॒दाना॑ इदं॒ मे प्रा॑वता वचः॑ ।
उच्छु॑ष्मा ओष॑धीनां गावो गो॒ष्ठादि॑वेरते ।
धन॑ स॒निष्यन्ती॑ना-मा॒त्मान॑न्तव पू॒रुष ।
अति॑ वि॒श्वाः परि॑ष्ठाः स्ते न इव॑ व्रज॒मक्र॑मुः ।
ओष॑धयः प्राचु॒च्यवुर् यत्किञ्च॑ त॒नुवा॑ रपः॑ ।
यास्त॑ आत॒स्थु-रा॒त्मानं॑ या आ॒विवि॑शुः परुः॑परुः ।
तास्ते॑ यक्ष्मं॒ वि बा॑धन्तामु॒ग्रो म॑द्ध्यम॒शी-रि॑व ॥ 3

साकं॑ यक्ष्म प्र पत॑ श्येनेन॑ कि॒किदी॑विना॒ ।
साकं॑ वा॒तस्य॑ ध्राज्या सा॒कन्न॑श्य निहाक॒या ।
अ॒श्वाव॑ती सोम॒वती-मूर्ज॑यन्ती मुदो॒जसं॑ ।
आ वि॒त्थिस् सर्वा॑ ओष॑धीरस्मा अरि॒ष्ट ता॑तये ।
याः फ॒लिनी॒र् या अ॒फला॑ अ॒पुष्पा॑याश्च पु॒ष्पिणीः॑ ।

बृह॒स्पति॑प्र॒सूता॒ स्तानो॑ मुञ्च॒न्त्व॒हसः॑ ।
या ओष॑धय॒ स्सोम॑राज्ञीः प्रवि॒ष्टाः पृथि॑वीमनु ॥ 4

तासां॑ त्वम॒स्युत्त॒मा प्र णो॑ जी॒वात॑वेसुव ।
अव॒पत॑न्तीरवदन् दिव ओष॑धयः परि ।
यं जी॒वम॒श्नवाम॑है न स रि॒ष्याति॑ पू॒रुषः॑ ।
याश्चे॒दमुप॑-शृ॒ण्वन्ति॑ याश्च दू॒रं प॑रागताः ।
इह स॒ङ्गत्य॑ ता स्सर्वा॑ अ॒स्मै सं द॑त्त भेषजं ।
मा वो रि॒षत् ख॒निता॑ यस्मै चाऽहं॑ खनामि वः ।
द्विप॑-च्चतु॒ष्पद॒स्माक॑ सर्व॑-मस्त्वनातुरं ।
ओष॑धय॒ स्सं व॑दन्ते सोमै॒न सह॑ राज्ञा ॥
यस्मै॑ क॒रोति॑ ब्राह्म॒णस्त॑ राजन्-पा॒रयाम॑सि ॥ 5

ओं शान्तिः॑ शान्तिः॑ शान्तिः॑ ॥

33 मन्त्र पुष्पं

(TA 1.22.1)

योऽपां पुष्पं वैद । पुष्पवान् प्रजावान् पशुमान् भवति ।
चन्द्रमा वा अपां पुष्पम् । पुष्पवान् प्रजावान् पशुमान् भवति ।
य एवं वैद ॥ 1

योऽपामायतनं वैद । आयतनवान् भवति । अग्निर्वा अपामायतनं ।
आयतनवान् भवति । योऽग्नेरायतनं वैद । आयतनवान् भवति ।
आपो वा अग्नेरायतनं । आयतनवान् भवति । य एवं वैद ॥ 2

योऽपामायतनं वैद । आयतनवान् भवति । वायुर्वा अपामायतनं ।
आयतनवान् भवति । यो वायोरायतनं वैद । आयतनवान् भवति ।
आपो वै वायोरायतनं । आयतनवान् भवति । य एवं वैद ॥ 3

योऽपामायतनं वैद । आयतनवान् भवति ।
असौ वै तपन्नपा-मायतनं ।
आयतनवान् भवति । योऽमुष्य-तपत आयतनं वैद ।
आयतनवान् भवति । आपो वा अमुष्य-तपत आयतनं ।
आयतनवान् भवति । य एवं वैद ॥ 4

योऽपामायतनं वेद । आयतनवान् भवति । चन्द्रमा वा अपामायतनं ।
आयतनवान् भवति । यश्चन्द्रमस आयतनं वेद ।
आयतनवान् भवति । आपो वै चन्द्रमस आयतनं ।
आयतनवान् भवति । य एवं वेद ॥ 5

योऽपामायतनं वेद । आयतनवान् भवति ।
नक्षत्राणि वा अपामायतनं । आयतनवान् भवति ।
यो नक्षत्राणा-मायतनं वेद । आयतनवान् भवति ।
आपो वै नक्षत्राणा-मायतनं । आयतनवान् भवति । य एवं वेद ॥ 6

योऽपामायतनं वेद । आयतनवान् भवति । पर्जन्यो वा अपामायतनं ।
आयतनवान् भवति । यः पर्जन्य-स्यायतनं वेद ।
आयतनवान् भवति । आपो वै पर्जन्यस्यायतनं ।
आयतनवान् भवति । य एवं वेद ॥ 7

योऽपामायतनं वेद । आयतनवान् भवति ।
संवत्सरो वा अपामायतनं । आयतनवान् भवति ।
यस्संवत्सर-स्यायतनं वेद । आयतनवान् भवति ।

आपो॑ वै सँ॑व॒थ्स॒रस्या॑य॒तनं॑ । आ॒य॒त॒न॒वान् भ॑वति ।
य ए॒वं वै॑द ॥ 8

योऽ॒प्सु॒ना॒वं प्र॑ति॒ष्ठि॒तां वै॑द । प्र॒त्ये॒व॒ति॒ष्ठ॒ति ॥ 9

Other Mantras Chanted with "Mantra Pushpam".

रा॒जा॒धि॒रा॒जा॒य प्र॑स॒ह्य सा॑हि॒ने । न॒मो व॑यं वै॒श्रव॑णाय॒ कु॒र्म॒हे ।
स मे॒ का॒मा॒न् का॒म॒का॒मा॒य म॑ह्यं । का॒मे॒श्व॒रो वै॒श्रव॑णो॒ द॒दा॒तु ।
कु॒बे॒रा॒य वै॒श्रव॑णाय । म॒हा॒रा॒जा॒य न॑मः ॥ 1 (TA 1.31.6)

ओं तद्ब्र॑ह्मा । ओं तद्वा॒युः । ओं तदा॒त्मा । ओं तथ्स॒त्यं ।
ओं तथ्सर्वं॑ । ओं तत्पु॒रोर्न॑मः ।
अ॒न्तश्च॑रति॒ भू॒तेषु॑ गु॒हायां॑ वि॒श्वमूर्ति॑षु ।
त्वम्-यँ॑ज॒स्त्वं-वँ॑षट्कार॒स्त्व-मि॒न्द्रस्त्वँ॑-रु॒द्रस्त्वं-
वि॒ष्णुस्त्वं-ब्र॑ह्म॒त्वं प्र॑जा॒पतिः॑ ।
त्वन्त॑दाप॒ आपो॑ ज्योती॒रसो॑ऽमृतं॒ ब्रह्म॑ भूर्भुव॒स्सुव॑रोम् ॥ 2
(TA .6.68.1)

न कर्मणा न प्रजया धनेन त्यागेनैके अमृतत्व-मानशुः ।

परेण नाकं निहितं गुहायां विभ्राजते यद्यतयो विशन्ति ॥ 3

वेदान्तविज्ञान सुनिश्चितार्था-स्सन्यास योगाद्यतय इशुब्ध सत्त्वाः ।

ते ब्रह्मलोके तु परान्तकाले परामृतात् परिमुच्यन्ति सर्वे ॥ 4

दहं विपापं परमैश्वरभूतं यत्पुण्डरीकं पुरमद्ध्य सऽस्थं ।

तत्रापि दहं गगनं विशोक-स्तस्मिन्. यदन्तस्त-दुपासितव्यं ॥ 5

यो वेदादौ स्वरः प्रोक्तो वेदान्ते च प्रतिष्ठितः ।

तस्य प्रकृति-लीनस्य यः परस्स महेश्वरः ॥ 6 (TA .6.12.3)

यो वै तां ब्रह्मणो वेद । अमृतेनावृतां पुरीम् (पुरीम्) ।

तस्मै ब्रह्म च ब्रह्मा च । आयुः कीर्तिं प्रजां ददुः ॥ 7 (TA 1.27.3)

34 अघमर्षण सूक्तं

(TA .6.1.12)

हिरण्यशृङ्गं वरुणं प्रपद्ये तीर्थं मे देहि याचितः ।
यन्मया भुक्त-मसाधूनां पापेभ्यश्च प्रतिग्रहः ।
यन्मे मनसा वाचा कर्मणा वा दुष्कृतं कृतं ।
तन्न इन्द्रो वरुणो बृहस्पति-स्सविता च पुनन्तु पुनःपुनः ।
नमोऽग्नये ऽप्सुमते नम इन्द्राय नमो वरुणाय नमो
वारुण्यै नमोऽद्भ्यः ॥ 1

यदपां क्रूरं यदमेद्ध्यं यदशान्तं तदपगच्छतात् ।
अत्याशना-दतीपानाद्यच्च उग्रात् प्रतिग्रहात् ।
तन्नो वरुणो राजा पाणिना ह्यवमर्शतु ।
सोऽहमपापो विरजो निर्मुक्तो मुक्तकिल्बिषः ।
नाकस्य पृष्ठं मारुह्य गच्छेद् ब्रह्म सलोकतां ।
यश्चाप्सु वरुणस्स पुनात्वघमर्षणः ।
इमं मे गङ्गे यमुने सरस्वति शुतुद्रि स्तोमं सचता परुष्ण्या ।
असिक्निया मरुद्वृधे वितस्तया ऽऽर्जीकीये शुणुह्या सुषोमया ।

ऋ॒तं च॑ स॒त्यं चा॒भी॒द्द्वा॑-त॒प॒सो-ऽद॒ध्य॑जायत ।
ततो॑ रा॒त्रि रजा॑यत तत॑-स्समु॒द्रो अ॑र्णवः ॥ 2

समु॒द्राद॑र्णवा॒दधि॑ सँम्व॒त्सरो॑ अजायत ।
अ॒हो॒रा॒त्राणि॑ वि॒दध॑द्वि॒श्वस्य॑-मि॒षतो॑ व॒शी ।
सू॒र्याच॑न्द्र॒मसौ॑ धा॒ता य॑थापूर्व॑-मक॒ल्पय॑त् ।
दि॒वं च॑ पृ॒थि॒वीं चा॒न्तरि॑क्ष-म॒थो सु॑वः ।
यत्पृ॒थि॒व्याꣳ रजः॑ स्व॒मान्तरि॑क्षे वि॒रोद॑सी ।
इ॒माꣳ स्त॑दापो वरु॒णः पु॒नात्व॑घमर्षणः ।
पु॒नन्तु॑ वसवः पु॒नातु॑ वरु॒णः पु॒नात्व॑घमर्षणः ।
ए॒ष भू॒तस्य॑ म॒द्ध्ये॑ भुव॒नस्य॑ गो॒प्ता ।
ए॒ष पु॒ण्यकृ॑तां लो॒काने॑ष मृ॒त्योर्. हि॒र॒ण्म॒यम् ॥
द्या॒वापृ॒थि॒व्योर्. हि॒र॒ण्म॒यꣳ सꣳश्रि॑तꣳ सु॑वः ॥ 3

स॒न-स्सु॒व-स्सꣳशि॑शाधि । आ॒र्द्रं ज्व॑लति ज्योति॑-रह॒मस्मि॑ ।
ज्योति॑र् ज्वलति ब्र॒ह्मा॒ह-म॑स्मि । योऽह॑-मस्मि ब्र॒ह्मा॒ह-म॑स्मि ।
अ॒हम॑स्मि ब्र॒ह्मा॒ह-म॑स्मि । अ॒हमे॒वाहं॑ मां जु॒होमि॑ स्वाहा ॥
अ॒का॒र्य॒का॒र्य॒वकी॑र्णी स्ते॒नो भ्रू॑णहा गुरु॒तल्प॑गः ।

वरु॑णो॒ऽपा-म॑घमर्ष॒ण-स्तस्मा॑त् पा॒पात्प्र॑मुच्यते ।
रजो॑भू॒मिस्त्व॑ मा॒ꣳ रोद॑यस्व प्रव॑दन्ति धी॒राः॑ ।
आक्रा॑न् थ्समु॒द्रः प्र॑थमे वि॒धर्म॑ञ्ज॒नयन्॑ प्र॒जा भुव॑नस्य॒ राजा॑ ।
वृषा॑ प॒वित्रे॒ अधि॑सानो॒ अव्ये॑ बृ॒हथ्सो॑मो वावृ॑धे सुवा॒न इ॒न्दुः॑ ॥ 4

35 त्रिसुपर्ण मन्त्रः

(TA 6.38.1)

ब्र॒ह्ममे॒तु मां । मधु॑मे॒तु मां । ब्र॒ह्ममे॒व मधु॑मे॒तु मां ।
यास्ते॑ सोम॒ प्रजा॑ व॒थ्सोऽभि॑ सो अ॒हं । दुःष्व॑ज्ज॒हन्दु॑रुष॒ह ।
यास्ते॑ सोम॒ प्राणा॑ऽस्ताञ्जु॒होमि॑ ।
त्रि॒सुपर्ण॑ मया॒चितं॑ ब्रा॒ह्मणा॑य दद्यात् ।
ब्र॒ह्मह॒त्यां वा॑ ए॒ते घ्न॑न्ति । ये ब्रा॒ह्मणा॑-स्त्रि॒सुपर्णं॑ प॒ठन्ति॑ ।
ते सोमं॑ प्राप्नु॒वन्ति॑ । आ स॒हस्रा॑त् प॒ङ्क्तिं पु॑नन्ति । ओं ॥ 1

ब्र॒ह्म मे॒धया॑ । मधु॑ मे॒धया॑ । ब्र॒ह्ममे॒व मधु॑ मे॒धया॑ ।
अद्या॑ नो दे॒व स॒वितः॑ प्र॒जाव॑थ॒सावी-स्सौ॑भ॒गं ।
परा॑ दुःष्व॑ज्जि॒यः सु॒व । वि॒श्वानि॑ दे॒व स॒वितर् दु॑रि॒तानि॑ परा॒सुव॑ ।
यद्भ॒द्रं तन्म॑ आ॒सुव॑ । मधु॑ वा॒ता ऋ॒ताय॑ते मधु॑ क्षर॒न्ति सि॒न्धवः॑ ।
मा॒ध्वीर् न॑स्सन्त्वोष॒धीः ।
मधु॑ न॒क्तमु॒तोष॑सि मधु॑म॒त्पार्थि॑वः रजः ।
मधु॑ द्यौर॒स्तु नः॑ पि॒ता । मधु॑मा॒न्नो व॒नस्प॑तिर् मधु॑माऽ॒स्तु सूर्यः॑ ।
मा॒ध्वीर्गा॒वो भ॑वन्तु नः ।
य इ॒मं त्रि॒सुपर्ण॑ मया॒चितं॑ ब्रा॒ह्मणा॑य दद्यात् ।

भ्रू॒णह॒त्यां वा ए॒ते घ्न॑न्ति । ये ब्रा॒ह्म॒णा-स्त्रि॑सु॒पर्णं प॑ठन्ति ।
ते सोमं प्राप्नु॑वन्ति । आ॒स॒ह॒स्रात् प॒ङ्क्तिं पुन॑न्ति । ओं ॥ 2

ब्र॒ह्म मे॒धवा॑ । मधु॑ मे॒धवा॑ । ब्र॒ह्ममे॒व मधु॑ मे॒धवा॑ ।
ब्र॒ह्मा दे॒वानां॑ प॒दवीः॑ क॒वीना-मृ॑षिर् वि॒प्राणां॑ म॒हिषो मृ॑गाणां ।
श्ये॒नो गृ॑द्घ्राणा॒ऽस्व॒धिति॑र् वना॒नाऽसो॑मः प॒वित्र-म॒त्येति॑ रेभ॒न् ।
ह॒स-श्शु॑चि॒षद्-व॑सु॒रन्तरि॑क्ष-स॒द्धोता॑-वे॒दिष॑दति॒थिर् दुरो॑ण॒सत् ।
नृ॒षद्-वर॑स॒द्-ऋ॒तस॑द्-व्योम॒सद॒ब्जा गो॒जा ऋ॒तजा॑
अ॒द्रिजा॑ ऋ॒तं बृ॒हत् ॥ 3

ऋ॒चे त्वा रु॒चे त्वा॑ स॒मि-थ्स्र॑वन्ति स॒रितो॑ न धे॒नाः ।
अ॒न्तर् हृ॒दा म॒नसा॑ पू॒यमा॑नाः । घृ॒तस्य॑ धा॒रा अ॒भिचा॑क॒शीमि॑ ।
हि॒र॒ण्य॒यो वे॒तसो॑ म॒द्ध्य आ॑साम् ।
तस्मि॑न्त्सु॒पर्णो म॑धुकृ॒त् कु॒लायी॑ भ॒जन्ना॑स्ते मधु॑ दे॒वता॑भ्यः ।
तस्या॑स॒ते ह॒रय॑-स्स॒प्तती॑रे स्व॒धां दु॑हाना अ॒मृत॑स्य धा॒रां ।
य इ॒दं त्रि॑सु॒पर्ण म॑या॒चितं ब्रा॒ह्म॒णाय॑ दद्यात् ।
वी॒रह॒त्यां वा ए॒ते घ्न॑न्ति । ये ब्रा॒ह्म॒णा-स्त्रि॑सु॒पर्णं प॑ठन्ति ।
ते सोमं प्राप्नु॑वन्ति । आ॒स॒ह॒स्रात् प॒ङ्क्तिं पुन॑न्ति । ओं ॥ 4

36 जयादि होमः

TS 3.4.4.1

(एतत् कर्म समृद्ध्यर्थं जयादि होमं करिष्ये)

चित्तञ्च स्वाहा – चित्ताय इदं न मम ॥	1
चित्तिश्च स्वाहा – चित्त्या इदं न मम ॥	2
आकूतञ्च स्वाहा – आकूताय इदं न मम ॥	3
आकूतिश्च स्वाहा – आकूत्या इदं न मम ॥	4
विज्ञातञ्च स्वाहा – विज्ञाताय इदं न मम ॥	5
विज्ञानश्च स्वाहा – विज्ञानाय इदं न मम ॥	6
मनश्च स्वाहा – मनस इदं न मम ॥	7
शक्वरीश्च स्वाहा – शक्वरीभ्य इदं न मम ॥	8
दर्शाश्च स्वाहा – दर्शाय इदं न मम ॥	9
पूर्णमासश्च स्वाहा – पूर्णमासाय इदं न मम ॥	10
बृहच्च स्वाहा – बृहत इदं न मम ॥	11
रथन्तरश्च स्वाहा – रथन्तराय इदं न मम ॥	12

प्र॒जाप॑तिर्-जया॒निन्द्रा॑य वृ॒ष्णे प्रा॑यच्छ-दु॒ग्रः पृ॑तनाज्येष्ठ तस्मै
वि॒श्व स्स॑मनमन्त॒ सर्वा॑स्स उ॒ग्र स्स॑ हि ह॒व्यो ब॒भूव॑ स्वाहा ॥

प्रजापतय इदं न मम ॥

13

TS 3.4.5.1

अ॒ग्निर् भू॒ताना॑मधिपति स्समा॑वत्वस्मिन् ब्र॒ह्मन्ना॑स्मिन्
क्ष॒त्रेऽस्या॑ मा॒शिष्य॑स्यां पु॒रोधा॑याम॒स्मिन् क॑र्मन्नास्यां दे॒वहू॑त्या॒ स्वाहा ॥

अग्नय इदं न मम ॥

14

इन्द्रो॑ ज्येष्ठानामधिपति स्समा॑वत्वस्मिन् ब्र॒ह्मन्ना॑स्मिन् क्ष॒त्रेऽस्या॑-
मा॒शिष्य॑स्यां पु॒रोधा॑याम॒स्मिन् क॑र्मन्नास्यां दे॒वहू॑त्या॒ स्वाहा ॥

इन्द्राय इदं न मम ॥

15

यमः॑ पृथिव्याऽधिपति स्समा॑वत्वस्मिन् ब्र॒ह्मन्ना॑स्मिन् क्ष॒त्रेऽस्या॑-
मा॒शिष्य॑स्यां पु॒रोधा॑याम॒स्मिन् क॑र्मन्नास्यां दे॒वहू॑त्या॒ स्वाहा ॥

यमाय इदं न मम ॥

16

वा॒यु-र॒न्तरि॑क्षस्या-धिपति स्समा॑वत्वस्मिन् ब्र॒ह्मन्ना॑स्मिन् क्ष॒त्रेऽस्या॑-
मा॒शिष्य॑स्यां पु॒रोधा॑याम॒स्मिन् क॑र्मन्नास्यां दे॒वहू॑त्या॒ स्वाहा ॥

वायव इदं न मम ॥

17

सूर्यो॑ दि॒वोऽधि॑पति॒ स्समा॑वत्वस्मिन् ब्रह्म॑न्नस्मिन् क्षत्रे॑ऽस्या-
मा॒शिष्य॒स्यां पु॑रो॒धायाम॑स्मिन् कर्म॑न्नस्यां दे॒वहू॑त्या॒७ स्वाहा॑ ।
सूर्याय॑ इदं न मम ॥

18

चन्द्र॑मा नक्ष॑त्राणा-मधि॑पति॒ स्समा॑वत्वस्मिन् ब्रह्म॑न्नस्मिन् क्षत्रे॑ऽस्या-
मा॒शिष्य॒स्यां पु॑रो॒धायाम॑स्मिन् कर्म॑न्नस्यां दे॒वहू॑त्या॒७ स्वाहा॑ ।
चन्द्र॑मस इदं न मम ॥

19

बृह॑स्पति॒र् ब्रह्म॑णोऽधि॑पति॒ स्समा॑वत्वस्मिन् ब्रह्म॑न्नस्मिन् क्षत्रे॑ऽस्या-
मा॒शिष्य॒स्यां पु॑रो॒धायाम॑स्मिन् कर्म॑न्नस्यां दे॒वहू॑त्या॒७ स्वाहा॑ ।
बृह॑स्पतय इदं न मम ॥

20

मित्र॑-स्सत्यानामधि॑पति॒ स्समा॑वत्वस्मिन् ब्रह्म॑न्नस्मिन् क्षत्रे॑ऽस्या-
मा॒शिष्य॒स्यां पु॑रो॒धायाम॑स्मिन् कर्म॑न्नस्यां दे॒वहू॑त्या॒७ स्वाहा॑ ।
मित्रा॑य इदं न मम ॥

21

वरु॑णोऽपामधि॑पति॒ स्समा॑वत्वस्मिन् ब्रह्म॑न्नस्मिन् क्षत्रे॑ऽस्या-
मा॒शिष्य॒स्यां पु॑रो॒धायाम॑स्मिन् कर्म॑न्नस्यां दे॒वहू॑त्या॒७ स्वाहा॑ ।
वरु॑णाय इदं न मम ॥

22

समु॒द्रः स्रो॒त्याना॒-मधि॑पति॒ स्समा॑वत्वस्मिन् ब्रह्म॑न्नस्मिन् क्षत्रे॑ऽस्या-
माशि॑ष्यस्यां पु॒रोधा॑यामस्मिन् कर्म॑न्नस्यां दे॒वहू॑त्या॒ स्वाहा॑ ।

समुद्राय इदं न मम ॥

23

अन्नं॑ साम्राज्याना॒-मधि॑पति॒-तन्मा॑वत्वस्मिन् ब्रह्म॑न्नस्मिन्
क्षत्रे॑ऽस्या-माशि॑ष्यस्यां पु॒रोधा॑यामस्मिन् कर्म॑न्नस्यां
दे॒वहू॑त्या॒ स्वाहा॑ ।

अन्नाय इदं न मम ॥

24

सोम॑ ओष॒धीना॒-मधि॑पति॒ स्समा॑वत्वस्मिन् ब्रह्म॑न्नस्मिन् क्षत्रे॑ऽस्या-
माशि॑ष्यस्यां पु॒रोधा॑यामस्मिन् कर्म॑न्नस्यां दे॒वहू॑त्या॒ स्वाहा॑ ।

सोमाय इदं न मम ॥

25

सवि॑ता प्र॒सवा॑ना॒-मधि॑पति॒ स्समा॑वत्वस्मिन् ब्रह्म॑न्नस्मिन् क्षत्रे॑ऽस्या-
माशि॑ष्यस्यां पु॒रोधा॑यामस्मिन् कर्म॑न्नस्यां दे॒वहू॑त्या॒ स्वाहा॑ ।

सवित्र इदं न मम ॥

26

रु॒द्रः प॑शूनामधिपति स्समावत्वस्मिन् ब्रह्मन्त्रस्मिन् क्षत्रे॑ऽस्या-
माशिष्यस्यां पुरो॑धाया॒मस्मिन् कर्म॑न्त्रस्यां देव॑हूत्या॒७ स्वाहा॑ ।

रुद्राय इदं न मम ॥

27

(अप उपस्पृश्य -This is not a Mantra, but an instruction to
cleanse your hand with water)

त्वष्टा रूपाणा-मधिपति स्समावत्वस्मिन् ब्रह्मन्त्रस्मिन् क्षत्रे॑ऽस्या-
माशिष्यस्यां पुरो॑धाया॒मस्मिन् कर्म॑न्त्रस्यां देव॑हूत्या॒७ स्वाहा॑ ।

त्वष्ट इदं न मम ॥

28

विष्णुः पर्व॑ताना-मधिपति स्समावत्वस्मिन् ब्रह्मन्त्रस्मिन् क्षत्रे॑ऽस्या-
माशिष्यस्यां पुरो॑धाया॒मस्मिन् कर्म॑न्त्रस्यां देव॑हूत्या॒७ स्वाहा॑ ।

विष्णव इदं न मम ॥

29

मरु॑तो गणाना-मधिपतयस्ते-मा॒ऽवन्त्वस्मिन् ब्रह्मन्त्रस्मिन् क्षत्रे॑ऽस्या-
माशिष्यस्यां पुरो॑धाया॒मस्मिन् कर्म॑न्त्रस्यां देव॑हूत्या॒७ स्वाहा॑ ।

मरुद्भ्य इदं न मम ॥

30

पित॑रः पिताम॑हाः परेऽव॑रे तता॑स्तताम॑हा इ॒हमा॑वतास्मिन् ब्र॒ह्मन्ना॑स्मिन्
क्षत्रे॑ऽस्यामाशिष्यस्यां पुरो॑धाया॑मस्मिन् कर्म॑न्नस्यां
दे॒वहू॑त्या॒ स्वाहा॑ ॥ पितृ॑भ्य इदं न मम ॥ 31
मन्त्रो॑क्त दे॒वता॑भ्य इदं न मम ॥

(अप उपस्पृश्य – This is not a Mantra, but an instruction to cleanse your hand with water)

TS 3.4.7.1 (upto Para 53)

ऋ॒ताषा॑ड् ऋ॒तधा॑माऽग्नि॑र्-गन्ध॑र्व-स्तस्यौष॑धयो-ऽप्सर॑स ऊ॒र्जो
नाम॑ स इ॒दं ब्र॒ह्म क्ष॒त्रं पा॑तु ता इ॒दं ब्र॒ह्मक्ष॒त्रं पा॑न्तु तस्मै॑ स्वाहा॑ ॥
अ॒ग्नये॑ गन्ध॑र्वाय इदं न मम ॥ 32

ता॒भ्यः स्वाहा॑ ॥ ओष॑धीभ्योऽप्सरो॑भ्य इदं न मम ॥ 33

स॒ं॒हि॒तो वि॒श्वसा॑मा सूर्यो॑ गन्ध॑र्वस्तस्य मरी॑चयो ऽप्सर॑स आ॒युवो॑
नाम॑ स इ॒दं ब्र॒ह्म क्ष॒त्रं पा॑तु ता इ॒दं ब्र॒ह्म क्ष॒त्रं पा॑न्तु तस्मै॑ स्वाहा॑ ॥
सूर्या॑य गन्ध॑र्वाय इदं न मम ॥ 34

ता॒भ्यः स्वाहा॑ ॥ मरी॑चिभ्यो ऽप्सरो॑भ्य इदं न मम ॥ 35

सु॒षु॒म्न॑ स्सूर्य॑र॒श्मिश्च॑न्द्र॒मा॑ गन्धर्वस्तस्य॑ नक्ष॒त्राण्य॑प्सरसो॑
बे॒कुर॑यो॒ नाम॒ स॒ इ॒दं ब्र॑ह्म॒ क्ष॒त्रं पा॑तु॒ ता इ॒दं ब्र॑ह्म॒ क्ष॒त्रं पा॑न्तु॒ तस्मै॑
॥
स्वाहा॑ ।

चन्द्र॑मसे गन्धर्वाय॑ इदं न मम ॥ 36

॥
ताभ्यः॑ स्वाहा॑ । नक्ष॒त्रेभ्यो॑ऽप्सरोभ्य॑ इदं न मम ॥ 37

भु॒ज्युस्सु॑पर्णो॒ यज्ञो॑ गन्धर्वस्तस्य॑ दक्षि॒णा अ॑प्सरस॒-स्तवा॑
नाम॒ स॒ इ॒दं ब्र॑ह्म॒ क्ष॒त्रं पा॑तु॒ ता इ॒दं ब्र॑ह्म॒ क्ष॒त्रं पा॑न्तु॒ तस्मै॑ स्वाहा॑ ।
॥

यज्ञाय॑ गन्धर्वाय॑ इदं न मम ॥ 38

॥
ताभ्यः॑ स्वाहा॑ । दक्षि॒णाभ्यो॑ ऽप्सरोभ्य॑ इदं न मम ॥ 39

प्र॒जाप॑तिर् वि॒श्वकर्मा॑ मनो॑ गन्धर्वस्तस्य॑ र॒ख्स्सामान्य॑प्सरसो॑
व॒ह्नयो॑ नाम॒ स॒ इ॒दं ब्र॑ह्म॒ क्ष॒त्रं पा॑तु॒ ता इ॒दं ब्र॑ह्म॒ क्ष॒त्रं पा॑न्तु॒ तस्मै॑
॥
स्वाहा॑ । मनसे गन्धर्वाय॑ इदं न मम ॥ 40

॥
ताभ्यः॑ स्वाहा॑ । ऋ॒ख् सामे॑भ्योऽप्सरोभ्य॑ इदं न मम ॥ 41

इ॒षि॒रो वि॒श्वव्य॑चा वा॒तो गन्ध॑र्वस्तस्यापो॑ऽप्सरसो॑ मु॒दा ना॒म
स इ॒दं ब्र॑ह्म क्ष॒त्रं पा॑तु ता इ॒दं ब्र॑ह्म क्ष॒त्रं पा॑न्तु तस्मै॑ स्वाहा॑ ।

वा॒ताय॑ गन्ध॑र्वाय॑ इ॒दं न म॑म ॥ 42

ता॒भ्यः स्वाहा॑ । अ॒द्भ्योऽप्स॑रोभ्य॑ इ॒दं न म॑म ॥ 43

भु॒वन॑स्य॒ प॒ते य॑स्य॒त उ॒परि॑ गृ॒हा इ॒ह च॑ ।

स॒नो रा॒स्वाज्या॑निꣳ रा॒यस्पोषꣳ सु॒वीर्यꣳ सं॒वँथ्स॑रीणाꣳ
स्व॒स्तिꣳ स्वाहा॑ । भु॒वन॑स्य॒ प॒त्ये इ॒दं न म॑म ॥ 44

प॒रमे॑ष्ठ्य॒धि॒पति॑र् मृ॒त्युर् गन्ध॑र्वस्तस्य॒ विश्व॑मप्सरसो॑ भु॒वो ना॒म
स इ॒दं ब्र॑ह्म क्ष॒त्रं पा॑तु ता इ॒दं ब्र॑ह्म क्ष॒त्रं पा॑न्तु तस्मै॑ स्वाहा॑ ।

मृ॒त्यवे॑ गन्ध॑र्वाय॑ इ॒दं न म॑म ॥ 45

ता॒भ्यः स्वाहा॑ । वि॒श्वस्मा॑ ऽप्स॑रोभ्य॑ इ॒दं न म॑म ॥ 46

सु॒क्षि॒ति स्सु॑भूति॒र् भद्र॑कृ॒त् सु॒वर्वा॑न् प॒र्जन्यो॑ गन्ध॑र्वस्तस्य॒ विद्यु॑तो॑
ऽप्सर॑सो रु॒चो ना॒म स इ॒दं ब्र॑ह्म क्ष॒त्रं पा॑तु ता इ॒दं ब्र॑ह्म क्ष॒त्रं
पा॑न्तु तस्मै॑ स्वाहा॑ । प॒र्जन्या॑य॒ गन्ध॑र्वाय॑ इ॒दं न म॑म ॥ 47

ता॒भ्यः स्वाहा॑ । वि॒द्युद्भ्यो॑-ऽप्स॑रोभ्य॑ इ॒दं न म॑म ॥ 48

दूरे॑हेति॑रमृ॒डयो॑ मृ॒त्युर् गन्ध॑र्वस्तस्य॑ प्र॒जा अ॑प्सरसो॑ भीरु॒वो
नाम॑ स इ॒दं ब्र॑ह्म क्ष॒त्रं पा॑तु ता इ॒दं ब्र॑ह्म क्ष॒त्रं पा॑न्तु तस्मै॑ स्वाहा॑ ॥
मृ॒त्यवे॑ गन्ध॑र्वाय इ॒दं न मम॑ ॥ 49

ताभ्यः॑ स्वाहा॑ ॥ प्र॒जाभ्यो॑-ऽप्सरो॑भ्य इ॒दं न मम॑ ॥ 50

चारुः॑ कृ॒पण॑काशी॒ कामो॑ गन्ध॑र्वस्त-स्या॒धयो॑प्सरस-
श्शोच॑यन्ती॒र् नाम॑ स इ॒दं ब्र॑ह्म क्ष॒त्रं पा॑तु ता इ॒दं ब्र॑ह्म क्ष॒त्रं
पा॑न्तु तस्मै॑ स्वाहा॑ ॥ का॒माय॑ गन्ध॑र्वाय इ॒दं न मम॑ ॥ 51

ताभ्यः॑ स्वाहा॑ ॥ आ॒धिभ्यो॑-ऽप्सरो॑भ्य इ॒दं न मम॑ ॥ 52

स नो॑ भु॒वनस्य॑ प॒ते यस्य॑त उ॒परि॑ गृ॒हा इ॒ह च॑ ।
उ॒रु ब्र॑ह्म॒णेस्मै॑ क्ष॒त्राय॑ म॒हि श॑र्म यच्छ॑ स्वाहा॑ ॥
भु॒वनस्य॑पत्ये ब्र॒ह्मण॑ इ॒दं न मम॑ ॥ 53

(Recite in mind) (TS 1.8.14.2)

प्र॒जाप॑ते न त्वदे॒तान्य॑न्यो वि॒श्वा जा॑तानि॒ परि॑ ता ब॒भूव॑ ।
यत्का॑मास्ते जुहु॒मस्तन्नो॑ अस्तु॒ वय॑ꣳ स्याम॑ प॒तयो॑ रयी॒णाꣳ स्वाहा॑ ॥
प्र॒जाप॑तय इ॒दं न मम॑ ॥ (mind recital ends) 54

भू॑ स्स्वाहा॑ - अ॒ग्नय॑ इ॒दं न मम॑ ॥ 55

॥
भुव॒ स्स्वाहा॑ – वा॒यव॑ इ॒दं न॑ म॒म ॥ 56

॥
सुव॒ स्स्वाहा॑ – सू॒र्याय॑ इ॒दं न॑ म॒म ॥ 57

यद॑स्य॒ कर्म॑णो ऽत्य॑री॒रिचं॑ य॒द्वा-न्यून॑- मि॒हाकरं॑ ।
अ॒ग्नि॑ष्टत् स्वि॒ष्टकृ॑तत् वि॒द्वान्-थ्सर्व॑ऽस्वि॒ष्टऽ सु॑हु॒तं करो॑तु॒ स्वाहा॑ ॥
अ॒ग्नये॑ स्वि॒ष्टकृ॑त इ॒दं न॑ म॒म ॥ 58

Instructions, not Mantra - (परि॒ध्यञ्जनं॑ न ले॒पकार्यं॑ परि॒धि
प्र॒हरः॑ – इ॒तरौ॑ प्र॒हरन्-आ॑घार॒ समि॑धौ प्र॒हृत्य॑स॒ऽ स्रा॑वं जु॒होति॑ ।)

॥
स्वाहा॑ । वसु॑भ्यो रु॒द्रेभ्य॑ आ॒दित्ये॑भ्य स॒ऽ स्रा॑व भा॒गेभ्य॑
इ॒दं न॑ म॒म ॥ 59

अ॒स्मिन् हो॒म कर्म॑णि म॒द्ध्ये सं॑भावित॒ मन्त्र॑लोभादि
सक॑ल दोषस्य प्रायश्चित्तार्थं सर्वप्रायश्चित्तं होष्यामि ।

॥
ओं भूर्भु॑व॒स्सुव॒ स्स्वाहा॑ – प्र॒जाप॑तय इ॒दं न॑ म॒म ॥ 60

ज्ञा॒ताज्ञा॑त दोष॒ निर्हर॑णार्थं अ॒नाज्ञा॑त त्रय॒ होमं॑ करिष्ये ।

॥
अ॒नाज्ञा॑तं यँदा॒ज्ञातं॑ । य॒ज्ञस्य॑ क्रि॒यते॑ मि॒थु ।

अ॒ग्ने तद॑स्य कल्पय । त्व॑ हि वे॒त्थे यथा॑तथ॒ऽ स्वाहा॑ ॥

अ॒ग्नय॑ इ॒दं न॑ म॒म ॥ (TB 3.7.11.5) 1

पु॒रुष॑ स॒मि॒तो य॒ज्ञः । य॒ज्ञः पु॒रुष॑स॒मि॒तः ।
अ॒ग्ने तद॑स्य क॒ल्पय॑ । त्व॒ं हि वे॒त्थे यथा॑तथ॒ ॥ स्वाहा॑ ।

अ॒ग्नय॑ इ॒दं न॑ म॒म ॥ (TB 3.7.11.5) 2

यत्पा॑क॒त्रा म॒नसा॑ दी॒नद॑क्षा न । य॒ज्ञस्य॑ म॒न्वते॑ म॒र्त्तासः॑ ।
अ॒ग्नि॒ष्टब्धो॑ता॒ क्रतु॑ वि॒द्विजा॒नन् । यजि॑ष्ठो दे॒वां ऋ॑तु॒शो य॑जाति॒
॥ स्वाहा॑ । (TB 3.7.11.5)

अ॒ग्नय॑ इ॒दं न॑ म॒म ॥ 3

भू॒ स्स्वाहा॑ – अ॒ग्नय॑ इ॒दं न॑ म॒म ॥ 4

भुव॒ स्स्वाहा॑ – वा॒यव॑ इ॒दं न॑ म॒म ॥ 5

सुव॒ स्स्वाहा॑ – सू॒र्याय॑ इ॒दं न॑ म॒म ॥ 6

ओं भू॒र्भुव॑स्सुव॒ स्स्वाहा॑ – प्र॒जाप॑तय इ॒दं न॑ म॒म ॥ 7

श्री॑ वि॒ष्णवे॑ स्वाहा – श्री॑ वि॒ष्णवे॑ पर॒मात्म॑न इ॒दं न॑ म॒म ॥ 8

नमो॑ रु॒द्राय॑ प॒शुप॑तये स्वाहा – रु॒द्राय॑ प॒शुप॑तय इ॒दं न॑ म॒म ॥ 9

(अप उपस्पृश्य – This is not a Mantra, but an instruction to cleanse your hand with water)

36.1 वसोर्धारा मन्त्र पाठः

T.S. 5-4-8-1

वसो॒र्धा॒रां जु॒होति॑ वसो॒र्मे॑ धा॒राऽस॒दिति॑ वा ए॒षा हू॒यते॑ घृ॒तस्य॑ वा
ए॒नमे॒षा धा॒राऽमु॒ष्मिन् लो॒के पि॒न्वमा॒नोप॑ तिष्ठ॒त,

आज्ये॑न जु॒होति॑ ते॒जो वा, आ॒ज्यं ते॒जो वसो॒र्धा॒रा तेज॑सै॒वास्मै॑ ते॒जोऽव॑
रु॒न्धे ,

ऽथो॒ कामा॒ वै वसो॒र्धा॒रा कामा॑ने॒वाऽव॑ रु॒न्धे,

यं का॒मये॑त प्रा॒णान॑स्यान्नाद्यं॑ वि॒,

T.S. 5-4-8-2

च्छि॒न्द्या॒मिति॑ वि॒ग्राहं॑ तस्य॑ जुहु॒यात् प्रा॒णाने॒वास्याऽन्नाद्यं॑ विच्छि॒नन्ति॑,

यं का॒मये॑त प्रा॒णान॑स्याऽन्नाद्यं॑ स॒न्तनु॑यामि॒ति स॒न्ततां॑ तस्य॑ जुहु॒यात्
प्रा॒णाने॒वास्याऽन्नाद्यं॑ स॒न्तनो॑ति॒ ,

द्वा॒दश॑ द्वा॒दशा॑नि जु॒होति॑ द्वा॒दश॑ मा॒सा स्सं॑म्व॒त्सर॑ स्सं॑म्व॒त्सरे॒णै
वाऽस्मा॑ अ॒न्नम॑व॒रुन्धे॑,

ऽन्नं॑ च मेऽक्षु॑च्च म॒ इत्या॑है॒तद् वा

T.S. 5-4-8-3

अ॒न्नस्य॑ रू॒पं॑ꣳ रू॒पेणै॒वान्न॑ऽमव॑ रु॒न्धे,

ऽग्निश्च॑ म॒ आपश्च॑ म॒ इत्या॑हैषा वा अ॒न्नस्य॑ यो॒निस्स॑ यौ॒न्ये॒वान्न॑म॒ऽव
रु॒न्धे,

–ऽर्धेन्द्राणि॑ जुहोति॑ दे॒वता॑ ए॒वाऽव॑ रु॒न्धे यथ् सर्वे॑षा–म॒र्द्धमिन्द्रः॑
प्रति॑ तस्मादिन्द्रो॑ दे॒वता॑नां भूयिष्ठ॑भा॒क्तम॑ इन्द्रमु॒त्तर॑माहे–
न्द्रि॒यमे॒वाऽस्मि॑–न्नुप॑रिष्ठाद् दधाति,

य॒ज्ञायु॑धानि जुहोति॑ य॒ज्ञो

T.S. 5-4-8-4

वै य॒ज्ञायु॑धानि य॒ज्ञमे॒वाऽव॑ रु॒न्धेऽथो॑ ए॒तद्वै॑ य॒ज्ञस्य॑ रू॒पं॑ रू॒पेणै॒व
य॒ज्ञम॑व रु॒न्धे,

ऽव॒भृथश्च॑ मे स्व॒गाका॑रश्च म॒ इत्या॑ह स्व॒गाकृ॑त्या,

अ॒ग्निश्च॑ मे घ॒र्मश्च॑ म॒ इत्या॑हैतद् वै ब्र॒ह्मव॑र्च॒सस्य॑ रू॒पं॑
रू॒पेणै॒व ब्र॒ह्मव॑र्च॒सम॑व रु॒न्धे,

ऋक्च॑ मे साम॑ च म॒ इत्या॑है

T.S. 5-4-8-5

त॒द्वै छ॒न्द॒सा॒ꣳ रू॒प॒ꣳ रू॒पे॒णै॒व छ॒न्दा॒ꣳस्य॑व॒ रु॒न्धे॒,

ग॒र्भा॑श्च॒ मे व॒त्सा॑श्च॒ म इ॒त्या॑है॒तद् वै प॑शू॒ना॒ꣳ रू॒प॒ꣳ रू॒पे॒णै॒व
प॒शू॒न॒व॒ रु॒न्धे॒,

क॒ल्पा॑ञ्जु॒हो॒त्य क॒ळ॑प्त॒स्य क॒लृ॑प्त्यै॒,

यु॒ग्म॒द यु॒जे जु॑होति मि॒थु॒न॒त्वा॒यो॑—,

त्त॒रा॒व॒ती भ॑वतोऽभि॒क्रा॑न्त्या॒,

एका॑ च॒ मे ति॒स्रश्च॑ म॒ इ॒त्या॑ह दे॒व॒छ॒न्द॒सं वा॑ ए॒का च॑ ति॒स्रश्च॑

T.S. 5-4-8-6

म॒नु॒ष्य॒छ॒न्द॒सं च॑त॒स्रश्चा॑ष्टौ च॒ दे॒व॒छ॒न्द॒सं चै॒व
म॒नु॒ष्य॒छ॒न्द॒सं चा॑ऽव॒ रु॒न्धे॒,

आ त्र॑य॒स्त्रि॒ꣳ श॒तो जु॑होति त्र॑य॒स्त्रि॒ꣳ श॒द्वै दे॒वता॑ दे॒वता॑

ए॒वाऽव॑ रु॒न्धे आ॑ऽष्टा च॒त्वारि॑ꣳ श॒तो जु॑होत्य॒ष्टा च॒त्वारि॑ꣳ श॒दक्ष॑रा
ज॒गती॑ जा॒गताः॑ प॒शवो॑ ज॒ग॒त्यै॒वाऽस्मै॑ प॒शू॒न॒व॒ रु॒न्धे॒,

वा॒जश्च॑ प्र॒स॒वश्चे॑ति॒ द्वा॒द॒शं जु॑होति॒ द्वा॒द॒श मा॑सां॒ स्सँ॑म्ब॒थ्स॒र
स्सँ॑म्ब॒थ्स॒र ए॒व प्र॑ति॒ तिष्ठ॑ति ॥

ओं शान्तिः॑ शान्तिः॑ शान्तिः॑ ॥

36.2 पूर्णाहुतिः

(TB 3.8.10.5)

पूर्णा॑हु॒ति-मु॒त्त॒मां जु॑होति । सर्वं॑ वै पूर्णा॑हु॒तिः । सर्व॑मे॒वाप्नो॑ति ।
अथो॑ इ॒यं वै पूर्णा॑हु॒तिः । अ॒स्यामे॒व प्र॑ति॒ तिष्ठ॑ति ॥

(TS 1.5.3.2)

स॒प्त ते॑ अ॒ग्ने स॒मिध॑ स्स॒प्तजि॒ह्वा-स्स॒प्तर्ष॑य-स्स॒प्तधा॑म प्रि॒याणि॑ ।
स॒प्त हो॒त्रा स्स॒प्तधा॑ त्वा यज॑न्ति स॒प्तयो॑नी-रा॒पृण॑स्वा घृ॒तेन॑ स्वाहा॑ ।
अ॒ग्नये॑ स॒प्तव॑त इ॒दं न॑ मम ॥

37 घन मन्त्राः

37.1 मे जीवातुः

(T.S.4.7.3.2)

वाक्यं- मे जीवातुश्च मे, दीर्घायुत्वं च मे, ऽनमित्रं च मे, ऽभयं च मे, सुगं च मे, शयनं च मे, सूषा च मे, सुदिनं च मे ॥

पदम् - मे । जीवातुः । च । मे । (दीर्घायुत्वं) । च । मे ।
अनमित्रम् । च । मे । अभयम् । च । मे । (सुगम्) । च । मे ।
शयनम् । च । मे । (सूषा) । च । मे । (सुदिनम्) । च । मे ॥

1. मे । जीवातुः । च ।

मे जीवातुश्च, जीवातुश्च मे, मे जीवातुश्च, च जीवातुश्च मे,
मे जीवातुश्च ।

2. जीवातुः । च । मे ।

जीवातुश्च, च जीवातुश्च, जीवातुश्च मे, मे च जीवातुश्च, जीवातुश्च मे ।

3. च । मे । (दीर्घायुत्वं) ।

च मे, मे च, च मे दीर्घायुत्वं, दीर्घायुत्वं मे च, च मे दीर्घायुत्वं ।

4. मे॒ । (दी॒र्घायु॒त्वम्) । च॒ ।

मे॒ दी॒र्घायु॒त्वं, दी॒र्घायु॒त्वं मे॑, मे॒ दी॒र्घायु॒त्वं च॑, च॒ दी॒र्घायु॒त्वं मे॑, मे॒ दी॒र्घायु॒त्वं च॑ ।

5. (दी॒र्घायु॒त्वम्) । च॒ । मे॒ ।

दी॒र्घायु॒त्वं च॑, च॒ दी॒र्घायु॒त्वं, दी॒र्घायु॒त्वं च॑ मे॑, मे॒ च॒ दी॒र्घायु॒त्वं, दी॒र्घायु॒त्वं च॑ मे॑ ।

6. (दी॒र्घायु॒त्वम्) ।

दी॒र्घायु॒त्वमि॒ति दी॒र्घायु॒ - त्वं॑ ।

7. च॒ । मे॒ । अ॒न॒मि॒त्रम् ।

च॒ मे॑, मे॒ च॒, च॒ मे॒ ऽन॒मि॒त्र, म॒न॒मि॒त्रं मे॑ च॒, च॒ मे॒ ऽन॒मि॒त्रं ।

8. मे॒ । अ॒न॒मि॒त्रम् । च॒ ।

मे॒-ऽन॒मि॒त्र, म॒न॒मि॒त्रं मे॑, मे॒ ऽन॒मि॒त्रं च॑, चा॒ न॒मि॒त्रं मे॑, मे॒ ऽन॒मि॒त्रं च॑ ।

9. अ॒न॒मि॒त्रम् । च॒ । मे॒ ।

अ॒न॒मि॒त्रं च॑, चा॒ न॒मि॒त्र, म॒न॒मि॒त्रं च॑ मे॑, मे॒ चा॒ न॒मि॒त्र, म॒न॒मि॒त्रं च॑ मे॑ ।

10. च॒ । मे॒ । अ॒भय॑म् ।

च॒ मे॒, मे॒ च॒, च॒ मे॒ऽभय॑, म॒भयं॑ मे॒ च॒, च॒ मे॒ ऽभयं॑ ।

11. मे॒ । अ॒भय॑म् । च॒ ।

मे॒ ऽभय॑, म॒भयं॑ मे॒, मे॒ ऽभयं॑ च॒, चा॒ भयं॑ मे॒, मे॒ ऽभयं॑ च॒ ।

12. अ॒भय॑म् । च॒ । मे॒ ।

अ॒भयं॑ च॒, चा॒ भय॑, म॒भयं॑ च॒ मे॒, मे॒ चा॒ भय॑, म॒भयं॑ च॒ मे॒ ।

13. च॒ । मे॒ । (सु॒गम्) ।

च॒ मे॒, मे॒ च॒, च॒ मे॒ सु॒ग॒, सु॒गं॑ मे॒ च॒, च॒ मे॒ सु॒गं॑ ।

14. मे॒ । (सु॒गम्) । च॒ ।

मे॒ सु॒ग॒, सु॒गं॑ मे॒, मे॒ सु॒गं॑ च॒, च॒ सु॒गं॑ मे॒, मे॒ सु॒गं॑ च॒ ।

15. (सु॒गम्) । च॒ । मे॒ ।

सु॒गं॑ च॒, च॒ सु॒ग॒, सु॒गं॑ च॒ मे॒, मे॒ च॒ सु॒ग॒, सु॒गं॑ च॒ मे॒ ।

16. (सु॒गम्) ।

सु॒गमि॑ति सु॒ – गं॑ ।

17. च॒ । मे॒ । श॒यन॑म् ।

च॒ मे॒, मे॒ च॒, च॒ मे॒ श॒यन॑, श॒यनं॑ मे॒ च॒, च॒ मे॒ श॒यनं॑ ।

18. मे॑ । शय॑नम् । च॒ ।

मे॑ शय॑नं च॒ शय॑नं मे॑, मे॑ शय॑नं च॒, च॒ शय॑नं मे॑, मे॑ शय॑नं च॒ ।

19. शय॑नम् । च॒ । मे॑ ।

शय॑नं च॒, च॒ शय॑नं च॒, शय॑नं च॒ मे॑, मे॑ च॒ शय॑नं च॒, शय॑नं च॒ मे॑ ।

20. च॒ । मे॑ । (सू॒षा) ।

च॒ मे॑, मे॑ च॒, च॒ मे॑ सू॒षा, सू॒षा मे॑ च॒, च॒ मे॑ सू॒षा ।

21. च॒ । मे॑ । (सू॒षा) । च॒ ।

मे॑ सू॒षा, सू॒षा मे॑, मे॑ सू॒षा च॒, च॒ सू॒षा मे॑, मे॑ सू॒षा च॒ ।

22. (सू॒षा) । च॒ । मे॑ ।

सू॒षा च॒, च॒ सू॒षा, सू॒षा च॒ मे॑, मे॑ च॒ सू॒षा, सू॒षा च॒ मे॑ ।

23. (सू॒षा) ।

सू॒षेति॑ सु॒ - उ॒षा ।

24. च॒ । मे॑ । (सु॒दिन॑म्) ।

च॒ मे॑, मे॑ च॒, च॒ मे॑ सु॒दिन॑म्, सु॒दिन॑ं मे॑ च॒, च॒ मे॑ सु॒दिन॑म् ।

25. मे॑ । (सु॒दिन॑म्) । च॒ ।

मे॑ सु॒दिन॑म्, सु॒दिन॑ं मे॑, मे॑ सु॒दिन॑ं च॒, च॒ सु॒दिन॑ं मे॑, मे॑ सु॒दिन॑ं च॒ ।

26. (सु॒दि॒न॒म्) । च॒ । मे॒ ।

सु॒दि॒नं॑ च, च सु॒दि॒न॑, सु॒दि॒नं॑ च मे, मे च सु॒दि॒न॑,
सु॒दि॒नं॑ च मे ।

27. (सु॒दि॒न॒म्) ।

सु॒दि॒न॒मि॒ति॑ सु – दि॒नं॑ ।

28. च॒ । मे॒ ।

च॒ मे, मे॒ च, च॒ मे ।

29. मे॒ ।

म इति॑ मे ॥

37.2 मयि मेधां मयि प्रजां

(T.S.3.3.1.2)

वाक्यं – मयि मेधां मयि प्रजां मयि सूर्यो भ्राजो दधातु ॥

पदम् – । मयि । मेधाम् । मयि । (प्रजाम्) । मयि । सूर्यः ।
भ्राजः । दधातु ॥

1. मयि । मेधाम् । मयि ।

मयि मेधां, मेधां मयि, मयि मेधां मयि, मयि मेधां मयि,
मयि मेधां मयि ।

2. मेधाम् । मयि । (प्रजाम्) ।

मेधां मयि, मयि मेधां, मेधां मयि प्रजां, प्रजां मयि मेधां,
मेधां मयि प्रजां ।

3. मयि । (प्रजाम्) । मयि ।

मयि प्रजां, प्रजां मयि, मयि प्रजां मयि, मयि प्रजां मयि,
मयि प्रजां मयि ।

4. (प्रजाम्) । मयि । सूर्यः ।

प्रजां मयि, मयि प्रजां, प्रजां मयि सूर्य, स्सूर्यो मयि प्रजां,
प्रजां मयि सूर्यः ।

5. (प्र॒जाम्)

प्र॒जामि॑ति प्र – जां ।

6. म॒यि । सूर्यः॑ । भ्राजः॑ ।

म॒यि सूर्य॑, स्सूर्यो॑ म॒यि, म॒यि सूर्यो॑ भ्राजो॑, भ्राज॑ स्सूर्यो॑ म॒यि,
म॒यि सूर्यो॑ भ्राजः॑ ।

7. सूर्यः॑ । भ्राजः॑ । दधातु॑ ॥

सूर्यो॑ भ्राजो॑, भ्राज॑ स्सूर्य॑, स्सूर्यो॑ भ्राजो॑ दधातु॑, दधातु॑ भ्राज॑
स्सूर्य॑, स्सूर्यो॑ भ्राजो॑ दधातु॑ ।

8. भ्राजः॑ । दधातु॑ ॥

भ्राजो॑ दधातु॑, दधातु॑ भ्राजो॑, भ्राजो॑ दधातु॑ ।

9. दधातु॑ ॥

दधा॑त्विति दधातु॑ ॥

तेज॑स्वी यश॑स्वी ब्रह्मवर्च॑सी स्यामि॑ति । प्राडा॑ होतु॑र्धिष्ण्या॑ दु॒थ्सर्पे॑त् ।

येयं॑ प्रागाद् यश॑स्वती । सामा॑ प्रो॒र्णा॑तु ।

तेज॑सा यश॑सा ब्रह्मवर्च॑सेनेति ।

तेज॑स्व्ये॒व यश॑स्वी ब्रह्मवर्च॑सी भवति ॥

37.3 मारुत मनर्वाणं

(T.S.4.3.13.6)

वाक्यं – मारुतमनर्वाणं रथेशुभं ।

पदम् – मारुतम् । अनर्वाणम् । (रथेशुभम्) ॥
--

1. मारुतम् । अनर्वाणम् । (रथेशुभम्) ॥

मारुत मनर्वाण, मनर्वाणं मारुतं, मारुत मनर्वाणं रथेशुभं,
रथेशुभं मनर्वाणं मारुतं, मारुत मनर्वाणं रथेशुभं ।

2. अनर्वाणम् । (रथेशुभम्) ॥

अनर्वाणं रथेशुभं, रथेशुभं मनर्वाण, मनर्वाणं रथेशुभं ।

3. (रथेशुभम्) ॥

रथेशुभमिति रथे – शुभं ॥

अतोतो वा उत्तराणि श्रेयांसि भवन्ति ॥

37.4 सा प्रजां

(T.S.2.6.1.7)

सा प्रजां पशून् यजमानाय प्रजनयति ॥

पदम् – । सा । (प्रजाम्) । पशून् । यजमानाय । (प्र) । जनयति ॥

1. सा । (प्रजाम्) । पशून् ।

सा प्रजां, प्रजां सा, सा प्रजां पशून्, पशून् प्रजां सा,
सा प्रजां पशून् ।

2. (प्रजाम्) । पशून् । यजमानाय ।

प्रजां पशून्, पशून् प्रजां, प्रजां पशून् यजमानाय,
यजमानाय पशून् प्रजां, प्रजां पशून् यजमानाय ।

3. (प्रजाम्) ।

प्रजामिति प्र – जां ।

4. पशून् । यजमानाय । (प्र) ।

पशून् यजमानाय, यजमानाय पशून्, पशून् यजमानाय प्र,
प्र यजमानाय पशून् पशून् यजमानाय प्र ।

5. यज॑मानाय॒ । (प्र) । जन॑यति ॥

यज॑मानाय॒ प्र, प्र यज॑मानाय, यज॑मानाय॒ प्र जन॑यति,
जन॑यति॒ प्र यज॑मानाय॒, यज॑मानाय॒ प्र जन॑यति ।

6. (प्र) । जन॑यति ॥

प्र जन॑यति, जन॑यति॒ प्र, प्र जन॑यति ।

7. जन॑यति ॥

जन॑यतीति॒ जन॑यति ॥

ए॒तेन॒ वै दे॒वा जै॑त्वानि॒ जि॒त्वा । यं का॒मम॒ का॒मय॑न्त॒ तमा॑प्नुवन् ।
यं का॒मं का॒मय॑ते । तमे॒ तेना॑प्नोति ॥

37.5 यस्य पुत्रः

(T.S.1.5.8.5)

यस्य पु॒त्रो जा॒तः स्या॒त् तेज॑ ए॒वास्मिन् ब्र॑ह्मवर्च॒सं द॑धाति ॥

पदम् – । यस्य । पु॒त्रः । जा॒तः । स्या॒त् । तेजः॑ । ए॒व । अ॒स्मिन् ।
(ब्र॑ह्मवर्च॒सम्) । द॑धाति ॥

1. यस्य । पु॒त्रः । जा॒तः ।

यस्य पु॒त्रः, पु॒त्रो यस्य, यस्य पु॒त्रो जा॒तो, जा॒तः पु॒त्रो यस्य,
यस्य पु॒त्रो जा॒तः ।

2. पु॒त्रः । जा॒तः । स्या॒त् ।

पु॒त्रो जा॒तो, जा॒तः पु॒त्रः, पु॒त्रो जा॒त स॒स्या, थ॒स्या ज्जा॒तः पु॒त्रः,
पु॒त्रो जा॒त स॒स्यात् ।

3. जा॒तः । स्या॒त् । तेजः॑ ।

जा॒त स॒स्या, थ॒स्या ज्जा॒तो, जा॒त स्या॒त् तेज॑, स्तेज॑ स्या ज्जा॒तो,
जा॒त स्या॒त् तेजः॑ ।

4. स्या॒त् । तेजः॑ । ए॒व ।

स्या तेज॑स्ते ज॒स्या थ॒स्यात्तेज॑ ए॒वै व तेज॑स्या थ॒स्यात्तेज॑ ए॒व ।

5. तेजः॑ । ए॒व । अ॒स्मिन् ।

तेज॑ ए॒वै व तेज॑, स्तेज॑ ए॒वास्मि॑, न॒स्मिन्ने॒व तेज॑,
स्तेज॑ ए॒वास्मिन् ।

6. ए॒व । अ॒स्मिन् । (ब्र॒ह्मव॑र्च॒सम्) ।

ए॒वास्मि॑ न॒स्मिन्ने॒व, वै वा॒ऽस्मिन् ब्र॒ह्मव॑र्च॒सं,
ब्र॒ह्मव॑र्च॒स म॑स्मिन्ने॒व, वा॒स्मिन् ब्र॒ह्मव॑र्च॒सं ।

7. अ॒स्मिन् । (ब्र॒ह्मव॑र्च॒सम्) । द॒धाति॑ ॥

अ॒स्मिन् ब्र॒ह्मव॑र्च॒सं, ब्र॒ह्मव॑र्च॒स म॑स्मिन्, न॒स्मिन् ब्र॒ह्मव॑र्च॒सं
द॒धाति॑, द॒धाति॑ ब्र॒ह्मव॑र्च॒स म॑स्मिन्, न॒स्मिन् ब्र॒ह्मव॑र्च॒सं द॒धाति॑ ।

8. (ब्र॒ह्मव॑र्च॒सम्) । द॒धाति॑ ॥

ब्र॒ह्मव॑र्च॒सं द॒धाति॑, द॒धाति॑ ब्र॒ह्मव॑र्च॒सं, ब्र॒ह्मव॑र्च॒सं द॒धाति॑ ।

9. (ब्र॒ह्मव॑र्च॒सम्) ।

ब्र॒ह्मव॑र्च॒समि॑ति ब्र॒ह्म – व॑र्च॒सं ।

10. द॒धाति॑ ॥

द॒धाती॑ति॒ द॒धाति॑ ॥

ते॒ज॒स्वी॑ य॒श॒स्वी॑ ब्र॒ह्म॒व॒र्च॒सी॑ स्या॒मि॒ति॑ ।
प्रा॒डा॒ हो॒तु॒ धि॒ष्ण्या॑ दु॒थ्स॒र्पे॑त् ।
ये॒यं प्रा॒गाद् य॒श॒स्व॒ति॑ । सा॒मा प्रो॒र्णो॑तु ।
ते॒ज॒सा॑ य॒श॒सा॑ ब्र॒ह्म॒व॒र्च॒से॒ने॒ति॑ ।
ते॒ज॒स् व्ये॑व य॒श॒स्वी॑ ब्र॒ह्म॒व॒र्च॒सी॑ भ॒व॒ति॑ ॥

37.6 ये देवा दिवि भागा

(T.S. 2.4.10.3)

वाक्यं – ये दे॒वा दि॒वि भा॒गा इति॑ कृ॒ष्णा जि॒नम॑व धू॒नोती॑म ए॒वास्मै॑
लो॒काः प्री॒ता अ॒भीष्टा॑ भवन्ति ।

पदम् – । ये । दे॒वाः । (दि॒विभा॒गाः) । इति॑ । (कृ॒ष्णाजि॒नम्) ।
(अ॒व) । धू॒नोति॑ । इ॒मे । ए॒व । अ॒स्मै । लो॒काः । प्री॒ताः ।
(अ॒भीष्टाः) ॥ भव॑न्ति ॥

1. ये । दे॒वाः । (दि॒विभा॒गाः) ।

ये दे॒वा, दे॒वा ये, ये दे॒वा दि॒विभा॒गा, दि॒विभा॒गा दे॒वा ये,
ये दे॒वा दि॒विभा॒गाः ।

2. दे॒वाः । (दि॒विभा॒गाः) । इति॑ ।

दे॒वा दि॒विभा॒गा, दि॒विभा॒गा दे॒वा, दे॒वा दि॒विभा॒गा इतीति॑ दि॒विभा॒गा
दे॒वा, दे॒वा दि॒विभा॒गा इति॑ ।

3. (दि॒विभा॒गाः) । इति॑ । (कृ॒ष्णाजि॒नम्) ।

दि॒विभा॒गा इतीति॑ दि॒विभा॒गा, दि॒विभा॒गा इति॑ कृ॒ष्णाजि॒नं,
कृ॒ष्णाजि॒न मिति॑ दि॒विभा॒गा, दि॒विभा॒गा इति॑ कृ॒ष्णाजि॒नं ।

4. (दिवि॑भा॒गाः) ।

दिवि॑भा॒गा इति॑ दि॒वि – भा॒गाः ।

5. इति॑ । (कृ॒ष्णाजि॒नम्) । (अ॒व) ।

इति॑ कृ॒ष्णाजि॒नं, कृ॒ष्णाजि॒न मि॒तीति॑ कृ॒ष्णाजि॒न मवा॑व
कृ॒ष्णाजि॒न मि॒तीति॑ कृ॒ष्णाजि॒न म॒व ।

6. (कृ॒ष्णाजि॒नम्) । (अ॒व) । धू॒नोति॑ ।

कृ॒ष्णाजि॒न मवा॑व कृ॒ष्णाजि॒नं कृ॒ष्णाजि॒न म॒व धू॒नोति॑ धू॒नोत्य॑व
कृ॒ष्णाजि॒नं कृ॒ष्णाजि॒न म॒व धू॒नोति॑ ।

7. (कृ॒ष्णाजि॒नम्) ।

कृ॒ष्णाजि॒नमि॒ति कृ॒ष्णा – अ॒जि॒नं ।

8. (अ॒व) । धू॒नोति॑ । इ॒मे ।

अ॒व धू॒नोति॑ धू॒नो त्य॑वाव धू॒नोती॒म इ॒मे धू॒नोत्य॑वाव धू॒नोती॒मे ।

9. धू॒नोति॑ । इ॒मे । ए॒व ।

धू॒नोती॒म इ॒मे धू॒नोति॑ धू॒नोती॒म ए॒वै वे मे॑ धू॒नोति॑ धू॒नोती॒म ए॒व ।

10. इ॒मे । ए॒व । अ॒स्मै ।

इ॒म ए॒वै वे म॑ इ॒म ए॒वास्मा॑ अ॒स्मा ए॒वेम॑ इ॒म ए॒वास्मै॑ ।

11. ए॒व । अ॒स्मै । लो॒काः ।

ए॒वास्मा॑ अ॒स्मा ए॒वै वा॒स्मै लो॒का लो॒का अ॒स्मा
ए॒वै वा॒स्मै लो॒काः ।

12. अ॒स्मै । लो॒काः । प्री॒ताः ।

अ॒स्मै लो॒का , लो॒का अ॒स्मा, अ॒स्मै लो॒का प्री॒ताः ,
प्री॒ता लो॒का अ॒स्मा, अ॒स्मै लो॒काः प्री॒ताः ।

13. लो॒काः । प्री॒ताः । (अ॒भीष्टाः) ॥

लो॒काः प्री॒ताः, प्री॒ता लो॒का, लो॒काः प्री॒ता अ॒भीष्टा॑,
अ॒भीष्टाः॑ प्री॒ता लो॒का, लो॒काः प्री॒ता अ॒भीष्टाः॑ ।

14. प्री॒ताः । (अ॒भीष्टाः) ॥ भव॑न्ति ॥

प्री॒ता अ॒भीष्टा॑ अ॒भीष्टाः॑ प्री॒ताः प्री॒ता अ॒भीष्टा॑ भव॑न्ति
भव॑न्त्य॒भीष्टाः॑ प्री॒ताः प्री॒ता अ॒भीष्टा॑ भव॑न्ति ।

15. (अ॒भीष्टाः) ॥ भव॑न्ति ॥

अ॒भीष्टा॑ भव॑न्ति भव॑न्त्य॒भीष्टा॑ अ॒भीष्टा॑ भव॑न्ति ।

16. (अ॒भीष्टाः) ॥

अ॒भीष्टा॑ इत्य॒भि – इ॒ष्टाः ।

17. भवन्ति ॥

भवन्तीति भवन्ति ॥

हृदयं यजूंषि पत्न्यश्च । यथावकाशं ग्रहान् ।

यथावकाशं प्रतिग्रहान् लोकं पृणाश्च ।

सर्वाहास्यै ता देवताः प्रीता अभीष्टा भवन्ति ॥

37.7 प्रजामायुर्धनं च

(T.S.1.6.1.1)

प्रजामायुर् धनं च ।

पदम् - । (प्रजाम्) । आयुः । धनम् । च ॥

1. (प्रजाम्) । आयुः । धनम् ।

प्रजा मायुरायुः प्रजां प्रजामायुर्धनं धनमायुः प्रजां प्रजामायुर्धनं ॥

2. (प्रजाम्) ।

प्रजामिति प्र - जां ।

3. आयुः । धनम् । च ॥

आयुर् धनं धन मायु रायुर् धनं च च धन मायु रायुर् धनं च ।

4. धनम् । च ॥

धनं च च धनं धनं च ।

5. च ॥

चेति च ॥

पश्यति पुत्रं । पश्यति पौत्रं ॥ प्र प्रजया पशुभिर् मिथुनैर् जायते ।

यस्यैवं विदुषो ऽग्निहोत्रं जुह्वति । य उचैन देवं वेद ॥

37.8 सर्वेभ्यो वै कामेभ्यः

(T.S.7.5.3.2)

वाक्यं – सर्वेभ्यो वै कामेभ्यः सन्धिर् दुहे तद् यजमाना स्सर्वान्
कामान् वरुन्धते ॥

पदम् – । सर्वेभ्यः । वै । कामेभ्यः । (सन्धिः) ।

दुहे । तत् । यजमानाः । सर्वान् । कामान् । (अव) । रुन्धते ॥

1. सर्वेभ्यः । वै । कामेभ्यः ।

सर्वेभ्यो वै, वै सर्वेभ्यः, सर्वेभ्यो वै कामेभ्यः, कामेभ्यो वै
सर्वेभ्यः, सर्वेभ्यो वै कामेभ्यः ।

2. वै । कामेभ्यः । (सन्धिः) ।

वै कामेभ्यः, कामेभ्यो वै, वै कामेभ्यः स्सन्धि,
स्सन्धिः कामेभ्यो वै, वै कामेभ्यः स्सन्धिः ।

3. कामेभ्यः । (सन्धिः) । दुहे ।

कामेभ्यः स्सन्धि, स्सन्धिः कामेभ्यः, कामेभ्यः सन्धिर् दुहे,
दुहे सन्धिः कामेभ्यः, कामेभ्यः सन्धिर् दुहे ।

4. (स॒न्धिः) । दु॒हे । तत् ।

सं॒धिर् दु॒हे, दु॒हे स॒न्धि, स्स॒न्धिर् दु॒हे तत्तद् दु॒हे स॒न्धि,
स्स॒न्धिर् दु॒हे तत् ।

5. (स॒न्धिः) ।

स॒न्धिरि॒ति सं – धिः ।

6. दु॒हे । तत् । यज॑मानाः ।

दु॒हे तत्तद् दु॒हे , दु॒हे तद् यज॑माना, यज॑माना स्तद् दु॒हे,
दु॒हे तद् यज॑मानाः ।

7. तत् । यज॑मानाः । सर्वा॑न् ।

तद् यज॑माना, यज॑माना स्तत्, तद् यज॑माना स्सर्वा॑न्,
थ्सर्वा॑न् यज॑माना स्तत्, तद् यज॑माना स्सर्वा॑न् ।

8. यज॑मानाः । सर्वा॑न् । कामा॑न् ।

यज॑मानाः सर्वा॑न्, थ्सर्वा॑न् यज॑माना, यज॑मानाः सर्वा॑न् कामा॑न् ,
कामा॑न् थ्सर्वा॑न् यज॑माना, यज॑मानाः सर्वा॑न् कामा॑न् ।

9. सर्वा॑न् । कामा॑न् । (अव॑) ।

सर्वा॑न् कामा॑न्, कामा॑न् थ्सर्वा॑न्, थ्सर्वा॑न् कामा॑न् वाव कामा॑न्
थ्सर्वा॑न् थ्सर्वा॑न् कामा॑न्व ।

10. कामा॑न् । (अव॑) । रुन्ध॑ते ॥

कामा॑न् वाव कामा॑न्, कामा॑न् व रुन्ध॑ते रुन्ध॑तेऽव कामा॑न्
कामा॑न् व रुन्ध॑ते ।

11. (अव॑) । रुन्ध॑ते ॥

अव॑ रुन्ध॑ते रुन्ध॑तेऽवावरुन्ध॑ते ।

12. रुन्ध॑ते ॥

रुन्ध॑त इति रुन्ध॑ते ॥

साङ्ग्र॑हण्येष्ट्या॑ यज॑ते । इमां॑ जन॒ताऽ॒ सङ्गृ॑ह्णानीति॑ ।

द्वाद॑शा र॒त्नी र॑शना भवति । द्वाद॑श मा॒साः स्सम्व॑त्सरः ।

सम्व॑त्सर मेवा वरुन्धे । मौ॒ज्जी भ॑वति । ऊ॒र्ग्वे मु॒ञ्चाः ॥

ऊ॒र्ज मेवा वरुन्धे । चि॒त्रा नक्ष॑त्रं भवति । चि॒त्रं वा ए॒तत् क॑र्म ।

यद॑श्चमे॒धः स्समृ॑द्ध्यै ॥

37.9 पु॒ष्टिं॑ ध॒त्तः॑

(T.S.2.1.9.4)

पु॒ष्टिं॑ ध॒त्तः॑ पु॒ष्य॑ति प्र॒जया॑ प॒शुभिः॑ ॥

प॒दम् - । पु॒ष्टिम्॑ । ध॒त्तः॑ । (प्र॒जया॑) । (प॒शुभिः॑) ॥

1. पु॒ष्टिम्॑ । ध॒त्तः॑ । पु॒ष्य॑ति ।

पु॒ष्टिं॑ ध॒त्तो, ध॒त्तः॑ पु॒ष्टिं॑, पु॒ष्टिं॑ ध॒त्तः॑ पु॒ष्य॑ति, पु॒ष्य॑ति ध॒त्तः॑ पु॒ष्टिं॑,
पु॒ष्टिं॑ ध॒त्तः॑ पु॒ष्य॑ति ।

2. ध॒त्तः॑ । पु॒ष्य॑ति । (प्र॒जया॑) ।

ध॒त्तः॑ पु॒ष्य॑ति, पु॒ष्य॑ति ध॒त्तो, ध॒त्तः॑ पु॒ष्य॑ति प्र॒जया॑, प्र॒जया॑ पु॒ष्य॑ति
ध॒त्तो, ध॒त्तः॑ पु॒ष्य॑ति प्र॒जया॑ ।

3. पु॒ष्य॑ति । (प्र॒जया॑) । (प॒शुभिः॑) ।

पु॒ष्य॑ति प्र॒जया॑, प्र॒जया॑ पु॒ष्य॑ति, पु॒ष्य॑ति प्र॒जया॑ प॒शुभिः॑,
प॒शुभिः॑ प्र॒जया॑ पु॒ष्य॑ति, पु॒ष्य॑ति प्र॒जया॑ प॒शुभिः॑ ।

4. (प्र॒जया॑) । (प॒शुभिः॑) ।

प्र॒जया॑ प॒शुभिः॑, प॒शुभिः॑ प्र॒जया॑, प्र॒जया॑ प॒शुभिः॑ ।

5. (प्र॒जया॑) ।

प्र॒जये॑ति प्र - जया॑ ।

6. (प॒शुभिः॑) ।

प॒शुभि॒रिति॑ प॒शु – भिः॑ ॥

पु॒ष्ट्यै॒ वा ए॒तद् रू॒पं । यद॒जा । त्रि॒स॒म्व॑त्स॒र-स्या॒न्यान्
प॒शून् परि॑ प्र॒जाय॑ते । ब॒स्ता॒जिन॑ म॒द्ध्य॑व रो॒हति॑ ।
पु॒ष्ट्या॒मे॒व प्र॒जन॑ने प्र॒ति॒ति॒ष्ठति॑ ॥

37.10 ता विष्णो पाहि

(T.S.1.1.11.2)

वाक्यं – ता विष्णो पाहि पाहि यज्ञं पाहि यज्ञपतिं पाहि मां
यज्ञनियं ॥

पदम् – ताः । विष्णो । पाहि । पाहि । यज्ञम् । पाहि ।
(यज्ञपतिम्) । पाहि । माम् । (यज्ञनियम्) ॥

1. ताः । विष्णो । पाहि ।

ता विष्णो, विष्णो तास्ता विष्णो पाहि पाहि विष्णो
तास्ता विष्णो पाहि ।

2. विष्णो । पाहि । पाहि ।

विष्णो पाहि, पाहि विष्णो, विष्णो पाहि पाहि, पाहि पाहि विष्णो,
विष्णो पाहि पाहि ।

3. विष्णो इति ।

विष्णो इति – विष्णो ।

4. पाहि । पाहि । यज्ञम् ।

पाहि पाहि, पाहि पाहि, पाहि पाहि यज्ञं, यज्ञं पाहि पाहि,
पाहि पाहि यज्ञं ।

5. पा॒हि । य॒ज्ञम् । पा॒हि ।

पा॒हि य॒ज्ञं, य॒ज्ञं पा॒हि, पा॒हि य॒ज्ञं पा॒हि, पा॒हि य॒ज्ञं पा॒हि,
पा॒हि य॒ज्ञं पा॒हि ।

6. य॒ज्ञम् । पा॒हि । (य॒ज्ञप॑तिम्) ।

य॒ज्ञं पा॒हि, पा॒हि य॒ज्ञं, य॒ज्ञं पा॒हि य॒ज्ञप॑तिं, य॒ज्ञप॑तिं पा॒हि य॒ज्ञं,
य॒ज्ञं पा॒हि य॒ज्ञप॑तिं ।

7. पा॒हि । (य॒ज्ञप॑तिम्) । पा॒हि ।

पा॒हि य॒ज्ञप॑तिं, य॒ज्ञप॑तिं पा॒हि, पा॒हि य॒ज्ञप॑तिं पा॒हि,
पा॒हि य॒ज्ञप॑तिं पा॒हि, पा॒हि य॒ज्ञप॑तिं पा॒हि ।

8. (य॒ज्ञप॑तिम्) । पा॒हि । मा॒म् ।

य॒ज्ञप॑तिं पा॒हि, पा॒हि य॒ज्ञप॑तिं, य॒ज्ञप॑तिं पा॒हि मां, मां पा॒हि
य॒ज्ञप॑तिं, य॒ज्ञप॑तिं पा॒हि मां ।

9. (य॒ज्ञप॑तिम्) ।

य॒ज्ञप॑तिमि॒ति य॒ज्ञ – प॒तिं ।

10. पा॒हि । मा॒म् । (य॒ज्ञ॒निय॑म्) ॥

पा॒हि मां, मां पा॒हि, पा॒हि मां य॑ज्ञ॒नियं, य॑ज्ञ॒नियं मां पा॒हि,
पा॒हि मां य॑ज्ञ॒नियं ॥

11. मा॒म् । (य॒ज्ञ॒निय॑म्) ॥

मां य॑ज्ञ॒नियं, य॑ज्ञ॒नियं मां, मां य॑ज्ञ॒नियं ॥

12. (य॒ज्ञ॒निय॑म्) ॥

य॒ज्ञ॒निय॑मि॒ति य॒ज्ञ – नि॒यं ॥

ता वि॑ष्णो पा॒हीत्या॑ह । य॒ज्ञोवै वि॑ष्णुः । य॒ज्ञस्य॑तृ॒तै ॥

पा॒हि य॒ज्ञं पा॒हि य॒ज्ञप॑तिं पा॒हिमां य॑ज्ञ॒निय॑मित्या॑ह ।

य॒ज्ञाय॑ य॒जमा॑नाया॒त्मने॑ ॥ तेभ्य॑ ए॒वाशि॑ष मा॒ शास्ते॑ना॒त्यै ॥

37.11 आशिषमेवै तामा शास्ते

(T.S.1.5.7.6, T.S.1.5.8.4, T.S.1.7.3.4, T.S.6.1.1.9 etc.)

वाक्यं – आशिष॑ मे॒ वै॒ तामा॑ शास्ते॑ ॥

पदम् – । (आशिषम्) । ए॒व । ए॒ताम् । (आ) । शास्ते॑ ॥

1. (आशिषम्) । ए॒व । ए॒ताम् ।

आशिष॑मे॒ वै वाशिष॑ माशिष॑मे॒ वैता॑ मे॒ता मे॒वाशिष॑ माशिष॑ मे॒ वैतां॑ ।

2. (आशिषम्)

आशिष॑मित्या॑ – शिषं॑ ।

3. ए॒व । ए॒ताम् । (आ) ।

ए॒ वै ता॑ मे॒ता मे॒ वै वै ता॑ मै॒ ता मे॒ वै वै ता॑ मा ।

4. ए॒ताम् । (आ) । शास्ते॑ ॥

ए॒ता मैता॑ मे॒ता मा॑ शास्ते॑ शास्त॑ ऐ॒ता मे॒ता मा॑ शास्ते॑ ।

5. (आ) । शास्ते॑ ॥

आशास्ते॑ शास्त॑ आशास्ते॑ ।

6. शास्ते॑ ॥

शास्त॑ इति॑ शास्ते॑ ॥

37.12 ए॒वास्मिन्नायुर् दधति

(T.S.2.3.11.5)

वाक्यं – त ए॒वास्मिन्नायुर् दधति सर्व॑मायुरेति ॥

प॒दम् – ते । ए॒व । अ॒स्मिन् । आ॒युः । द॒धति॑ । सर्व॑म् ।
आ॒युः । ए॒ति ॥

1. ते । ए॒व । अ॒स्मिन् ।

त ए॒वै व ते त ए॒वास्मिन् स्मिन्ने॑ व ते त ए॒वास्मिन् ।

2. ए॒व । अ॒स्मिन् । आ॒युः ।

ए॒वास्मिन् स्मिन्ने॑ वै वास्मिन्नायुरायु॑ रस्मिन्ने॑ वै वास्मिन्नायुः॑ ।

3. अ॒स्मिन् । आ॒युः । द॒धति॑ ।

अ॒स्मिन्नायुरायु॑ रस्मिन् स्मिन्नायुर् दधति॑ दधत्यायु॑ रस्मिन्
मिन्नायुर् दधति॑ ।

4. आ॒युः । द॒धति॑ । सर्व॑म् ।

आ॒युर् दधति॑ दधत्या॑ यु॒रायुर् दधति॑ सर्व॑ सर्व॑ दधत्या॑ यु॒रायुर्
दधति॑ सर्व॑ ।

5. द॒ध॒ति॒ । स॒र्व॑म् । आ॒युः॑ ।

द॒ध॒ति॒ स॒र्व॑ꣳ, स॒र्व॑ द॒ध॒ति॒, द॒ध॒ति॒ स॒र्व॑मा॒यु॒, रा॒यु॒स्स॒र्व॑ द॒ध॒ति॒,
द॒ध॒ति॒ स॒र्व॑मा॒यु॒ ।

6. स॒र्व॑म् । आ॒युः॑ । ए॒ति॒ ॥

स॒र्व॑ मा॒यु॒, रा॒यु॒ स्स॒र्व॑ꣳ, स॒र्व॑मा॒यु॒रे॒त्ये॒ त्या॒यु॒ स्स॒र्व॑ꣳ,
स॒र्व॑मा॒यु॒रे॒ति॒ ।

7. आ॒युः॑ । ए॒ति॒ ॥

आ॒यु॒रे॒त्ये॒ त्या॒यु॒ रा॒यु॒रे॒ति॒ ।

8. ए॒ति॒ ॥

ए॒ती॒त्ये॒ति॒ ॥

37.13 शतमानं भवति

(T.S.2.3.11.5, T.S.3.2.6.3)

वाक्यं – शतमानं भवति शतायुः पुरुषश्शतेन्द्रिय आयुष्येवेन्द्रिये
प्रतितिष्ठति ॥

पदम् – । (शतमानम्) । भवति । (शतायुः) । पुरुषः ।
(शतेन्द्रियः) । आयुषि । एव । इन्द्रिये । (प्रति) । तिष्ठति ।

1. (शतमानम्) । भवति । (शतायुः) ।

शतमानं भवति, भवति शतमानं, शतमानं भवति शतायुः,
श्शतायुर् भवति शतमानं, शतमानं भवति शतायुः ।

2. (शतमानम्) ।

शतमानमिति शत – मानं ।

3. भवति । (शतायुः) । पुरुषः ।

भवति शतायुः, श्शतायुर् भवति, भवति शतायुः पुरुषः,
पुरुषश्शतायुर् भवति, भवति शतायुः पुरुषः ।

4. (शतायुः) । पुरुषः । (शतेन्द्रियः) ।

शतायुः पुरुषः, पुरुषश्शतायुः, श्शतायुः पुरुषश्शतेन्द्रियः,
श्शतेन्द्रियः पुरुषश्शतायुः, श्शतायुः पुरुषश्शतेन्द्रियः ।

5. (श॒तायुः॑) ।

श॒तायु॑रिति श॒त - आ॒युः ।

6. पु॒रुषः॑ । (श॒तेन्द्रि॑यः) । आ॒युषि॑ ।

पु॒रुष॑ श॒तेन्द्रि॑य, श॒तेन्द्रि॑यः पु॒रुषः॑, पु॒रुष॑ श॒तेन्द्रि॑य
आ॒युष्या॑ यु॒षि श॒तेन्द्रि॑यः पु॒रुषः॑, पु॒रुष॑ श॒तेन्द्रि॑य आ॒युषि॑ ।

7. (श॒तेन्द्रि॑यः) । आ॒युषि॑ । ए॒व ।

श॒तेन्द्रि॑य आ॒युष्या॑यु॒षि श॒तेन्द्रि॑य, श॒तेन्द्रि॑य आ॒युष्ये॑ वैवा॒युषि॑
श॒तेन्द्रि॑य श॒तेन्द्रि॑य आ॒युष्ये॑व ।

8. (श॒तेन्द्रि॑यः) ।

श॒तेन्द्रि॑य इति श॒त - इन्द्रि॑यः ।

9. आ॒युषि॑ । ए॒व । इन्द्रि॑ये ।

आ॒युष्ये॑ वै वा॒युष्या॑यु॒ष्येवेन्द्रि॑य इन्द्रि॑य ए॒वायु॑ष्यायु॒ष्येवेन्द्रि॑ये ।

10. ए॒व । इन्द्रि॑ये । (प्र॒ति) ।

ए॒वेन्द्रि॑य इन्द्रि॑य ए॒वैवेन्द्रि॑ये प्र॒ति प्र॒तीन्द्रि॑य ए॒वैवेन्द्रि॑ये प्र॒ति ।

11. इ॒न्द्रि॒ये । (प्र॒ति) । ति॒ष्ठति॒ ।

इ॒न्द्रि॒ये प्र॒ति प्र॒ती॒न्द्रि॒य इ॒न्द्रि॒ये प्र॒ति॒ति॒ष्ठति॒ ति॒ष्ठति॒ प्र॒ती॒न्द्रि॒य
इ॒न्द्रि॒ये प्र॒ति॒ति॒ष्ठति॒ ।

12. (प्र॒ति) । ति॒ष्ठति॒ ।

प्र॒ति ति॒ष्ठति॒ ति॒ष्ठति॒ प्र॒ति प्र॒ति॒ति॒ष्ठति॒ ।

13. ति॒ष्ठति॒ ।

ति॒ष्ठती॒ति ति॒ष्ठति॒ ॥

37.14 वै प्रजा

(T.S.6.5.2.3)

वाक्यं – वै प्रजाः प्रजास्वेवायुर् दधाति ॥

पदम् – वै । (प्रजाः) । (प्रजासु) । एव । आयुः । दधाति ॥

1. वै । (प्रजाः) । (प्रजासु) ।

वै प्रजाः प्रजा वै वै प्रजाः प्रजासु प्रजासु प्रजा वै
वै प्रजाः प्रजासु ।

2. (प्रजाः) । (प्रजासु) । एव ।

प्रजाः प्रजासु प्रजासु प्रजाः प्रजाः प्रजास्वेवै व प्रजासु प्रजाः
प्रजाः प्रजास्वेव ।

3. (प्रजाः) ।

प्रजा इति प्र – जाः ।

4. (प्रजासु) । एव । आयुः ।

प्रजास्वेवै व प्रजासु प्रजास्वे वायुरायुरेव प्रजासु प्रजास्वेवायुः ।

5. (प्रजासु) ।

प्रजास्विति प्र – जासु ।

6. ए॒व । आ॒युः । द॒धा॒ति ॥

ए॒वा॒यु॒रा॒य॒रे॒वै वा॒युर् द॒धा॒ति द॒धा॒त्या॒यु॒रे॒वै वा॒युर् द॒धा॒ति ।

7. आ॒युः । द॒धा॒ति ॥

आ॒युर् द॒धा॒ति द॒धा॒त्या॒यु॒रा॒युर् द॒धा॒ति ।

8. द॒धा॒ति ॥

द॒धा॒ती॒ति द॒धा॒ति ॥

38 आशीर्वाद मन्त्राः

These Asheervada Mantras are not continuous Mantras, (and not appearing one after the other), in Veda Texts but are consolidated from various places. For convenience purpose, these Mantras are given in a serial order as they are normally chanted. The Order of chanting may vary and the student needs to follow that order as is chanted in that function.

No Ref available for 1, Ref TS 5.4.12.3 for 2 / TB 3.1.2.1 for 3 / TS 2.4.14.1 for 4 / TB 1.3.7.8 for 5 / RV 10.85.33 / EAK 1.9.5 for 6 / RV 10.85.45 / EAK 1.4.6 for 7 / R V Kh 7.5.9.2 for 8 / TB 3.10.1.1 for 9 / TS 7.5.18.1 for 10 / TB 3.8.5.3 for 11 / TS 1.3.14.5 + TA. 2.5.1 for 12 / TB 3.12.5.5 for 13.

न तत्र सूर्यो भाति न चन्द्रतारकं नेमा विद्युतो भान्ति कुतोयमग्निः ।
तमेव भान्त मनु भाति सर्वं तस्य भासा सर्वमिदं विभाति ॥ 1

पर्याप्त्या अनन्तरायाय सर्वस्थो-मोति रात्र उत्तम महर्भवति
(महद्भवति) सर्वस्याप्त्यै सर्वस्य जित्यै सर्वमेव तेनाप्नोति सर्वं
जयति ॥ 2

ऋद्ध्यास्म हव्यैर् नमसोप सद्य । मित्रं देवं मित्रधेयन्नो अस्तु ।
अनुराधान् हविषा वर्द्धयन्तः । शतज्जीवेम शरद स्सवीराः ॥ 3

नवोनवो भवति जायमानोऽहोङ्केतु-रुषसा मेत्यग्रै ।
भागं देवेभ्यो विदधात्यायन् प्र चन्द्रमा-स्थिरति दीर्घमायुः ॥ 4

श॒त॒मा॒नं॑ भ॒वति॑ श॒ता॒युः॑ पु॒रु॒ष॒श्श॒ते॒न्द्रि॒य॒ आयु॑ष्ये॒वेन्द्रि॒ये॒ प्र॒ति॒ति॒ष्ठति॑ ॥ 5

सु॒म॒ङ्ग॒ली॒रि॒यं॑ व॒धू॒रि॒मा॒ꣳ स॒मे॒त॒ प॒श्य॒त ।
सौ॒भा॒ग्य॑ म॒स्यै॑ द॒त्वा॒ या॒था॒स्तं॑ वि॒ प॒रे॒त॒न ॥ 6

इ॒मा॒म् त्व॒मिन्द्र॑ मी॒ड्व॒ स्सु॒पु॒त्रा॒ꣳ सु॒भ॒गां॑ कुरु ।
द॒शा॒स्यां॑ पु॒त्रा॒ना॒धे॒हि॒ प॒ति॒मे॒का॒द॒शं॑ कृ॒धि ॥ 7

य॒श॒स्करं॑ ब॒ला॒व॒न्तं॑ प्र॒भु॒त्वं॑ तमे॒व रा॒जा॒धि॒ प॒ति॒र्ब॒भू॒व ।
स॒ङ्की॒र्ण॑ ना॒गाश्च॒प॒ति॒र् न॒रा॒णां॑ सु॒म॒ङ्ग॒ल्यं॑ स॒त॒तं दी॒र्घ॒मा॒युः॑ ॥ 8

सं॒ज्ञा॒नं वि॒ज्ञा॒नं प्र॒ज्ञा॒नं जा॒न॒द॒भि॒ जा॒न॒त् ।
स॒ङ्क॒ल्प॒मा॒नं प्र॒क॒ल्प॒मा॒न॒मु॒प॒क॒ल्प॒मा॒न॒मु॒प॒क्लृ॒प्तं॑ क्लृ॒प्तं ।
श्रे॒यो व॒सी॒य आ॒य॒थ् सं॒भू॒तं भू॒तं ।

चि॒त्रः के॒तुः प्र॒भा॒ना॒भा॒न् थ्सं॒भा॒न् ।
ज्यो॒ति॒ष्मा॒ꣳ स्ते॒ज॒स्वा॒ना॒त॒प॒ꣳ स्त॒प॒न्न॒भि॒त॒प॒न् ।
रो॒च॒नो रो॒च॒मा॒न॒ र॒शो॒भ॒न॒ र॒शो॒भ॒मा॒नः॑ क॒ल्या॒णः॑ ॥ 9

आ॒ब्र॒ह्मन् ब्रा॒ह्म॒णो ब्र॒ह्म॒वर्च॒सी जा॒यता॒माऽस्मिन् रा॒ष्ट्रे रा॒ज॒न्य इ॒ष॒व्य-
 शू॒रो म॒हा॒रथो जा॒यतां॑ दो॒ग्ध्री धे॒नुर् वो॒डाऽन॒ड्वा ना॒शु स्स॒प्तिः
 पु॒रन्धि॒र्योषा जि॒ष्णू रथे॒ष्टा स्स॒भेयो यु॒वाऽऽस्य॑ यज॒मान॒स्य वी॒रो
 जा॒यतां॑ नि॒का॒मेनि॒का॒मे नः प॒र्जन्यो॑ व॒र्षतु॑ फ॒लि॒न्यो न ओष॑धयः
 प॒च्यन्तां॑ यो॒गक्षे॒मो नः क॒ल्पतां॑ ॥ 10

ब॒हु॒ग्वै ब॒ह्व॒श्वायै॑ ब॒ह्व॒जा॒वि॒कायै॑ । ब॒हु॒व्री॒हि॒य॒वायै॑ ब॒हु॒मा॒ष॒ति॒लायै॑ ।
 ब॒हु॒हि॒र॒ण॒यायै॑ ब॒हु॒ह॒स्ति॒कायै॑ । ब॒हु॒दा॒स॒पू॒रु॒षायै॑ र॒यि॒म॒त्यै पु॒ष्टि॒म॒त्यै ।
 ब॒हु॒रा॒य॒स्पो॒षायै॑ रा॒जास्तु॑ ॥ 11

आ॒यु॒ष्टे वि॒श्वतो॑ द॒ध॒द॒य म॒ग्नि॒र्व॒रे॒ण्यः ।
 पु॒न॒स्ते प्रा॒ण आ॒ यति॑ (or आ॒ या॒ति) प॒रा॒य॒क्ष्मं सु॒वामि॑ ते ।
 आ॒यु॒र्दा अ॒ग्ने ह॒वि॒षो जु॒षा॒णो घृ॒त॒प्र॒ती॒को घृ॒त॒यो॒नि॒रे॒धि ।
 घृ॒तं पी॒त्वा म॒धु चा॒रु ग॒व्यं पि॒ते॒व पु॒त्र॒म॒भि-र॒क्ष॒ता॒दि॒मं ॥ 12

पु॒र॒स्ताद् द॒श॒हो॒तार॑-मु॒द॒ञ्च-मु॒प॒द॒धा॒ति या॒वत्प॒दं ।
 हृ॒द॒यं य॒जु॒षी प॒त्यौ च॑ । द॒क्षि॒ण॒तः प्रा॒ञ्च-ञ्च॒तुर् हो॒तारं॑ ।
 प॒श्चा॒दु॒द॒ञ्चं प॒ञ्च॒हो॒तारं॑ । उ॒त्तर॒तः प्रा॒ञ्च ष॒ड्हो॒तारं॑ ।

उ॒परि॑ष्ठात् प्रा॒ञ्च॑ꣳ स॒प्त॒हो॒तारं॑ । हृ॒द॒यं॑ य॒जूꣳषि॑ प॒त्न्यै॑श्च ।
य॒था॒व॒का॒शं॑ ग॒र॒हान् । य॒था॒व॒का॒शं॑ प्र॒ति॒ग्र॒हान् लो॒कं पृ॒णाश्च॑ ।
स॒र्वा हा॒स्यै॒ता दे॒वताः॑ प्री॒ता अ॒भी॒ष्टा भव॑न्ति ॥ 13

38.1 आरण्यके द्वितीयप्रश्नः प्रथम दशिनि

TA 2.1.1

सह॑ वै दे॒वानां॑ चा॒सुरा॑णां च य॒ज्ञौ प्र॑त॒तावा॑स्तां वय॑ऽ स्वर्गं
ँलोक॑मे॒ष्यामो॑ वय॑मे॒ष्याम॑ इति॑ तेऽसुरा॑-स्सन्न॒ह्य सह॑सैवाचरन्
ब्रह्म॑चर्येण॒ तप॑सैव दे॒वास्ते॑ ऽसुरा॑ अमु॒ह्यऽस्ते॑ न प्रा॒जान॑ऽस्ते
परा॑भवन्ते न स्वर्गंँलोक॑-मायन् प्रसृ॒तेन॑ वै य॒ज्ञेन॑ दे॒वाः स्वर्गं
ँलोक॑-मायन् प्रसृ॒तेना॑सुरान् पराऽभावयन् प्रसृ॒तो ह॒वै
य॒ज्ञोप॑वीतिनो य॒ज्ञो ऽप्र॑सृ॒तो ऽनु॑पवीतिनो
यत् किञ्च॑ ब्राह्म॒णो य॒ज्ञोप॑वीत्यधी॒ते य॒जत॑ ए॒व तत्तस्मा॑-
ध्य॒ज्ञोप॑वीत्ये॒वाधी॑यीत याजयेद्य॒जेत॑वा य॒ज्ञस्य॑ प्रसृ॒त्या अ॒जिनं॑
ँवा॒सो वा दक्षि॑णत॒ उप॑वीय दक्षि॒णं बा॒हु-मु॒द्धर॑तेऽव धत्ते स॒व्यमि॑ति
य॒ज्ञोप॑वीतमेतदे॒व वि॑परीतं प्राची॒नावी॑तऽ सँवी॒तं मा॒नुषं॑ ॥ 14

38.2 आरण्यके द्वितीयप्रश्नः द्वितीय दशिनि

TA 2.2.1

रक्षा॑ऽसि॒ ह॒वा॒ पु॒रोऽनु॒वा॒के॒ तपो॑ग्र-मतिष्ठन्त॒ तान् प्र॒जाप॑तिर्-
व॒रेणो॑पा मन्त्रयत॒ तानि॒ वर॑मवृणी-तादित्यो नो योद्धा इति॒ तान्
प्र॒जाप॑ति-रब्रवीद्यो॒धय॑ध्व-मिति॒ तस्मा॒दुत्तिष्ठन्त॑ऽ ह॒वा॒ तानि॒
रक्षा॑ऽस्यादित्यं यो॒धय॑न्ति यावदस्त-मन्वगा॒त्तानि॒ ह॒वा॒ ए॒तानि॒
रक्षा॑ऽसि॒ गाय॑त्रियाऽभि॒मन्त्रि॑ तेनां भ॒सा शाँ॑म्यन्ति तदु॒ह॒वा ए॒ते
ब्र॒ह्म॒वादि॑नः पूर्वाभि॒मुखाः॑ संध्यायां गाय॑त्रियाऽभि॒मन्त्रि॑ता आप
ऊ॒र्ध्वं वि॑क्षिपन्ति॒ ता ए॒ता आपो॑ वज्रीभू॒त्वा तानि॒ रक्षा॑ऽसि
म॒न्देहा॑ऽरुणे द्व॒पे प्र॑क्षिपन्ति॒ यत् प्र॑दक्षिणं प्र॒क्रम॑न्ति तेन
पा॒प्मान॑-मवधू॒न्वन्त्यु॒द्यन्त॑-मस्तं य॑न्तमादित्यमभि॒ध्याय॑न् कुर्वन्-
ब्रा॒ह्म॒णो वि॒द्वान्-थ्स॒कलं॑ भ॒द्रम॑श्नुते॒ ऽसा॒वादि॒त्यो ब्र॒ह्मेति॑ ब्र॒ह्मैव॑ सन्
ब्र॒ह्मा॒प्येति॑ य ए॒वं वैद॑ ॥ 15

38.3 नारायणोपनिषत्

This is a separate upanishad and is different from “Maha Narayanopanishad”. Atharva Rishi who has seen Lord Narayana has conveyed his direct experience in poetic form through “Narayana Upanishad”. It is also called “Narayana Atharva Sheersham” by Scholars.

(No Definite Source available)

ओं । सह ना ववतु । सह नौ भुनक्तु । सह वीर्यं करवावहै ।

तेजस्वि नावधीतमस्तु मा विद्विषावहैः ।

ओं शान्तिः शान्तिः शान्तिः ॥

ओं अथ पुरुषो ह वै नारायणोऽ कामयत प्रजाः सृजेयेति ।

नारायणात् प्राणो जायते । मनः सर्वेन्द्रियाणि च ।

खं वायुर्-ज्योति-रापः पृथिवी विश्वस्य धारिणी ।

नारायणात् ब्रह्मा जायते । नारायणात् रुद्रो जायते ।

नारायणा-दिन्द्रो जायते । नारायणात् प्रजापतयः प्रजायन्ते ।

नारायणात् द्वादशा-दित्या रुद्रा वसव-स्सर्वाणि च छन्दांसि ।

नारायणादेव समुत्-पद्यन्ते । नारायणे प्रवर्तन्ते । नारायणे प्रलीयन्ते ।

ओं । अथ नित्यो नारायणः । ब्रह्मा नारायणः ।
 शिवश्च नारायणः । शक्रश्च नारायणः । द्यावा-पृथिव्यौ च नारायणः ।
 कालश्च नारायणः । दिशश्च नारायणः । ऊर्ध्वश्च नारायणः ।
 अधश्च नारायणः । अन्तर्बहिश्च नारायणः ।
 नारायण एवेदं सर्वं ॥ यत् भूतं यच्च भव्यं ॥
 निष्कलो निरञ्जनो निर्विकल्पो निराख्यातः शुद्धो देव एको नारायणः ।
 न द्वितीयोऽस्ति कश्चित् । य एवं वेद ।
 स विष्णुरेव भवति स विष्णुरेव भवति ।
 ओमित्यग्रे व्याहरेत् । नम इति पश्चात् ।
 नारायणाये-त्युपरिष्ठात् । ओमित्येकाक्षरं ।
 नम इति द्वे अक्षरे । नारायणायेति पञ्चाक्षराणि ।
 एतद्वै नारायणस्या-ष्टाक्षरं पदं ।
 यो ह वै नारायणस्या-ष्टाक्षरं पद-मद्ध्येति ।
 अनपब्रुव-स्सर्व-मायुरेति । विन्दते प्राजापत्यं रायस्पोषं गौपत्यं ।
 ततोऽमृतत्व-मश्नुते ततोऽमृतत्व-मश्नुत इति । य एवं वेद ।

प्रत्य॒गान॑न्दं ब्र॒ह्मपु॑रुषं प्र॒णव॑ स्वरू॒पं । अ॒कार॑ उ॒कार॑ म॒कार॑ इति ।
ताने॑क॒था स॑मभर॒त्त-दे॑तदोमि॒ति ।
युमु॑क्त्वा मु॒च्यते॑ यो॒गी ज॑न्म सं॒सार-ब॑न्धनात् ।
ओं न॑मो नाराय॒णाये॑ति मन्त्रोपा॒सकः॑ ।
वैकु॑ण्ठ भुवन-लो॒कं ग॑मिष्यति ।
तदि॑दं परं पुण्ड॒रीकं॑ वि॒ज्ञान॑-घनं । तस्मा॑त् तदि॒दाव॑न् मा॒त्रं ।
ब्र॒ह्मण्यो॑ दे॒वकी॑पु॒त्रो ब्र॒ह्मण्यो॑ मधु॒सूद॑नो । सर्व॑ भू॒तस्थ॑मे॒कं ना॒राय॑णं ।
का॒रण॑रूपम॒कार॑ परब्र॒ह्मो॑ । ए॒तद॑थर्व शिरो॒योऽधी॑ते ।
प्रा॒तर॑धी॒यानो॑ रा॒त्रिकृ॑तं पापं नाश॒यति॑ ।
सा॒य॒म॑धी॒यानो॑ दि॒वस॑कृ॒तं पा॑पं नाश॒यति॑ ।
मा॒द्ध्य॑न्दि॒न-मा॑दि॒त्याभि॑-मु॒खोऽधी॑यानः ।
पञ्च॑-पा॒तको॑-पपा॒तका॑त् प्रमु॒च्यते॑ ।
सर्व॑ वे॒द पा॑रायण पु॒ण्यं ल॑भते ।
ना॒राय॑ण सा॒युज्य॑-मवाप्नो॒ति ना॑रायण सा॒युज्य॑-मवाप्नो॒ति ।
य ए॒वं वे॒द । इ॒त्युप॑निषत् ॥

ओं शान्तिः॑ शान्तिः॑ शान्तिः॑ ॥

39 प्रकीर्णाध्यायः

39.1 ब्राह्मण एक होता ।

(TA 3.7.1)

ब्राह्मण एक होता । स यज्ञः ।

स मे ददातु प्रजां पशून् पुष्टिम् यज्ञः । यज्ञश्च मे भूयात् । 1

अग्निद्वि होता । स भर्ता । स मे ददातु प्रजां पशून् पुष्टिम् यज्ञः ।
भर्ता च मे भूयात् । 2

पृथिवी त्रिहोता । स प्रतिष्ठा । स मे ददातु प्रजां पशून् पुष्टिम् यज्ञः ।
प्रतिष्ठा च मे भूयात् । 3

अन्तरिक्षं चतुर्होता । स विष्ठाः ।
स मे ददातु प्रजां पशून् पुष्टिम् यज्ञः । विष्ठाश्च मे भूयात् । 4

वायुः पञ्चहोता । स प्राणः । स मे ददातु प्रजां पशून् पुष्टिम् यज्ञः ।
प्राणश्च मे भूयात् । 5

चन्द्रमाः षड्होता । स ऋतून् कल्पयाति ।
स मे ददातु प्रजां पशून् पुष्टिम् यज्ञः । ऋतवश्च मे कल्पन्तां । 6

अ॒न्न॒ꣳ स॒प्त॒हो॒ता । स प्रा॒णस्य॑ प्रा॒णः ।

स मे॒ददा॑तु प्र॒जां प॒शून् पु॒ष्टिं य॑शः ।

प्रा॒णस्य॑ च मे प्रा॒णो भू॑यात् । 7

द्वौ॒र॒ष्ट॒हो॒ता । सो॒ऽना॒धृष्यः॑ । स मे॒ददा॑तु प्र॒जां प॒शून् पु॒ष्टिं य॑शः ।

अ॒ना॒धृष्य॑श्च भू॑यासं । 8

आ॒दि॒त्यो न॒व॒हो॒ता । स ते॒जस्वी॑ ।

स मे॒ददा॑तु प्र॒जां प॒शून् पु॒ष्टिं य॑शः । ते॒जस्वी॑ च भू॑यासं । 9

प्र॒जाप॑तिर् द॒श॒हो॒ता । स इ॒दꣳ स॒र्व॑ ।

स मे॒ददा॑तु प्र॒जां प॒शून् पु॒ष्टिं य॑शः । स॒र्वञ्च॑ मे भू॑यात् । 10

The Following Mantra is not a part of ब्रा॒ह्म॒ण ए॒क हो॒ता ।

However during Rudra-Ekadasinis etc the following Mantra is chanted as 11th “upachaara Mantram” after the above 10 Mantras.

हि॒र॒ण्य॒पा॒त्रं म॒धोः॑ पू॒र्णं द॒दा॒ति । म॒द॒व्यो॑ सा॒नी॒ति ।

ए॒क॒दा ब्रा॒ह्म॒ण उप॑हरति । ए॒क॒दै॒व य॑ज॒मान॑ आ॒यु॒स्ते॒जो द॑दाति ॥ 11

39.2 नमः प्राच्यै

(TA 2.20.1)

नमः प्राच्यै दिशेयाश्च देवता एतस्यां प्रतिवसन्त्ये ताभ्यश्च नमो,
नमो दक्षिणायै दिशेयाश्च देवता एतस्यां-प्रतिवसन्त्ये ताभ्यश्च नमो ,
नमः प्रतीच्यै दिशेयाश्च देवता एतस्यां प्रतिवसन्त्ये ताभ्यश्च नमो
नम उदीच्यै दिशेयाश्च देवता एतस्यां प्रतिवसन्त्ये ताभ्यश्च नमो
नम ऊर्द्ध्वायै दिशेयाश्च देवता एतस्यां प्रतिवसन्त्ये ताभ्यश्च नमो
नमो ऽधरायै दिशेयाश्च देवता एतस्यां प्रतिवसन्त्ये ताभ्यश्च नमो
नमो ऽवान्तरायै दिशेयाश्च देवता एतस्यां प्रतिवसन्त्ये ताभ्यश्च नमो ,

नमो गङ्गा यमुनयोर् मद्ध्ये ये वसन्ति ,
ते मे प्रसन्नात्मा-नश्चिरं जीवितं वर्धयन्ति ,
नमो गङ्गा यमुनयोर् मुनिभ्यश्च नमो ,
नमो गङ्गा यमुनयोर् मुनिभ्यश्च नमः ॥

40 ऐ॒क॒म॒त्य॒ सू॒क्तं

(To be chanted as per Rig Vedic Sruti)

(RV 10.12.191)

ओं । सं॒स॒मि॒द्यु॒व॒से॒ वृ॒ष॒न्न॒ग्ने॒ वि॒श्वा॒न्य॒र्य॒ आ ।

इ॒ळ॒स्प॒दे॒ समि॒द्ध्य॒से॒ स॒ नो॒ व॒सू॒न्या॒ भर॒ ॥ 1

सं॒ ग॒च्छ॒द्ध्वं॒ सं॒ व॒द॒द्ध्वं॒ सं॒ वो॒ म॒नांसि॑ जान॒तां ।

दे॒वा॒ भा॒गं॒ यथा॒ पूर्वे॑ स॒ज्जाना॑ना॒ उपा॑सते ॥ 2

स॒मा॒नो॒ म॒न्त्र-स्स॑मि॒ति-स्स॑मा॒नी॒ स॒मा॒नं॒ म॒न॒स्स॒ह॒ चि॒त्त॒मै॒षां ।

स॒मा॒नं॒ म॒न्त्र॒म॒भि॒ म॒न्त्र॒ये॒ व॒स्स॑मा॒ने॒न॒ वो॒ ह॒वि॒षा॑ जु॒हो॒मि॒ ॥ 3

स॒मा॒नी॒ व॒ आ॒कू॒ति-स्स॑मा॒ना॒ हृ॒द॒या॒नि॒ वः ।

स॒मा॒न॒म॒स्तु॒ वो॒ म॒नो॒ यथा॒ व-स्सु॑स॒हा॒स॒ति॒ ॥ 4

-----ऐ॒क॒म॒त्य॒सू॒क्तं॒ समा॑प्तं-----
